




RBC

2




D. Wyttenbach

J. Hope

Handwritten text at the top of the page, possibly a title or header, which is partially obscured and difficult to read.







FRID. SAM. DE SCHMIDT

*Ser. Princ. March. Bada-Durlacensis Consil. Aulici,
Acad. Reg. Inscript. & Lib. Art. Paris. Lugdun.
Monspel. Tolos. Nemauf. Massil. Societ. Antiq. Londin.
Etruscae Corton. Recup-Patav. Luccensis, Volaterr.
Goetting. Boicae, Basil. Bernensis Socii*

OPUSCULA

QVIBVS

RES ANTIQVAE

PRAECIPVE

AEGYPTIACAE

EXPLANANTVR.



CAROLSRVHAE

IN OFFICINA MACKLOTTIANA

MDCCLXV.

830
2



SYLLABVS
COMMENTATIONVM

QVAE
IN HOC VOLVMIINE
CONTINENTVR.


- I. *De Zodiaci nostri origine Aegy-
ptia* - - - pag. 1 -- 68
- II. *De Cepis & Alliis ab Aegy-
ptiis cultis* - - - pag. 69 -- 96
- III. *De Orphei & Amphionis no-
minibus Aegyptiis* - - - pag. 97 -- 122
- IV. *De Commerciis & Navigatio-
nibus Ptolemæorum* - - - pag. 123 -- 379
- V. *De Inscriptionibus Narbonen-
sibus* - - - pag. 381 usque ad finem.

Prima harum Scriptionum exstat in
EXCERPTO TOTIVS ITALICAE NEC
NON HELVETICAE LITTERATV-
RAE T.2. P.2. Art.1. A.1760.

*Secunda & Tertia ibid. T.3. P.2. Ar-
tic.2.&3. A.1759. Omnes vero nunc prodeunt
auctiores.*

*Duæ ultimæ nondum vulgatæ fuerunt;
prior ab ILLVSTRISS. ACAD. REG.
INSCRIPT. ET LIB. ART. PARIS.
præmio digna judicata est Anno 1762. In ea
nihil immutatum fuit præter notas, quas Au-
ctor hinc atque illinc ex iis Scriptis addidit, quæ
demum publicata fuerunt, postquam hoc Opuscu-
lum Illustrissimæ Academiæ oblatum fuit.*

DISSERTATIO PRIMA
DE
ZODIACI NOSTRI
ORIGINE ÆGYPTIA
AD
PERILLUSTRES SODALES
SOCIETATIS ANTIQUARIORUM
LONDINENSIS.





DISSERTATIO PRIMA
DE
ZODIACI NOSTRI
ORIGINE ÆGYPTIA
AD
PERILLUSTRES SODALES
SOCIETATIS ANTIQUARIORUM
LONDINENSIS.



Cum multa egregie, Sodales
Eruditissimi, a Gente vestra
ad Litterarum incrementa
instituta sunt, tum nihil præclarius,
quam quod perillustres Vestra Societas,
circa res antiquas, quibus nihil nobi-
lius esse potest, seria versatur cura.
Quid vero antiquius sideribus Signiferi

A 2

Cir-

Circuli, de quibus nunc agere in animo est? unde fere omnis Ægyptiorum & Græcorum fabulosa Historia pendet. Quid magis officii mei, quam Scriptiōnem istam honori & meritis Vestris nuncupare? Vobis enim quantum debeam in publicis Societatis Vestræ Monumentis continetur, quibus & Patris mei, meumque nomen inscripsistis. Ego vero reverentiæ Vestræ sic semper inserviam, non, ut me Societatis membrum, sed ut Candidatum ejus putem.

DE Origine Signorum Zodiaci nostri dicere institui, crassis enim latet occultata & circumfusa tenebris; cujus quidem tantæ & tam difficilis rei certam cognitionem me affecutum fuisse non profiteor; conjectationem tantum promitto, quæ verosimilis videtur. Sed antequam illam proponam breviter agendum erit de variis sententiis, quæ
hac

hac de re olim florere, hodieque inter eruditos circumferuntur.

• VETUS vulgi opinio est Signa Zodiaci Stellarum suarum positione eas efficere figuras, quibus repræsentantur; sed hæc accurate confutata sunt ab Eruditiss. SALMASIO in Præfatione Libri, qui inscribitur De Annis Climactericis. Ubi idem Philosophus optime refellit eorum mentem, qui Sidera Orbis Signiferi ob vim suam, quam in terrena transfundunt, iis putant insignitas figuris, quibus ea notataprehendimus; isti fingunt Leonem in Signo suo collocatum fuisse, propterea quod observassent antiqui, eos, qui sub hoc Animali nascuntur, ejus naturam habere. Quorum si vera esset sententia, sequeretur perabsurdum illud, Astrologiam divisionem & Denominationem Signorum Zodiaci præcessisse.

SUNT porro levia & perinfirmā, quæ dicuntur de Apotheosi filiorum Jacobi Patriarchæ in duodecim signis iis repræsentationibus adumbrata, quæ cum Jacobi oraculis, in filios suos editis, conveniunt *a*). *Ruben* est Aquarius, quia juxta hujus Auctoris conversionem, Jacobus de eo dixit, *ut Aquam te præcipitasti b*). *Gad* est Capricornus, quia *Guedi* in Hebræorum sermone Hircum notat; quæ, quamvis vitiosa sint, non ita tamen jejuna, quam illa de Cancro, qui in hac opinione *Benjaminis* Signum est, propterea quod de eo Vates ait: *mane devorat prædam, & ad Vesperam dividit spoliū c*). Hæc, in-

a) Hanc sententiam ab Auctore, cujus nomen ignoratur, profectam, reperimus in *Histoire de l'Acad. R. des Inscr. & Belles Lettres*. T. V. 31. seq.

b) Genes. 49, 4.

c) Genes. 49, 27.

inquit hujus sententiæ auctor, est plenaria rerum & naturæ inversio, devorare prædam, postea vero eam dividere ; hinc Cancer retrogradum animal in hoc signo collocatum.

Nunc operæ pretium est cognoscere perelegantem MACROBII sententiam, cui placet figuras nominaque Signorum Zodiaci fundamentum suum habere in varia horum siderum relatione ad Solem. Fortissimum hujus opinionis præsidium in Cancri & Capricorni Signis situm est, de quibus hæc habet MACROBIUS *d)*: *Cancer animal retro & oblique cedit. Eadem ratione Sol in eo Signo obliquum, ut solet,*

A 4

in-

d) Saturn. I. 17. Videatur etiam l. 21. ubi fere idem Systema, relationem nempe Signiferi Circuli ad Solem, quoad cetera ejus Sidera exhibet.

incipit agere regressum. Caprae vero consuetudo haec in pastu videtur, ut semper altum pascendo petat. Sed & Sol in Capricorno incipit ab imis in alta remeare.

HANC opinionem MACROBII nostris temporibus sibi adoptasse auxisseque visus est Abbas PLUCHE, qui tamen mihi, omnibus rite perpensis, novam hac de re conjecturam proposuisse videtur, nam prior horum Auctorum, ut modo declaravi, putat Signa Zodiaci nomina sua sortita esse ab ea tantum relatione, quam habent ad Solem *e*), posterior vero, quamvis in quibusdam MACROBIO consentiat, praecipue eorum originem iis deberi arbitrat,ur,

e) Macrobianam mentem, melius quam ab Abbate Pluche factum est, intellexit Heinius in Dissert. quae inscribitur *sur Oenipodas de Chio in Mem. de Berlin* T. 2. 417. ubi haec sententia novis etiam argumentis adstruitur.

tratur, quæ non modo in cælo sed etiam in terra in hominum Societatibus iis fiunt temporibus, quibus Sól ea signa percurrit. Exemplo sint sequentia ex ejus ingeniosissimo Libro, qui Historia Cœli inscribitur, desumpta, ubi de quatuor ultimis Zodiaci signis hæc habet *f*):

Morbi, quos recedens Sol in autumno importat, per Scorpionem adumbrantur, virulentum telum secum ferentem. Venatio, qua Veteres feras exturbabant ea tempestate, qua arbores foliis denudari consueverunt, apprime per hominem sagitta vel Clava instructum repræsentari potuit. Aquarius ad hiemales pertinet pluvias; pisces ligati, aut rete capti, piscatum innuunt, qui ineunte vere optimus est.

HANC Zodiaci denominationem Abbas PLUCHE ad remotissima Diluvii tempora ascendere putat, contra

A 5 quam

f) Lib. I. c. 3. p. II. Ed. Paris. 1739.

quam sententiam multa scripta sunt ab eruditissimis Viris LE MIRE g), & DE LA NAUZE h), quorum argumenta huc facientia tangere nolo; MACROBII enim atque PLUCHII conjectationes neque confirmare, neque refellere in animo est, iis quisque pro ingenio suo demat vel addat fidem.

Restat, ut sententiam Cel. GOGUETI expendam, qui peculiari eruditissimi operis sui segmento i) hanc rem per-

g) *Mémoires de Trevoux Ann. 1740. Juin. pag. 1151. seq. Lettre du P. le Mire de la Comp. de Jésus, -- au sujet de l'invention du Zodiaque attribuée par l'Auteur du Spectacle de la Nature aux premiers descendans de Noë.*

h) *Histoire du Calendrier Egyptien par M. de la Nauze, in Mémoires de l'Acad. R. des Inscript. T. XIV. 358.*

i) *Dissertation sur les Noms & les figures des Constellations, in Origine des Loix, des Arts*

&

pertractavit. Ille vero censet Signa Zodiaci istis temporibus Gentibusque deberi, quæ Litterarum Elementis destituebantur, iis vero, cum Astronomiæ Contemplationes scripto consignare vellent, Hieroglyphicis utendum fuit Litteris, quæ tum solæ habebantur, quæ oblique tantum rei repræsentatæ conveniebant, & plerumque ex animalibus constabant. In planisphæriis itaque suis Astronomicis unius sideris stellas per lineas invicem jungebant, adjiciebant porro ejus nomen scriptum per formas Hieroglyphicas, tum enim nondum erant Litterarum Elementa. Hieroglyphicæ autem istæ notæ mox ipforum signorum loco constitui cœpere, sed earum rationem reddere non valemus, quia ad antiquæ istius Scripturæ scientiam aditus nullus patet.

Hanc

Et des Sciences T. II. p. 731 - 780. Edit. Hagæ Comitum. 8. 1758.

Hanc ego subtilitatem solertissimo G O-
G U E T O dignam judico, sed a veritate
remotissimam.

N U N C venio ad conjecturam meam,
juxta quam Græci Zodiacum, quo ho-
die utimur, ab Ægyptiis acceperere, qui
quodlibet Signum uni ex Diis suis sin-
gulari modo consecrarunt *k*) & iis re-
præ-

k) Dissertationem meam de Zodiaco cum
Viro Summo Daniele Bernoullio communica-
vi, qui monuit sibi videri divisionem Zodia-
ci esse antiquiorem Polytheismo Ægyptio-
rum addebatque sic meam non destrui con-
jecturam; dicebat enim vetustissimis tempo-
ribus Astronomos Aegypti Animalium figu-
ras in Zodiaci Signis depinxisse, quia hac ra-
tione commode sideris alicujus stellæ discer-
ni queunt, dum hæc in capite, illa in cauda,
alia in humeris, in corde alia collocata cen-
setur; & novimus sic constitutam hominum
imaginationem, ut omnes indistinctæ confu-
sæque

præsentationibus insigniverunt, quæ his Numinibus in eorum Hieroglyphicis notis sacrisque monumentis tribui solebant; idque ita, ut unicuique horum Deorum, quantum id fieri potuit, illud fidus sacraretur, quod eum cultu, quem Aegyptii ei exhibuerunt, conveniret, & qui fere totus Astronomicus erat & Physicus, Aegyptiorum regioni adaptatus 1).

DICAM

fæque figuræ illis Animalium species animo informare videantur. Postea vero Aegyptii hæc Astra Diis suis consecrarunt, uti Galilæus Jovis dicavit Satellites, vel sicut Lunæ præcipua loca ab illustribus Philosophis nomen habent; hinc tandem accidit, ut Animalia in Zodiaci Signis repræsentata, Deorum insignia facta fuerint.

1) Accuratus adhuc hæc explicari possent, si de forma antiquissimi anni Aegyptiaci, quæ obscurissima est, certius constaret.

DICAM igitur de singulis signiferi circuli sideribus, si prius videro de Zodiaci Aegyptii atque Græci similitudine. Sunt enim Philosophi, & fuerunt, qui omnino Zodiacum Aegyptiorum & Græcorum dispares fuisse arbitrantur; quorum si vera est opinio, quæ potest Græci Zodiaci origo esse Aegyptia? Totum igitur id, quod nobis opponunt, quid & quale sit, ipsorum optimis verbis declarabimus: *Diffimilitudo Zodiaci Aegyptii & Græci*, ait Eruditiss. DE LA NAUZE, *m) nemini dubia esse potest.*
Acbilles

m) L. c. 359. Le Mire. L. c. 1164. Eruditissimi isti Viri, dum contra Abb. *Pluche* sententiam disputant, quæ Zodiaci signis summam Antiquitatem tribuit, unum ex præcipuis argumentis a diversitate Zodiaci Græci & Aegyptii vel Chaldæi sibi petendum autumant. Eandem defendit Scaliger in Manilium, & Clar. *Montucla* in *Hist. des Mathématiques* I. 85.

Achilles enim Tatius jam observavit Græcos ad Heroes suos & ad Historias suas nomina & constellationes Aegyptiorum referre, & res ipsa satis loquitur. Inspiciamus integrum ACHILLIS TATII locum n): Ob id penes varias nationes diversa quoque reperiuntur nomina stellarum. In Aegyptiaca Sphæra neque draco in censum nominaque Siderum venit; neque Ursæ; neque Cepheus; sed aliæ sunt simulacrorum formæ, nominaque illis indita. Ita neque in Chaldæorum Astrologia. Græci porro vocabula ista de insignibus heroibus transtulerunt, ut comprehendendi & agnosci facilius possent.

SI fallaci argumento uti vellem, dicerem, heic non de Zodiaco sermonem esse; sed alia supersunt, quæ contra ACHILLEM TATIUM objicienda videntur.

n) Isagoge in Arati Phænomena. Apud Petavium in Uranologio p.164.

dentur. Iste enim auctor, recentior cum sit o), non maximi in hac re momenti est, quia PLUTARCHO gravissimo scriptori adversatur, qui diserte adstruit Urfam in Sphæra Aegyptiorum conspici p). Illud quoque apparet ACHILLEM TATIUM, & qui illum sequuntur, non rite intellexisse differentiam Sphæræ Aegyptiæ & Græcæ, de qua Veteres ubique loquuntur; illa enim non in dissimilitudine figurarum, sed in dispari eas explicandi modo consistit. Cujus rei exempla quædam

o) Aldus Manutius Ep. 6. Ach. Tatium perantiquum putat: *P. le Mire* l. c. sentit eum noni esse Seculi; nobis quidem incerta est ejus ætas: si tamen Auctores, quos citat, consideremus, mediam viam incedendam existimamus, quæ hunc Scriptorem ad quartum refert Seculum. Weidler Hist. Astron. 191.

p) De Ifide 359. Edit. Wechel. An. 1599.

dam proferam: Aries in Aegypto Jupiter censebatur Ammon; apud Græcos erat ille, de quo Phruxi agebant fabulæ. Taurus apud Aegyptios erat Apis; apud Græcos is, qui Europam abduxit. Sic Græci, ut posteris Signiferum Circulum se invenisse persuaderent fabulas suas in figuris horum Signorum repræsentatas esse dixerunt; etsi antiquissimis temporibus optime scirent longe alio modo hæc in Aegypto explicari, unde orbem signiferum acceperant; & ita accidit, ut mendacium furto se jungeret comitem *q*). Sic Græci in tota sua Mythologia, ea, quæ Astronomice in Aegypto intelligebantur, ad suæ Gentis homines, re-
gionef-

q) Hæc etiam satisfaciunt iis, qui ex Sphæræ Græcæ Græcis explicationibus, contendunt ejus figuras ab hac Gente originem accepisse.

B

gionesque translata historice exponebant r).

NIGIDIUS duas scripsit Sphæras, Græcam alteram, ubi siderum nomina juxta hujus Populi fabulas explicabat; alteram Barbaram, seu Aegyptiam; sic enim præ ceteris vocabant illam gentem, unde scientias omnes sumferant. Nunc vero non inquirō, an Aegyptiorum Zodiacus in omibus cum illo Chaldæorum conveniat, hæc enim comitem habent quæstionem illam tantam & tot controversiis implicatam, de migrationibus, & commerciis harum Nationum & de Antiquitate Scientiarum, quæ inter illas floruerunt s).

ILLI

r) In his sedulo distinguenda sunt Aegyptia antiqua, ab iis quæ Græca sunt & Historica. Conferatur *Sphère Historique ou Explication des Signes du Zodiaque* Paris 1716.

s) Probabile videtur Chaldæorum antiquam sphæram cum vetustissima Persica, hanc cum

ILLI vero, qui Zodiaci Aegyptii & Græci dissimilitudinem tuentur, causam suam porro sequentibus explicant verbis *t)*: *Quod specialius ad Zodiaci attinet signa, nomina, qua Græci illis imposuerunt, nullam habent affinitatem cum iis, quibus Arabes & ceteri Orientis populi ea insignivere, qui dubio procul veteris Sphæra Aegyptiorum vestigia optime servarunt.*

B 2 Hæc

cum antiquiore Arabica convenisse, omnes ab Aegyptiaca diversas fuisse. Ex veteri autem illa Chaldæorum sphaera explicandæ constellationes, quarum nomina in V. T. codice occurrunt. Conferri potest *A Letter to Martin Folkes concerning the rise and progress of Astronomy amongst the Antients. London 1746.* Et *Further Account - in three Letters, Oxford 1748.* Harum Epistolarum prima de Astronomia Chaldæorum, secunda de Jobi-fideribus, tertia de Mythologica agit Astronomia.

t) Clar. de la Nauze loc. cit.

Hæc refelli possunt, non enim video, cur Arabes & ceteræ Orientis Gentes melius quam Græci Zodiacum servare debuissent. De Græcis enim constat eos sua omnia huic Genti debere, de Arabibus certum eos scientias suas non ab Aegyptiis accepisse, a quibus Religione, superstitione, lingua, moribus penitus differunt. Arabes autem & fere omnes Orientis populi, Sinenfibus exceptis, recentioribus demum temporibus a Græcis Astronomiam & Sphæram suam assumerunt, quod testantur OLUG BEGII Tabulæ ab Erud. HYDE vulgatæ. Si vero scrutari Arabes veteres, & ea, quæ de antiquissima sua Sphæra memoriæ prodiderunt, eruere coner, reperio eos quasdam Constellationes olim aliter, quam Græci faciunt, vocasse, quæ, ut videtur, non ab Aegyptiis, sed a Pecuaria, qua utebantur vita,

tra-

traducta sunt *u*). Post Mohamedem Arabes optime potuerunt perfectius illud Græcæ Astronomiæ Systema sequi, antea id non fecissent, quia vetus eorum Religio & superstitio in antiqua eorum sphaera fundamentum suum habuit.

RESTAT, ut de monumentis quibusdam Aegyptiis agam, ex quibus nonnulli differentiam Zodiaci Aegyptii & Græci probare annituntur. KIRCHERUS *x*) itaque, & MONTFAU-

B 3 CONIUS

u) Hyde l. c. p. 4. Golius in Alfreganum. p. 63. Qui de vetusto Arabum Zodiaco, nova, Hydio & Golio incognita, comperire cogitat, is non Arabum Astronomos, sed potius manuscriptos interpretes antiquorum hujus gentis Poëtarum adeat, qui fere nihil de stellis errantibus, sed multa de iis, quæ cœlo infixæ sunt, memoriæ prodidere.

x) Oedip. Aegypt. T. 2. 161.

CONIUS y) edidere Aegyptiacarum Antiquitatum reliquias, quas Zodiacum repræsentare putaverunt, & quæ fere nullam cum signifero nostro Circulo affinitatem habent. Sed KIRCHERI & MONTFAUCONII opiniones se mutuo tollunt, dum figuræ, quas uterque tanquam Zodiaci Aegyptii signa protulit, multum a se invicem differunt. MONTFAUCONII autem Monumentum, quod ille Calendarium Aegyptiacum vocat, nostris temporibus iterum editum fuit ab Illustriss. Comite DECAYLUS z) summo Aegyptiacarum Litterarum promotore, qui optime doctissimeque declaravit Zodiacum in eo non exhiberi; & illud argumentum, quod a duodecim figuris, quæ in eo occurrunt, desumptum est, nihil unquam probabit, cum hoc monumentum

y) *Antiq. Expliq. Supplément. 2. pl. 54.*

z) *Récueil d'Antiquités. Pl. XXI - XXVI. T. I.*

tum, non ut integrum, sed tanquam fragmentum, considerandum veniat. Ipse quoque hoc monumentum, seu fasciam istam Aegyptiacam, in S. Genœvæ Museo conspexi, unde mihi concludere licuit Ill. Comitis DE CALY LUS editionem exemplar suum probe accurateque referre; in eo vero præcipue singularis videbatur, quod statim infra quamlibet figuram, in columnis spaciisque separatis repræsentatam, litteris vetustis Aegyptiis Epistolographicis *a)* nomina quædam rubro colore tincta occurrerent, cum cetera atro colore perscripta essent; ex quo mihi profecto perspicuum est, has figuras, etsi ipsa Zodiaci signa non repræsentent, aliquo tamen modo ad Calendaria pertinere, & forte Decanos Aegyptiorum nobis sistere. Decani Aegyptiorum,

B 4

Præ-

a) Quæ in communi vitæ usu receptæ ex Litterarum Elementis constabant.

Præsides signiferi circuli, ut id in transitu dicam, numero sunt 36, tres enim eorum unicuique Zodiaci Signo præponi solent, quorum Nomina Aegyptiaca corrupte exhibet SCALIGER in Manilium, accuratius SALMASIUS de Annis Climacteris, & in Commentariis in Solinum. Doctrina vero, quam Aegyptii de his Decanis fovebant, obscurissima est, &, si penitus cognosceretur, Zodiacum hujus Gentis forte egregie illustraret. Cui vero Decanos ex antiquitate eruere in animo est, is, præter Linguae Copticæ subsidium, adhibebit monumentum singulare, ad Zodiacum maxime faciens, & omnibus, qui hac de re egerunt, neglectum; occurrit illud in Historia Academiæ Reg. Scient. Paris. An. 1708, cum qua communicatum fuit a Cl. BIANCHINO *b*).

Ro-

b) Verosimile mihi videtur fragmentum
hujus

Romæ itaque A. 1705 istud Fragmentum Planisphærii Aegyptio Romani repertum fuit Tabula constans lapidea, cui insunt circuli plurimi, ut ita dicam concentrici, quorum *κέντρον* habet Ur-
fas & Draconem; exterior circulus Animalia offert 12, a Zodiaci Signis diversa. Tertius & quartus orbis Zodiaci exhibet Signa; quintus & sextus Deos, & præcipue Planetas spectandos præbet, ita depictos, ut exterior cir-

B 5

culus

hujus Monumenti ex Peirescii Schedis editum fuisse a Montfauconio *Antiq. 1. 124. Supl. 1. après la Pl. XVII.* Decani Aegyptiorum etiam ex Abraxearum Gemmarum studio illustrari queunt, ibi enim Chnubis & alia hujusmodi inferiora Numina haud raro occurrunt. Sedulo quoque evolvendi inediti Græci Astrologi, qui sub mole rerum absurdarum quædam de Decanis scitu digna sepeliverunt. Horum vero magna Parisiis superest copia ex Biblioth. Huetii, & in Collegio Claramontano.

culus Mercurium ea forma repræsentet, qua apud Græcos & Romanos insigniebatur, interior vero sic illum ob oculos ponat, ut Aegyptiorum Anubin in eo deprehendamus. Sic porro in exteriori orbe Apollo occurrit Romanorum more radiatus, in interiori autem circulo ejus loco ponitur homo accipitris capite ornatus, quæ Solis imago fuit apud Aegyptios. Semper autem tres horum Deorum unum Zodiaci signum, in interioribus circulis contentum, includere solent, unde perspicuum est heic Decanos Aegyptiorum exhiberi, eos ex Planetis præcipue defumptos, & eundem Decanum sæpius pluribus diversis Zodiaci signis præesse. Sed nimis mutilum est istud fragmentum, quam ut omnia, quæ ad Decanos Aegyptiorum pertinent, inde cum certitudine cognoscere queamus. Unicuique vero Decano in Monumento Romæ

mæ eruto Græco Latinis Litteris, nomina quædam subscribuntur, quæ fere omnia sibi invicem similia esse videntur, ubi alicujus momenti est observare, in Fascia quoque Parisiensi subscriptiones ad Decanos Aegyptios fere omnes ex iisdem Aegyptiorum Litteris constare, unde forte olim felix aliquod ingenium ex horum duorum Monumentorum sedula collatione in Epistolographicæ Aegyptiæ Scripturæ genuinam Lectionem incidere poterit. Equidem illud etiam animadverto **SCALIGERUM** non modo nomina sed figuras quoque Decanorum Zodiaci evulgasse, quas, qui de Decanis agere volunt, sedulo debent inspicere. Hæ vero figuræ ab iis, quæ in Monumento Romano occurrunt, valde differunt; unde forte quis cogitare posset in isto monumento occurrere Zodiaci relationem ad solennia quædam Aegyptiorum Deorum Festa,

sta,

sta, quo plurima ejus gentis signa referenda sunt c). Sed jam ad propositum revertamur.

VIDIMUS itaque præcipua argumenta, quæ adversarii sententiæ nostræ adferunt ad probandam Zodiaci Aegyptii Græcique differentiam; Omittimus multa, ineptum enim foret de tam perspicua re pluribus verbis disputare, inprimis cum nemo Veterum de differentia Signorum Zodiaci Græci & Aegyptii sermonem instituat, imo omnes consentiant ea in utroque eadem fuisse. MACROBIUS, qui Zodiaci repertores Aegyptios facit, de Græci
Zo-

c) Utinam heic conferre liceret Monumentum ad Zodiacum spectans, quod in Ruinis Panopoleos (*Acmin*) superest; obiter illud descripsit Pocockius I. 77. Nos vero ab iis qui Aegyptum adeunt avide ejus delineationem efflagitamus.

Zodiaci signis loquitur, MANETHO Aegyptius, qui Ptolemæi Philadelphi temporibus vixit, & principiis Petosifris & Necepso imbutus fuit, Zodiaci Græci signa sequitur. Sic LUCIANUS vel quicumque demum sit Auctor libri de Astrologia, qui sub ejus nomine circumfertur, asserit Arietem, Taurum, Capricornum, Pisces, quæ Græci Zodiaci signa sunt, in illo Aegyptiorum deprehendi *d*). Imo ulterius adhuc progreditur, dum putat animalium cultum apud Aegyptios inde originem trahere, quod illa in Circulo signifero consecrata fuerint *e*). Quam
ulti-

d) Editio Reitzii T. 2. 363.

e) Animalium cultum originem habere a Zodiaco, sentit etiam Erud. mihiq; amicissimus Abbas *de Mehegan*, qui de orbe signifero multa ingeniose disputat in libro, cui titulum præfixit *Origine, Progrès, & Décadence de l'Idolâtrie* Paris 1758. Sententia ista
de

ultimam conclusionem, ab Eruditiss. **WARBURTHONO** confutatam *f*) nos non tangimus, nunc enim illud fatis est, **LUCIANUM** cum tota Antiquitate Zodiaci Græci & Aegyptii similitudinem agnoscere.

SI dubia & captiosa argumentatione in re certa uti vellem, confugere possem ad nummos Hadriani & præcipue Antonini temporibus in Aegypto percussos, ubi signa Zodiaci nostri separatim posita occurrunt, addita stella, & sæpius imposito stellæ capite, tanquam sideris hujus Numine Tutelari *g*). Rari sunt isti nummi, & tria
ta

de Zoolatria, ex Zodiaci signis deducenda, sub examen vocatur in libro, cui Titulus: *Du culte des Dieux Fetiches* 253.

f) *The divin Legation of Moses* L.IV. Sect. 4.

g) **Cel. Morellius** in *Specim. R. Num. antiquæ*

tantum aut quatuor Zodiaci signa inde vulgata sunt; cui vero illos accurate cognoscere lubet, is adeat ineditos vetustatis thesauros, Regium Gallicum, Musea Cel. Pellerini, & Collegiorum Societ. Jesu Parisiensem, in quibus omnia Zodiaci signa deprehendi. De his vero latius agere nolo, quia hæc monumenta, etsi Aegyptia, recentiora tamen sunt, quam ut rite, rem de qua quæritur, confirmare queant.

EJUSDEM ponderis, valde nempe conjecturale, est illud argumentum, quod a vetustioribus illis notis desumitur, quibus Zodiaci signa Astronomis indigitantur, & quæ videntur esse species Hieroglyphicarum Aegyptiarum formarum; integræ enim effigies, in
his

tiquæ p. 123. Hi nummi fere omnes annum VII. Anton. P. exhibent. Conf. Mus. Theupol. T. 2.

his notis contractæ, priscæ imaginis vestigia servant *h*).

SED jam sentio me esse longius proVectum quam proposita ratio postulare, verum huc traxit adversariorum numerus, qui, cum clari sane in litteris sint, in hac parte, qua a sententia mea discedunt, nominandi fuerunt. Venio nunc ad specialia, ut, per singula Zodiaci signa eundo, declarem, unde quodlibet eorum nomen suum acceperit, & cui Deo apud Aegyptios tributum fuerit. Dubium nemini est Aegyptios Deorum suorum imperium thronosque in Planetarum orbibus & signifero Circulo collocasse, quod toti Astrologiæ Aegyptiæ originem dedit; Divinatio enim ex astris non alio nititur fundamento, quam illo, Stellas esse

h) Præ ceteris heic conferri meretur Eru-
ditiss. Zanettius in Urna Contarena.

esse Numina, unde multa manant & fluunt, quibus Animantes reguntur: Et hæc vetustissimæ Idololatriæ occasionem dedisse videntur, antiquissimis enim temporibus non extabuit quidem opinio de uno summo Deo, sed falsos sibi homines fingeant conceptus de ejus Providentia; putabant eum Ministros suos in Planetis & Zodiaco collocasse; qui, dum inde orbem nostrum gubernare censerentur, paulatim eum cultum meruere, qui summo tantum numini debetur.

AB ARIETIS itaque incipiam signo, quod sententiæ meæ non controversum exhibet argumentum. Arietem enim in Zodiaco Aegyptiorum locum habuisse testis est LUCIANUS, Hunc vero HYGINUS ⁱ⁾, SCHOLIASTES

ⁱ⁾ Hygini Poeticon. Astronom. pag. 467. cap. 20. Edit. 5. Staveren.

C

STES GERMANICI *k*) alique plures afferunt, Jovi Ammoni apud Aegyptios sacrum fuisse, quod etiam legimus apud ABENEPIUM & AVENAAR Judæorum Arabumque Astronomos, KIRCHERO *l*) citatos. Ammon in Aegypto præses habebatur Aequinoctii verni, quod in Signo Arietis collocatum fuit. Hinc explicantur omnes illæ fabulæ, quæ apud Aegyptios Græcos & Arabes de Ariete seu Jove Ammone narrabantur *m*). EUSEBIUS, de Aegypto Jovis Ammonis signo loquens,

k) Scholia ad Germanici Aratea Phœnomena pag. 120. Edit. Morellii.

l) Silentio præterire nolo Avenaar mihi ignotum esse, & Abenepium Kircheri citatum mihi valde suspectum videri, Oedipus Aegypt. 2. 2. 178. 201.

m) Unus instar omnium consulendus maximus Aegyptiorum studiorum defensor Jablonskius Panth. Aegypt. 157-184.

quens, hæc habet *n*): *Caput quidem Arietis*, quo hæc effigies ornata fuit, *solemnem congressionem Solis & Lunæ in Signo Arietis repræsentat*. Et PROCLUS in Timæum *o*) *Arietem Aegyptii singularem in modum coluerunt, eo quod simulacro Ammonis apud ipsos caput arietinum imponatur*. *Accedit, quod Aries, primum quippe Zodiaci signum, principium sit genituræ, & quod motus ejus est velocissimus, quia in illo signo Sol Aequinoctium facit*. Hæc & alia quæ lubens omitto, opinionem meam de Ariete in Zodiaco Aegyptiorum conspicuo & Jovi Ammoni dicato ita confirmant, ut ea in controversiam adduci nequeat.

Huc etiam faciunt figuræ quædam Ifiacæ Tabulæ, quæ ipsa ut Calen-

C 2

len-

n) Præp. Evang. 3. 12.

o) Lib. I. pag. 30. & Hyginus Fab. 133. pag. 237.

lendarii Aegyptii species consideranda est. In primo autem ejus segmento apparet aries, cui Cynocephalus sedens suppositus est; Jam vero HORAPOLLO sentit *Aegyptios Aequinoctia significantes Cynocephalum sedentem pingere, quia duobus anni Aequinoctiis duodecies in die per singulas nimirum horas urinam reddit, idemque & noctu facit p)*. Errasse autem videntur PIGNORIUS q) & Abbas BANJER qui inconsiderate Arietem Tabulae Isiacae pro Hirco venditarunt, cum KIRCHERUS

p) Hierogl. I. 16.

q) Mensae Isiacae expositio. Fig. F. 21. In eadem Bembina Tabula, Monumento probe Aegyptio, Aries occurrit biceps, ut Anubis Aegyptiorum & Janus Tuscorum, qui annum respicit elapsum & elapsurum. Sic Ariès tanquam primum Zodiaci signum respicit Zodiacum, quem sol jam permeatus est, & altera illum quem de novo est transiturus.

RUS & JABLONSKIUS longe melius hanc figuram pro Ariete acceperint; sic certe est in nupera & optima Tabulæ Ifiacæ Editione, quam Illustr. Comes DE CAYLUS vulgavit, ut & in vetusta & pereleganti ejus ichnographia, quæ per Jacobum FRANCUM Venetum prodiit. Verisimile tandem est Pascha in Aequinoctio verno in contumeliam Idololatriæ institutum fuisse, ut eadem anni tempestate, qua Aegyptii Ammonem maxime coluerunt, Aries huic Numini sacer a Judæis cæderetur r). Hanc sententiam amplectitur Auctor Chronici Orientalis, quod ab Editore Echelenſe vocamus s); in eadem opinione

C 3 est

r) Quædam rituales Leges Idololatriæ fuerunt oppositæ; non excludendi tamen sunt alii fines, quinimo conjungendi, ut summa inde Legislatoris sapientia eluceat.

s) Pag. 7.

est etiam R. BECHAI *t*) & R. Abrah. SEBA, qui causam suam his explicat verbis *u*): *Incipiebant autem illi, Aegyptii, numerare menses suos ab eo tempore, quo Sol ingrediebatur in initium Signi Arietis, atque is mensis totus festa solennitate celebratur, & illi magnum honorem exhibebant in cultu suo, præ omnibus reliquis mensibus. Deo itaque visum est munda-
re Israëlitas, eosque longe remove-
re a statutis Gentium; illi etiam parant pecu-
dibus suis, & ideo non comedunt carnem arietis, vos autem sumite illum ad ma-
standum eum, & affate eum, & comedite car-
nem ejus & reliquum comburite &c. Heic quoque laudandus videtur TACITUS *x*), qui ait: *Moses, quo sibi in posterum gen-
tem firmaret, novos ritus contrariosque ce-
teris mortalibus indidit. Profana illic omnia,**

t) In Exod. XII, 18.

u) Comment. in Leg. pag. 70.

x) Histor. 5. 4.

omnia, quæ apud nos sacra, rursus concessa apud illos, quæ nobis incesta; Effigies animalis, quo monstrante errorem sitimque depulerant, penetrati sacrare, cæso Ariete velut in contumeliam Hammonis.

SUPRACITATI Aegypti nummi Ammonis caput Signo Arietis adjectum repræsentant *y*): Prolixus certe fui in Arietis signo ex mente mea explicando, sed conducebat ab initio declarare Veterum testificationem & rationum copiam mihi non deesse; in ceteris itaque compendiosiore utar via, æquos enim judices jam in sententiam meam discessisse arbitror.

MANILIUS *z*) aliique Romanorum Scriptores quælibet signa Zodiaci

C 4 uni

y) Pedrusi Nummismata 331. n. I. Vol. VI. Nummus Hadriani.

z) Lib. 2. 434. sq. Commentatores ad En-

uni ex Diis suis tribuerunt; sed non dissimulandum, quod obscurari non potest, illorum consecrationem in multis Romanorum potius ingenia, quam Aegyptiam prodere originem. Si vero eos sequamur, TAURUS Veneri sacratu fuit a);

- - - - *Taurum Cytherea tuetur.*

Hæc cum ita sint, posset aliquis pugnare Veneri Aegyptiorum sacra fuisse vaccam b), ubi porro contendendum foret, non Taurum sed Vaccam olim in hoc signo fuisse collocatam, & addendum Astrologos hoc sidus $\Theta\eta\lambda\epsilon\ \text{Z\acute{o}\delta\iota\omicron\nu}$ vocare, judicantes simul illud homines molles & enervatos reddere c);

At

nii Fragm. pag. 165. Vetusstiff. Calendarium Farnesianum.

a) Manilius 2. 439.

b) Aelian. H. Anim. XI, 27. Strabo L. XVII.

c) Manilius 4. 519.

*At quos prima creant nascentis Side-
ra Tauri,*

Feminei incedunt.

Sed his non assentior, longe enim alia est ratio, quæ Astrologos movit, ut hanc ponerent sententiam. Mihi vero placet unum ex sacris Tauris, Apin scilicet, in hoc sidere repræsentari, quod jam animadvertit LUCIANUS d), qui inquit: *Sane etiam Taurum in honorem cælestis Tauri colunt, atque est illis Apis res sanctissima, qui Regionem illorum depascatur, cui oraculum ibi constituerint, Signum Divinationis illius cælestis Tauri e).*

C 5 IN

d) Astrolog. 2. 363. Horapollo 1. 10.

e) An Oracula, quæ Antiquissimi Aegyptii petebant a sacris suis Animalibus, & præcipue ab Ariete Thebano, a Tauro Memphitico, a Leone Heliopolitano, inde deducenda sunt, quod ea in terris spectarentur ut imagines Zodiaci? hoc nimium videtur, sed forsitan divinatio ex Astris non tantum quantum vul-

IN GEMINIS Horum video & Harpocratem Aegyptiorum Deos in multis sibi convenientes, indivulsos fratres, atque intimos familiares. Græci vero & Latini dicunt esse Castorem & Pollucem *f*), fratres, qui versis vicibus inter Mortales versantur; uti Horus & Harpocrates, qui tanquam Sol die & nocte & in utroque solstitio, alternis vicibus sese spectandos præbent *g*).

HÆC exponam aliud argumentum eorum, qui Zodiaci Aegyptii & Græci differentiam defendunt; illi nobis offerunt HERODOTI locum, qui sic habet

go existimatur, ab ea discrepat, quam sanctæ præbebant bestię.

f) Avienus pag. 42. Scholiastes Germanici 112. Edit. Morellii.

g) Ovum, ex quo nati Tyndaridæ, aliaque plurima, originem produnt Aegyptiacam.

bet *h*): ἔτε Διοσκύρων τὰ ἑνώματα φασὶ
εἰδέναι, ἐδὲ σφι Θεοὶ ἔτοι ἐν τοῖσι ἄλλοις
Θεοῖσι ἀποδεδέχασθαι. Sed ex his nihil
contra nos efficitur; non enim heic Ca-
stor & Pollux citantur ut Gemini in or-
be signifero; Aegyptii porro non co-
gnoverunt Tyndaridarum Græca nomi-
na, quia hi Dii apud illos Horus & Har-
pocrates salutabantur. An Bacchum
ignorabant Aegyptii, quia illum Osirin
vocabant? an Mercurium, quem Anu-
bin appellabant? an cetera Græcorum
Numina, quæ mutatis nominibus ab il-
lis ad hanc Gentem transiere *i*).

Id

h) Lib. 2. pag. 119. Edit. gr. lat. H. Steph.
1594.

i) Apud Illustr. Com. *De Cailus* T. 1. pl. 7.
Horus & Harpocrates juncti occurrunt, ut
fratres indivulsi; forte huc etiam pertinet
monumentum T. 4. Pl. 23. num. 2. Ratio, ob
quam Aegyptii hoc signum potius quam aliud
Geminis dicaverunt forsitan inde deducenda,

Id quoque dicendum restat, KIRCHERUM, qui aliqua ex parte conjecturam nostram de Zodiaco cognovit, id, quod ab initio de Geminis posuimus, Veterum testificatione extra omne dubium collocasse; Sed nullam fere hic Auctor meretur fidem, dum, sive ostentationis causa, quo plura & difficiliora scire videretur, sive, quod similis veri est, ex nimia oscitantia antiquos sæpe perperam & inconsiderate citavit. Laudat is PLUTARCHUM dicentem, Geminorum signum apud Aegyptios Helitomeno & Harpocrati sacratum fuisse; *Aiunt enim Aegyptii*, inquit KIRCHERUS *k)*, *Isidem ab obitu cum Osiride concubuisse,*

quod duæ præcipuæ Geminorum Stellæ ejusdem fere magnitudinis sibi invicem parallelæ vicinæque sint. Præter hoc signum etiam illud Scorpionis, cum figura sub qua repræsentatur, aliquam affinitatem habet.

k) Oedip. Aegypt. 2. 154.

cubuisse, ex eoque Gemellos suscepisse Helitomenon & Harpocratem, eosque postea in cælum translatos huic mansioni prælatos fuisse. Exposui non PLUTARCHI iudicium sed KIRCHERI somnium; sic enim ait PLUTARCHUS 1). Τὴν δὲ Ἰσιν μετὰ τὴν τελευταίαν ἐξ Ὀσιριδος συγγενομένην, τεκεῖν ἡλιτόμενον καὶ ἀσθενῆ τοῖς κατωτέρω γυίοις τὸν Ἀρποκράτην. *Isin, ex Osiride, qui a morte cum ipsa coivisset, filium peperisse Harpocratem, fœtum abortivum, pusionem inferioribus debilem membris.* Ex quo perspicuum est, Helitomenum a KIRCHERO nobis obtrudi, quod nesciret hac voce notari infantem per abortionem natum, quod Aegyptii de Harpocrate perhibere solebant.

CANCRI sidus apud Romanos Mercurio consecratum fuit m).

1) De Ifide pag. 358.

m) Manilius 2. 439.

- - - - *Cyllenie Cancrum.*

HINC in vetustis Romanorum Monumentis Cancri inter hujus Dei insignia occurrunt *n*). Sic etiam in Aegypto Cancer Anubidi, seu Mercurio sacer fuit *o*), is autem erat stella Canis; quae de re hæc habet PORPHYRIUS *p*), *Aegyptiis initium anni non est Aquarius, ut Romanis, sed Cancer, prope Cancrum autem est Stella Caniculæ.*

LEONIS fidus Soli seu Osiridi tributum fuit, tum enim hujus Astri summa

n) Du Choul Religion des Romains 155.

Montfaucon *Ant. Expl.* 1, 83. n. 7.

o) Huc faciunt Abraxeæ Gemmæ, in quibus Astaci marini & fluviales Anubin Aegyptium comitantur. Kircheri *Oedip.* T. 2. P. 2. 467. Ebermayer T. 17. n. 434. Macarii Gemmæ T. 12. 48. Montfaucon 2. 154. *Auctarium Tab. Bemb. Tab. I. n. 5.*

p) De Antro Nymph. 264. Edit. Cantabrig.

ma vis deprehenditur, negare tamen nolo Horo quoque aliquo modo illud assignari potuisse, dum ipse quoque ad solem referendus est.

HORAPOLLO affirmat apud Aegyptios Leonem illud significare tempus, quo, Sole istud signum transeunte, amplior est Nili exundatio *q*), hinc juxta antiquos Tubi, quibus Nili canales claudebantur, Leonum capitibus ornati fuerunt *r*); quales & hodie inter monumenta Aegyptia exstant *s*). Hinc sæpe videmus Leones, & effigies hominum leonis capite insignitas, aquam Nili in vasis portantes. Neque vero quidquam magis confirmat meam sententiam

q) Lib. 1. 21. Scholia in Arati Phoen. 22. Ed. Oxon.

r) Plutarchus Sympot. IV. Q. 5. 670.

s) *Recueil d'Antiq. de M. le Comte de Caylus*. 1. pl. 17.

tentiam, quam omnia illa Aegyptia monumenta, quæ hominem e somno fuscitatum repræsentant, mensæ incumbentem, quæ capite, cauda, pedibusque Leonis exornatur, adstantibus mulieribus gestuosis, quæ motibus suis lætitiā, qua fruuntur, testatam faciunt; & additis Canopis plurimis. Quid enim indigitatur per Leonis insignia, quam illa tempestas, qua Sol hoc fidus percurrit? Quis est ille ex somno excitatus, nisi Nilus Aegyptum iterum oppletam tenens? An diversa ab Iside, femina, Nili reditum læta excipiens? quæ tandem aliæ, quam hujus fluvii aquæ, Canopis continentur? Talia Monumenta occurrunt apud omnes Aegyptiacorum Signorum Editores *t*), & ho-

t) Montfaucon *Suplem.* 2. 37. *Antiq. Midleton.* Tab. 23. *Limbus* Tab. *Isiacæ &c.* Plures Eruditi existimant hæc monumenta repræsentare ritus Aegyptiorum circa defunctos.

& horum simile conspexi in antiquissimis picturis, quibus ornatur Mumiae Aegyptiacae theca, quae in Museo S. Genovevæ adservatur.

SUPERIUS citati Aegypti nummi Leonis signum exhibent addita stella & capite radiato, quo Sol indigitatur *u*).

VIRGO Isidi sacra est, ut Leo Osiridi ejus marito. AVIENUS *x*) dum varias Veterum opiniones de isto Signo recenset, hanc quoque, quae optima est, non omittit:

*Aut Pelusiaci magis es Dea Littoris
Isis*

*Digna Poli consors & cura latrantis
Anubis.*

D Astro-

u) Hunc nummum Antonini Pii vidi in Museo Chamillardi, quod in magno Collegio Societ. Jesu Paris. exstat.

Eundem nummum deprehendimus in Musei Theupoli. Tomo 2. pag. 1140.

x) Pag. 39. Edit. Morellii.

Astronomi autem Judæorum KIRCHERO *y)* citati afferunt in hoc Signo collocari Mulierem parvulo quodam filio mammam præbentem, quod multi ridicule ad Servatorem generis nostri transferunt; nam, si vera sunt, quæ isti tradunt, heic occurrit Isis Horo suo admo-
vens ubera, quod frequentius in monu-
mentis Aegyptiis conspiciamus. Potuit
etiam hæc imago originem ducere a
vetusta Virginis effigie, quam inter Si-
gna Zodiaci in Gemma Daçtyliothecæ
Regiæ Gallicæ, & in alia apud Princi-
pem Aurelianensem, deprehendi, ubi
Virgo Unicornu in sinum suum devolu-
tum habet, quæ res, ut me docuit Eru-
ditiss. Abbas BELLEI, inde explican-
da, quod veteres Græci & Arabes fin-
gerent,

y) Oedip. Aegypt. 2. 203. Kircherus heic
citatur Avenaar & Albumasarem. Prior mihi
ignotus; posterior seculo decimo scripsisse
putatur.

gerent, Unicornu in sinum virginum sese projicere, ibique omni ferocitate deposita soporatum caput ponere z).

SED ut ad propositum revertar, de Sphinge agam, quod in illa fundamentum totius opinionis meæ præclare jactum videtur. Sphinx enim composita est ex Leone & Virgine, hinc Aegyptiis Exundationem notabat Nili, quæ, Sole hæc signa transeunte, abundantissima est; cum vero Sphingis effigies sint perantiquæ, antiquum quoque apud Aegyptios oportet esse illum Zodiacum, in quo Leonis & Virginis occurrunt sidera. De Leone jam dixi supra, nunc vero & hoc arbitror adjiciendum, in Ifiaca Tabula a), mummisque vetustis b)

D 2 femi-

z) Damir Arabs, Eustathius, alique a Borcharto citati. Hierozoic. l. 3. 26.

a) Fig. V V.

b) Nummus Gentis Cæciliæ Morellio vul-

feminam occurrere Leonis insignitam capite, quæ figuræ, a nemine hætenus rite explicatæ, Sphingum videntur species, ex quibus nobilissimi Aegypti fluvii incrementa intelliguntur c).

DILUAMUS nunc objecta Cel. WACHTERI, quæ alicujus momenti sunt; is vero in eruditissimo opere de
Scri-

gatus, Thef. Morell. pag. 52. conf. Cl. Spanhemius de Ufu & Præst. Numism. T. 1, 241. Sedulo autem hæ figuræ, quantum id per monumenta licet, ab iis distinguendæ, quæ felium, ceborum, aliarumque simiarum capitibus, insignitæ sunt.

c) Uti Sphinx, sic & Gryphus, Niloticam significabat exundationem. Ejus originem Aegyptiam demonstrat Bembina Tabula, ubi frequenter occurrit, ut & ingenium istius Gentis ad tales allegorias proclive. Ejus relationem ad Nili exundationem & alæ aquilæ, quæ apud Aegyptios magnum ad hoc flumen respectum habuit, & corpus Leonis, & ipsa Canopi Vasa Gryphis sæpe addita, lucu-

Scripturæ & Naturæ Concordia d) hac arrepta occasione sequentia nobis opposuit: *Quamvis autem Sphinx compositione sua satis prodat, Zodiacum cum suis Animalibus, Aegyptiis ab antiquo notum fuisse, quod etiam ex Apotelesmaticis Manethonis a Jac. Gronovio publicatis, cognoscitur; ipse tamen Zodiacus Telluri Niloticæ, quæ sub signo virginis inundationem patitur, nequaquam convenit, quia Virgo cælestis a prima Zodiaci institutione, non fuit signum inundationis, sed messis ob spicam, quam manu tenet. Quid inde sequatur nemini obscurum esse potest, scil. Zodiacum cum suis animalibus non in Aegypto, sed alio sub cælo inventum esse,*

D 3 &

lenter declarare confirmareque videntur; ut omittam Sphingum ænigmata, & perplexos antiquorum Gryphos, jocososque Logogryphos haud obscuram habere affinitatem.

d) Pag. 34.

& falli Macrobius, dum inventum Zodiaci Aegyptiis transcribit.

VIRGINEM in veteri Aegyptiorum Zodiaco spicas tenuisse nemo unquam probabit, his enim illa ornata fuit a recentioribus, quibus Isidem, cum Cerere, cui multis convenit, comparare placuit e):

Spicifera est Virgo Cereris.

Sed demus & hoc; an Spica Virgini non potuit tribui ut argumentum fertilitatis Aegypti, quæ omnis a Nilotica exundatione pendet?

LIBRA non conspiciebatur in Veterum orbe signifero; Nepa in duas divisa partes chelis suis istud effecit signum; postea demum Libræ additæ ut Aequinoctia innuerentur. Sæpe SCORPIUS in Monumentis conspicitur Mithriacis, quæ multis modis ad

Zo-

e) Manilius 2. 442.

Zodiacum pertinent, & plurima ejus signa repræsentant. Sæpe ille inter Hieroglyphicas occurrit notas. Apud Romanos Marti facer fuit *f*):

Pugnax Mavorti Scorpius hæret.

MARTEM quoque in Monumentis comitatur *g*); Nullus vero est Aegyptiorum Deus, quem cum Marte componere quæamus, præter Typhonem; cui terribiles Aegypti Scorpium ut omnia Animalia noxia & venenata, tribuendi erant; imo testis est PLUTARCHUS *h*) Aegyptios Typhonis imperium in Nepæ fidere collocasse.

D 4 Cel.

f) Manilius 2. 443.

g) Mars cum Scorpio adjecta stella in Achate apud Clar. Passerium de Gemmis Astriferis Tab. 138.

h) De Ifide pag. 356. Supracitati Anton. Pii nummi Scorpium signum exhibent addita stella, & superius adjecto galeati Martis capite. Musei Theupoli Tomo 2. p. 1141. Oriente Scorpio Orion occidit, unde ea quæ diver-

Cel. POCOCKIUS fragmenta Obelisci Aegyptii; quæ Romæ supersunt, evulgavit *i*), in quibus inter varias vetustas formas Hieroglyphicas etiam SAGITTARIUS occurrit, illi, quem in Zodiaco conspiciamus, per omnia similis, & qui Herculi Aegyptiorum nuncupatus fuit in memoriam belli, quod ille strenue Gigantibus fecit *k*). *Sacratissima*, ait MACROBIUS, & *augustissima Aegyptii Herculem Religione venerantur, ultraque memoriam, quæ apud illos retro longissima est, ut carentem initio colunt. Ipse creditur & Gigantes interemisse, cum pro cælo pugnaret, quasi*
virtus

simode de hostili odio Scorpii & Orionis traduntur, deducenda esse videntur.

i) Pococke *Descript. of the East*. T. 3. 207. Varia Zodiaci Signa ex Aegyptiorum Monumentis publicavit Bianchini *La Istoria Univ.* pag. III.

k) Alio respectu Herculis labores ad So-

virtus Deorum l). Vetustissima & ab Aegyptiis profecta est consuetudo Hominum Animaliumque invicem jungendi corpora; hinc Sagittario Bellatoris Equi partes adjectæ fuerunt *m).*

CAPRICORNUS Pani, seu Mendeti Aegyptiorum, sacer est; cujus insigne fuit Hircus. *Aegyptii Panem*, ait NONNUS *n)*, *Mendetem* vocant, quoniam lingua ipsorum *Mendes Hircum sonat*. *Pan* vero hic hircinam habet faciem; & tanta Religione Mendetem hunc, sive *Pana* colunt, ut etiam a Capris omnino abstineant, quod nempe Deus ipsorum formam caprinam habeat. In honorem

D 5 hu-

lem, Zodiacum percurrentem, referri queunt.

l) Saturn. I. cap. 20.

m) Sic Horus, alter Typhonis Victor, equo usus est in bello contra Typhonem. Plutarch. de Is. 358. Hercules etiam in Ingeniculo repræsentatus videtur.

n) In Collectione Historiarum ad Gregorii

hujus Dei in Thmuitano Templo Hircus alebatur, cui inhonestus redditus fuit cultus, de quo P I N D A R U S o) aliique plures. Sed hæ res notæ sunt atque apud omnes pervulgatæ; propterea illis pro mea consuetudine non immorabor, confido enim, ea, quæ breviter simpliciterque de his dixi, æquis iudiciis probata fore.

R E S T A T illud, Interpretem Germanici ibique laudatum Nigidium multa de hoc signo scribere, quæ non modo originem ejus Aegyptiam, verum etiam sententiam meam de Pane ibi sacro maxime confirmant; quorum ego exempla quædam proferam p). *Capricornus sane similitudinem habet Aegipanos;*

Nazianzeni inveſt. in Julianum L. 2. Hiſt. 27.

o) Apud Strabonem XVII. pag. 551. Bochart Hieroz. 1. Lib. 2. cap. 43.

p) Edit. Morellii 125.

*panos ; habet enim posteriorem partem Piscis, priorem Capricorni. — Epi-
menides dicit in Ida utrosque nutritos, &
ad Titanum bellum cum Jove esse profe-
ctum, quem Jupiter Victor astris intulit,
quod ejus opera dii armati essent. Ac
mea quidem sententia ex his apparet,
Scorpium, Typhonis signum, excipere
Herculem & Panem, qui hunc Gigan-
tem devicerant. Nisi, in tanto, Vete-
rum dissensu de obscurissimis istis re-
bus conjecturis indulgentes potius dice-
re velimus, signum Capricorni, æque ac
illud Scorpium, in festo Numini fuisse tri-
butum, ipsumque Panem ad Typhonis,
& ad Malorum Deorum turbam, ab an-
tiquissimis Aegyptiis relatum esse. Huc
aliquo modo pertinere videntur terro-
res a Pane immissi; huc Deus iste hor-
rida, tenebricosa, deserta inhabitans lo-
ca, quæ ubique malorum Geniorum se-
des censebantur. Hinc forsitan expli-
cari*

cari posset Symbolum Capricorni, more Aegyptio ex duobus Animalibus compositum, & præter corpus hirci, apud plerasque Nationes infesto Numini dicati, etiam Piscis, Typhoni & ejus fociis sacрати, partes habens. Huc tandem referenda videtur hircina Panis libido; Aegyptii enim, duorum principiorum idea imbuti, Typhoni, & ejus affeclis, non modo omnia mala in mundo corporum, sed etiam omnes inordinatos animorum tribuere solebant motus affectusque.

AQUARIUM in PLUTARCHI quodam loco me deprehendisse puto, is enim hæc habet: *Die vero XI. mensis Tybi (VI. Januarii) ad Mare descenditur & sacram cistam Stolistæ, una cum Sacerdotibus efferunt, in qua est intus aurea arcula, cui infunditur ab aliis aqua potabilis, ac clamor tollitur ab his, qui adsunt, vociferantibus Ostridem esse inventum*

tum q). Sequor heic emendationes Eruditissimi JABLONSKII r); qui solide probavit hoc Festum Januario mense actum fuisse, vel VI. Januarii, vel XIV, quod Signo Aquarii propius convenit; idem etiam efficitur ex verbis EPIPHANII s), qui ait: *Quæ Causa est, cur Die XI. Tybi omnes in Aegypto aquam hauriant, eamque ibidem uti præterea multis aliis in locis reservent.* Hinc, si ejusdem JABLONSKII conjectationem sequamur, in Kalendario Romano VIII. Idus Januarii, i. e. VI. ejus mensis die, occurrit Dies Aegyptiacus; huic enim auctori placet Dies Aegyptiacos non esse atros & nefastos, sed tales, quibus illis, qui Aegyptiorum Religionem

q) Pag. 366^E. De Ifide.

r) Conjectura in Clausulam Tab. Bembinae. Miscellan. Berolin. VII. 388.

s) Hæresi §. 51. 30.

nem sequebantur, feriæ imperatæ fuerunt; sed me non fugit multa contra hanc sententiam dicta & scripta fuisse. Nunc vero non inquiero, cur eo tempore, de quo quæstio est, Osirin inventum esse dixerint, illud enim satis est, in memoriam hujus Solennitatis Aquarium Canopo sacrum in astra relatum fuisse, quod majorem veri speciem inde mutuatur, quod effigies hydrias ferentes, in Aegyptiorum monumentis sint frequentissimæ. Hæ feriæ apud Græcos in Bacchi honorem habebantur; imo ipsi Christiani, qui Orientem incolunt, & multas Aegyptiorum superstitiones sequi solent, eadem hæc festa celebrant; Si vero quispiam quærat, quænam apud illos harum Feriarum sint origines, respondent: *Hac die VI. Januarii baptizatus est Dominus, eoque sanctificavit aquam. Idcirco omnes in solennitate hac media nocte aquatum eunt,*

&

Et aquam haustam domi reponunt, ac in annum integrum custodiunt t).

SI Astronomos quosdam Veteres audiamus, PISCUM Sidus Veneri dicatum fuit *u)*; Sic Nephtis Venus Aegyptiorum, ut illa Græcorum, est Dea maritima, utrique facer piscis & insignium loco adscriptus; qui hinc Aegyptiis & Pythagoræis, ut marina omnia, horrore fuit, quia Nephtis Typhonis, naturæ monstri, uxor erat, jus

t) Chrysostomus Homil. de Baptismo Christ. 2. 396. Montfauconii. Pagii Critica ad Annales Baronii A. C. 29. n. 7.

De diebus Aegyptiacis conferri merentur, quæ Clar. Sinnerus breviter & solidissime contra Jablonskium scripsit, in Catal. Cod. MSS. Bibl. Bern. Tom. I. pag. 42. De iisdem exstat elegans Nagelschmidii dissertatio.

u) Scholia ad Germanicum. pag. 121. Hyginus Poët. Astron. 30. pag. 482.

jus Regnum etiam in mari collocabatur *x*).

ET quoniam omnia persequimur, volumus quidem certe, dicendum est, KIRCHERUM in Oedipo suo juxta Arabes, qui de Aegyptiorum rebus scripserunt, Indicem exhibere omnium Plantarum, quæ Zodiaci signis tributæ fuerunt *y*). Singularis enim erat & sacra Aegyptiorum circa plantas cura, quæ Zodiaci sideribus potuerunt adsignari, vel quoad tempus quo nascuntur, vel præcipue, quoad earum virtutes,

x) Philosophi Aegyptii per Nephtin præcipue intelligebant steriles oras sinus Arabici; huic Deæ, ut & Typhoni, Pisces, paucis, qui grati sacrique erant exceptis, omnes, dicati fuere, qui ideo in Hieroglyphicis notis erant vulgaria signa odii. Amores autem Martis & Veneris apud Græcos ex connubio Typhonis cum Nephti videntur deducendi.]

y) Tom. 2. P. 2. 351. sq.

tes, quæ similitudinem cum Diis signiferi orbis habere videbantur, propter famosa illa defluvia, quæ inde in terram nostram manare censebantur. In Piscium autem signo occurrunt Cicuta, Hyosciamus, Napellus, Solanum, Plantæ venenatæ & noxiæ, quæ Nephti Typhonis conjugii optime potuerunt tribui, dum his Numinibus, ut malis Principiis, omnia ea adscripta fuerunt, quæ in rerum universitate corrupta videbantur & noxia. Nolo longus esse in hac sectione, nam, etsi negari nequeat multa de Plantis in Aegyptiorum Religione tradita fuisse, nemini tamen dubium esse potest, ea, quæ KIRCHERUS heic profert, recentiora videri, & ab Hermeticis illis junioribus profecta, qui exiguam merentur fidem 2).

E PISCIMUM

2) Insunt tamen & his genuina quædam Aegyptiæ antiquitatis vestigia, quæ a recen-

PISCIIUM fidus in vetusto Aegyptiorum Obelisco conspexi *a*).

EQUIDEM id etiam animadverto ultimum Zodiaci signum esse illud Piscium, sic Mare terminat Aegyptum; primum signiferi Circuli fidus est Aries, sic Thebæ Jovi Ammoni Arietique sacrae Aegyptum ordiuntur; mediæ sunt illæ Provinciæ, in quibus Apis ceterique Aegyptiorum Dii colebantur.

HINC forte cuilibet in mentem venire posset, Geographicam quandam Aegypti chartam ab hujus Gentis Sacerdotibus in Cælo collocatam fuisse *b*). Et favent huic opinioni ea, quæ de

tionibus distinguere quidem difficile est, non tamen impossibile.

a) Pococke *Descript. of the East* &c. 3. 207.

b) Sacerdotes Aegyptii in rerum Universalitate innumeros Naturæ quasi concentus & consensus quæsierunt. Sic diversa Signa Zodiaci etiam cum variis corporis nostri parti-

de Delta Aegypti in cœlesti illo Triangulo *c*); & de Nilo in Eridani constellatione *d*) repræsentato, apud veteres

E 2 de-

bus magnam naturæ convenientiam & conjunctionem habere putabant, quæ juniores Hermetici curiosius & longius extendebant.

b) Interpres Germanici 121.

c) Idem 133. Addendus Hyginus in Poët. Astronom. 2. 32. pag. 483. Van Staveren, qui ait: *Qui autem Eridanum Nilum volunt vocari propter magnitudinem & utilitatem æquissimum esse demonstrant, præterea quod infra eum quædam stella sit, clarius ceteris lucens, nomine Canopos appellata, Canopus autem Insula fluminis alluitur Nilo. Aegyptum integram Cæli imaginem existimabant teste Pseudo Hermete Trismegisto Allocutione ad Asclepium inter Apuleji Opera pag. 90. Elmenhorstii, Nilum vocabant æmulum & imitatore Cæli Heliodori Aethiop. 9. 423. Bourdelotii. Philo de V. Mosis 3. pag. 682. Manilius 3. 453. Cujus*

deprehenduntur. Sed hæc sunt nimis dubia, quam ut ulterius de illis coram illustri Vestra Societate disputem, quæ studiorum longo usu, & Gentis vestræ jure, res non ex specie, sed ex veritate existimat, ponderat.

hæc sunt verba:

*Nilus & erumpens imitatur Sidera
Mundi*

*Per septem fauces atque ora fugantia
Pontum.*

Hæc vero omnia probant Aegyptios undique affinitatem inter Cœlum & Terram suam, Osirî cœlestem seu solem, terrestrem seu Nilum, quæsisisse. In Regione illorum omnes fere Nomîab Animalî aliquo nomen habebant. In Cœlo omnia fere Solis signa a Bestiis cognominata fuere. Recentioribus Aegyptiorum temporibus Thuribulum Phari cognomen accepit.

F I N I S.

Dis.

DISSERTATIO SECUNDA

DE

CEPIS ET ALLIIS
AB AEGYPTIIS CULTIS

AD

ILLUSTRISSIMAM ACADEMIAM
REGIAM SCIENTIARUM

ET

LIBERALIUM ARTIUM

LUGDUNENSEM.



DISSERTATIO SECUNDA
DE
CEPIS ET ALLIIS
AB AEGYPTIIS CULTIS.

NON levem Aegyptiorum circa Cepas, Allia, Porrumque, fuisse religionem eruditis omnibus constat; sed latet eos hujus rei origo ratioque. Ut enim Veteres in his sibi contradicere, sic Recentiores in omnia devia discedere video. Labet jam hanc superstitionem nova conjectura illustrare, atque Antiquorum dissensum tollere.

Primo quidem loco Veterum testimonia, quæ hac de re agunt, adferam; dein ostendam Cepas uni Aegypti Nomo, unique Deo sacras fuisse; porro evincam non de omni Cepas heic sermonem esse, sed de una tantum earum

specie; tandem in originem hujus superstitionis inquiram.

Notissimus est JUVENALIS a) locus, qui Sat. XV. totus in eo versatur, ut Aegyptiorum ritus atrocius reprehendat:

*Porrum & Cepe nefas violare &
frangere morsu,
O Sanctas gentes, quibus hæc nascuntur in hortis,
Numina.*

ET RECOGNITIONES CLEMENTINAE: b) *Aegyptii Cepas, & Cloacas, & Crepitus ventris, pro Numinibus habendos esse docuerunt.*

Ita porro CHRYSOSTOMUS c): *Multi Gentiles sic erraverunt, ut in tantum stuporem & amentiam inciderent, ut*

a) Sat. XV. v. 9.

b) Patr. Apostol. Cottelerii T. I. L. V. 551.

c) In Genesin Cap. I. Homil. 7. fol. 39.

ut & Cepe, & Allia, & his viliora adorant.

Addamus his PRUDENTIUM, qui duobus locis hujus superstitionis mentionem injicit d).

*Adpone Porris religiosas Arulas,
Venerare acerbum Cepe, mordax
Allium.*

*Fuliginosi thure placantur Lares,
Et respuuntur consecrata holuscula;*

Aut unde major esse majestas foci,

Quam nata in hortis sarculatis creditur.

Si Numen Ollis, Numen & Porris inest.

Idem adversus Symmachum e):

E 5

Vi-

d) Hymn. X. v. 261.

e) Lib. 2. v. 865. Huc trahendus etiam Seditulus Lib. 1. 257:

*Vilia Niliacis venerantur Oluscula
in hortis;*

*Porrum & Cepe Deos imponere
nubibus ausi,*

Alliaque.

Hi iam sunt Auctores, qui tradidere omnes Aegyptios Cepas divinis honoribus profecutos fuisse; sed non maximam merentur fidem, dum ille Satyræ mordacis studio; hi, ut Gentilibus crimen facerent, aliquid sibi indulgisse putandi f).

Ab illis vero discedunt Vetustatis Scriptores, qui adstruunt Aegyptios Cepis abstinuisse, non quod eas adorerent,

*Nonnulli venerantur olus, mollesque per
hortos*

*Numina sicca rigant, verique hac arte vi-
dentur,*

Transplantatorum cultores esse Deorum.

f) Conferendus Clar. Goguet, *Origine des Loix, des Arts*, T. I. L. 6.

rent, sed potius, quia illas penitus abhorruere. Duplicem enim hunc Abstinentiæ Aegyptiorum fontem, multa quidem inter se communia habentem, ubique deprehendimus. Sic Aegyptiî, & post eos Pythagoræi, Faba, quam immundam putabant, abstinere consueverunt; Porcum quoque, Typhoni tributum, exosumque, in cibum adhibere noluerunt.

Aegyptios Cepas averfatos fuiffe teftis eft DIODORUS SICULUS g): *Alii Lentibus, ait ille, Fabis alii, nonnulli Cafeis, aut Cepis, & id genus efca, quibus Aegyptus abundat, penitus abftinent; fic declarantes docendos efle mortales ut ab immodico comeftibilium fibi temperent ufu,*

g) Lib. I, p. 100. Edit. Weffelingii, Origenes contra Celfum Lib. V. pag. 604. Tom. I. Ed. De la Rue: *Accidet, ut qui Philofophi inter Aegyptios degent, perridicule Cepis abftineant, ut patria fervent inflituta.*

*usu; & si quidvis a quovis edatur, nihil
absumentium ingluviei tandem suffectu-
rum.*

SIC quoque PLUTARCHUS *h)*
*Sacerdotes Cepam averfantur & graviter
cavent, quia decrescente solum luna vigere
& incrementum capere solet. Ita porro
MINUTIUS FELIX i)* de Aegyptiis
*non magis Isidem, quam Ceparum acrimo-
nias metuunt.*

JUNGAMUS his HIERONY-
MUM *k)*, qui ait: *Taceo de formidoloso
& horribili Cepe.*

SUNT igitur ex vetustis Scriptori-
bus, qui tradunt Aegyptios Cepas reli-
gioso prosequi cultu, sunt alii, qui il-
lam Gentem eas exhorruisse putant.

IN

h) De Iside & Osiride pag. 630. Edit. Græ-
cæ H. Steph. Paris. 1582.

i) In Octavio p. m. 278.

k) In Esaiam Lib. XIII. Cap. 46.

IN antiqua Somniorum Doctrina, quæ fere tota Aegyptiæ est originis, hujus, superstitionis luculenta quoque supersunt vestigia. ARTEMIDORUS enim in *Onirocriticis* 1) de Cepis sic habet: Κρομμυα δὲ καὶ σκόροδα ἐσθιέν μὲν πονηρὸν, ἔχειν δὲ ἀγαθόν: *Cepas & Allia comedere nefastum; plantare vero & habere bonum est.* Sed istius opinionis ratio hunc Auctorem latuit; Aegyptii ipsi heic fuissent adeundi; ista enim verba similia sunt hujus Gentis & Pythagoræ effatis, qui pari modo de Malva, ipsis culta, sic prolocuti fuere, *Herbam Molochen serito, sed eam ne comedito m)*; eadem ratione de Gallo Ἀλεκ-τρύονα τρέφε μὲν, μὴ θύε δέ.

ANTEQUAM ulterius pergam sub-
jun-

1) Lib. I. Cap. 69. pag. 58. Edit. Rigaltii.

m) L. G. Gyraldus Pythagoræ Symbola pag. 130. Jamblichus Symb. 18.

jungendus videtur PLINII locus ⁿ⁾), *Allium Cepasque*, inquit ille, *inter Deos in jurejurando habet Aegyptus*. Erat enim is vetustus Aegyptiorum, Rhadamanthi uti & Pythagoræ, atque Socratis mos, ut per Canem, per Arietem, Anserem, Platanum, Crambem aliaque jurarent, quia hæc Diis quibusdam Aegyptiorum singulari modo sacra fuisse constat.

SED his omnibus, quæ hætenus de Aegyptiorum a Cepis abstinencia ex Antiquorum mente docui, contrariari videtur vetus Traditio, quæ perhibet Cepas, Porrum, Alliaque, quæ in Aegypto non parva copia miraue magnitudine existunt, ibi frequenter in victu adhibita fuisse.

ABRA-

ⁿ⁾ Hist. Nat. XIX. 6. & L. 2. c. 7. per fœtidos cibos jurantes.

ABRAHAMI Posterī in Desertis circumerrantes apud MOSEN o) sic conqueruntur: *Recordamur Piscium, quos edebamus in Aegypto gratis; Cucumerum, Melonum, & Porrorum, & Ceparum, & Alliorum.* Interpretes SSæ. in hoc loco explicando fere consentiunt quoad voces *Bezalim & Schumim*, quas Cepas & Allia vertunt. Longius vero a se recedunt in explicando vocabulo *Chatzir*, de quo OLAUS CELSIUS p) luculenter probavit id Porrum significare

o) Num. XI. 5.

p) Hierobotanicon. T. 2. 263. seq. Conferendus Clar. Hasselquist pag. 562. cujus hæc sunt verba: ALLIUM CEPÆ H. V. 3. Arab. Basal. Hanc fuisse ex Ceparum speciebus ab Israëlitis desideratam unam, probat usus copiosissimus & præstantia ejus in Aegypto, non meliorem inveniri cepam illa Aegypti per universum Orbem certo persuasus erit, qui semel in cibum acceperit, &c.

care. Cum vero Erud. iste Auctor Versionem Coptorum heic in subsidium non vocaverit, illam, quæ LXX. Interpretes sequitur, subjungam; sic vero habet *Nem Niügi, nem Piemgol, nem pifchsün. Aegi Coptis porrum, Emgol q)* Cepam, significant. *Ifchsün* hoc solo loco observavi, vulgo *Allia Coptis Corthom & Mauftos* dicuntur.

DE Cepis ad victum adhibitis hæc leguntur apud gravissimum Scriptorem HERODOTUM r): *In Pyramide Litteris Aegyptiacis scriptum est, quantum pro Raphano, Cepis & Alliis, quæ Operariis exhibebantur, erogatum fuerit. Atque de eadem re differens PLINIUS s) Aliqui prodiderunt in Raphanos & Allium ac Cepas mille octingenta Talenta*
ero-

q) *Aegi & Emgol* scribuntur per *Giangia*.

r) Lib. II. n. 124. p. 137. Edit. Gronovii.

s) Hist. Nat. XXXI. 12.

erogata t). Cum vero in Aegypto ob Animalium cultum Regionisque naturam Carnes fere nullæ, fructus paucissimi in victum cederent, necessario ad Olerâ leguminaque confugiendum fuit.

POSSET quidem quis ad Mosis testimonium regerere, Aegyptios etsi Cepas exhorrerent, nilominus Judæos servos suos, illis enutrire potuisse; huic enim Genti omni ævo Cibus iste in deliciis fuit; a Patribus quippe suis hæreditatis jure acceperunt, ut Allia semper oboleant *u*).

ET suffragari posset huic opinioni, quod Sacer Scriptor de piscibus addit, quos Aegyptii fere omnes tanquam Typhoni sacros averfati fuere *a*).

F AD

t) Quidam contra Codices, jure tamen, mille sexcenta, præferenda statuunt.

u) R. Salomon Filius Virgæ in Hist. Gentis Judaicæ à G. Gentio conversæ p. 450.

Salomon Zevi Theriac. Jud. Cap. I. §. 20.

x) Plutarchus de Iside 748.

AD locum autem HERODOTI atque PLINII excipiendum foret, illos de Pyramidum ſtructuribus loqui; ad iſtum vero laborem Aegyptios Iſraëli-
tarum ope uſos fuiſſe a vero non yide-
bitur abſimile y).

SED non opus eſt tam dubiis in-
niti conjecturis; alia enim reſponderi
queunt, quæ vero propius accedunt,
& omnem Veterum hac de re diſſen-
ſum penitus tollunt.

STATIM enim non in omni Aegy-
to viguit hæc ſuperſtitio, ſed in uno
tantum ejus Nomo illa obtinuit. Aegy-
ptiorum enim Sacerdotes unicuique
Pago ſingulare Numen, proprias Plan-
tas & Animalia dicavere, ſic paucis be-
ſtiis, quæ ubique ſanctiſſimæ erant, ex-
ceptis, ceteræ omnes in iis tantum re-
gionibus gratæ fuerunt, in quibus id
Numen, cui dicatæ erant, colebatur.

Aegy-

Herodotus Lib. II. Cap. 37. p. 102.

y) Joſephus Antiq. Jud. Lib. II. Cap. 5.

Aegyptiorum circa Cepas Religio-
nem apud unam tantum ejus Regionis
Gentem in usu fuisse, testis est Auctor
HIST. BARLAAMI 2). *Alii Crocodilum*
- - (coluerunt) *quidam Cattum, &*
Canem, & Lapum, & Simiam, & Draco-
nem, & Aspidem. Alii Cepas, & Allia,
& Spinas a).

F 2 Ac-

2) Ex antiqua Versione, quæ exstat ad fi-
nem Edit. Damasc. Basil. 1548. pag. 67. Joh.
Damasceno hoc opus vindicare tentavit Alla-
tius in Prolegom. Edit. P. M. *Le Quien* T. 1.
25. seq.

a) Origo & ratio Cultus Plantarum apud
Aegyptios eadem cum veneratione sacrorum
Animalium. Hæc Gens per omnia Naturæ
Regna ea quærebat, quæ cum Diis suis ali-
quam habere videbantur affinitatem; atque il-
la a Philosophis ut Symbola Numinum specta-
bantur, vulgus vero ubique stolidus, pro Diis
eorum signa, pro Luna per noctivagum Cattum
adumbrata, ipsam hanc bestiam adorabat; exi-
stimabatque pro Astro per Anguem Anguil-

ACCEDO ad alium Auctorem, qui non modo Cepas uni tantum Aegypti Regioni sacras fuisse tradit, sed ejus nomen nobis suppeditat. Est is LUCIANUS, cujus hæc sunt verba b): *Omnibus quidem Aegyptiis commune Numen Aqua, (non omnis sed Nili tantum) Ἰδία δὲ Μεμφίταις μὲν ὁ Βῆς Θεός; Πηλεσιώταις δὲ Κρόμμυον. Privati autem Dii sunt Memphitis Bos, Pelusiotis Cepa. Ita quoque SEXTUS Philoſophus c): Cepas vero nullus unquam ederit eorum, qui Sacris Caſſi Jovis apud Peluſium initiantur, ſicuti nec Lybicæ Veneris*

lamque, pro ſole per Gallum ejus nuntium, per Scarabæum globum volventem, per ſoliſequam Malvam Lotumque repræſentato, ipſa iſta Animalia ipſasque has Plantas ſibi pie colendas eſſe.

b) In Jove Tragædo Cap. 42. T.2. pag.690. Ed. Hemſterhuſii.

c) Lib.III. Cap.24. pag.184. Edit. Fabritii.

neris Sacerdos *Allium* unquam gustaverit. Et AULUS GELLIUS d): *Id etiam, inquit, multo mirandum est magis, quod apud Plutarchum in IIII in Hesiodum, (plurimi corrigunt in Isin & Osiridem) Commentario legi, Cepe tum revirescit & congerminat decedente luna, contra autem crescit adolescente. Eam causam esse dicunt Sacerdotes Aegyptii cur Pelusiotæ Cepe non edunt, quia solum olerum omnium contra Lunæ aucta atque damna, vices minuendi & augendi habet contrarias. Sic quoque HIERONYMUS e): Taceam de formidoloso & horribili Cepe, & Crepitu Ventrì inflati, quæ Pelusiaca Religio est. Ultima ista verba ad Cepas pertinere non modo ex Luciano luculenter patet, sed præcipue ex alio HIERONYMI loco, qui sic ha-*

F 3 bet:

d) Noct. Attic. Lib. XX. VIII.

e) In Efsaiam Lib. XIII. Cap. 46.

bet: *Coge Aegyptium, ut Ovium lacte vescatur; compelle Pelusiotam, ut Cepe manducet.*

LIQUET jam apud Pelusiotas Ceparum cultum præcipue viguisse; inde de hujus Religionis natura aliquid licet concludere. In illis nempe oris fedem fixerat Typho, Naturæ monstrum, cujus cultum non beneficia neque gratus animus, sed metus terrorque stabilivere. Is dum Maris præses censerebatur, non modo omnia Aegypti littora obsidere, sed præcipue circa Pelusium & Sirbonin lacum delitescere putabatur *f*). Sic EUSTATHIUS ad Dyonysium Geographum *g*). *Sirbonis lacus, & regio, circa quam Typhonem latere fama est, parum a Pelusio, monteque distat Casio.*

f) Herodotus Lib. II. Cap. 5. Plutarchus V. Antonii Etymolog. M. v. Τυφὼς.

g) Ad Versum 253.

Casio. Hinc SOLINUS *h)* dum Typhonis cubile in Cilicia collocavit, ridicule subjungit, *Cilicia autem usque ad Pelusium Aegypti pertinebat.* Inde tandem Pelusium, *Abaris* antiqua, Sacerdotibus Typhonia vocabatur *i)*.

QUAE haftenus conjectando disputavi de Cepis Typhoni sacris, ea in majori luce collocentur, cum declaravero speciem Ceparum, quæ huic Numini dicata fuit. De Scilla seu Ceva marina loquor, bulborum nobilissima, quam in eadem cum Ceva familia esse non modo ex primo ejus intuitu, porro ex iis patet Auctoribus qui Naturam duces in generibus suis constituendis adhibuerunt *); sed præcipue ex nominibus *Ceva Marina*, *Oignon de Mer*,

F 4

Ze-

h) Cap. XXXVII.

i) Marsham ex Manethone Sæculo VIII.

*) Præter multos alios Botanicæ Artis Scriptores adeundus Clariss. *Adanson* p. 49.

Zebolla Albatara, Meerzwibelen; unde patet omnes fere Gentes Cepis hunc Bulbum annumerasse. Illum vero Typhoni sacrum fuisse APULEJUS docet dicendo. A Græcis dicitur *Scilla*, aliis *Typhonos*, *Aegyptii Sylitho*, *Prophetæ Ophthalmon Typhonos k)*. Epithetum *Typhonos* & *Oculus Typhonis* ex Aegyptiorum Sacerdotum Hieroglyphica sacraque lingua defumtum est. *Sylitho* proprium hujus Plantæ Aegyptium nomen est, quod Coptis non amplius in usu, qui Græcum *Scillæ* vocabulum adhibere solent. Sed vereor ne huic voci insit corruptio; Regiæ enim Bibliothecæ Parisiensis Codex, noni Sæculi, optimæ notæ, quem cum Editione HUMMELBERGII contuli, legit *Subtho*, quod ad Genium Linguae Aegyptiacæ propius accedere videtur l).

NE-

k) Cap. 42.

l) MSS. num. 6862. 4. Adpictæ sunt huic

NEQUE MOROR KIRCHERI testimonium, qui ad Arabem Vaticanum provocat, hanc Plantam Aegyptiace *Slitha* vocantem *m*). Is enim Auctor, dum mox oscitanter, mox fraudulenter Arabescitat, nullam amplius mihi meretur fidem.

F 5 QUAN-

Codici plurimæ Plantæ. Isque vicem tenet alterius Apuleii Codicis Manuscripti, de quo Vossius ad Melam pag. 151. & 154. Comparandus etiam Dioscorides Vindobonensis cum pictis plantarum imaginibus; notandum tandem in Bibliotheca Bernensi existare manuscr. Apuleii codicem recentem quidem & corruptissimum, veras tamen etiam quasdam Lectiones exhibentem, ut patet ex speciminibus egregiis, quæ Clar. Sinnerus p. 521. Eruditiss. Catalogi protulit.

m) Append. ad Linguam Aegypt. restitutam, 598.

QUANDO in Nothis Dioscoridis ad Cap. 31. Lib. III. de *Stoechade* hæc legimus: 'Οι δε Στυφονία. (corrigere Τυφονία) "Αιγυπτίοι Σεφλῶ, Προφήται Οφθαλμὸς Πύφωνος; (Lege Τύφωνος) id non de *Stoechade* Veterum proprie sic dicta, sed de vera *Scilla* intelligendum existimamus, quod luculenter apparet ex collatione locorum Apuleii & Dioscoridis.

APULEIUS dicit Prophetas *Scillam* vocare *Ophtalmon Typhonos*; solebant enim Aegyptiorum Antistites Plantas cum quibusdam humani corporis partibus conferre; sic *Bulbum Cepamve* cum oculo affinitatem habere putabant. Ita, ut cognatum afferam exemplum, *Pentaphyllon, Hermu Dactylon* vocant n), quia digitos expansæ
ma-

n) Apuleius Cap. 2. Sic *Cynosbathon, Anu-*

manus exprimere videbatur; & eandem plantam *Ibyos Onycha* appellant; Ungues Ibidis, Mercurio sacræ Avis, cum digitis conferentes. Imo eousque progressa superstitio, ut his partibus corporis, cum quibus Plantæ aliquam affinitatem habebant, mederi putarentur.

RATIO, ob quam Scilla Typhoni sacra fuit ex ejus noxia virtute deducenda. *Scilla*, ait DIOSCORIDES o), vim habet acrem, ignitam, urentemque. De Typhone autem PLUTARCHUS p) affir-

bidis, Mercurio Aegyptiorum, sacram, Ibidis vocavere sanguinem; sic Anethum eidem dicatum Cynocephali crines & genituram appellare consueverunt.

o) Lib.2. cap.202. Conferri queunt Corvini, Alberti, Schulzii, singularia scripta de Scilla.

p) De Ifide 648.

affirmat, *cum esse quicquid siccum, urens, atque ignitum est q*). Imo AVICENNA, MESSE, CLUSIVS, alique plures Veterum pariter ac Recentiorum, asserunt quod nimium videtur, esse quandam Scillæ speciem, quæ lethifera & penitus venenata est. Testem excitabo SVIDAM, qui inquit, Σκίλλα ἔϊδος βοτάνης πικρᾶς καὶ θανατηφόρας τοῖς ἐσθίουσιν. *Scilla est Plantæ amaræ species, quæ mortem comedentibus affert.*

Typhoni autem consecranda fuit, juxta illud PLUTARCHI r), *omnia Animalia, quæ detrimentum inferunt, noxiæ omnes Plantæ, praviqûe affectus, Typhonis*

q) Ob eandem rationem Dracontea (*Dracontium*,) Typhoni tributa fuisse videtur, teste Apuleio 14. mordaci enim atque urenti gaudet virtute æque ac Arum, cum quo a Veteribus frequenter confundi videtur, & cui etiam proxime accedit.

r) De Iside 662.

phonis opera, partes, motusque perturbantes censentur. Et idem alio loco s), quidquid in Natura corruptum noxiumque depræhenditur, Typhonis pars æstlimanda.

LOCUTIONES istas Pars, Motus Typhonis, porro Oculus Typhonis, tum demum rite comprehendimus, cum cogitamus Aegyptios Typhonem per totam Naturam dispersum existimavisse.

UT autem ea, quæ de Scilla, ob noxiam virtutem Typhoni dicata, tradidi ulterius probentur, aliam asseram Plantam, huic monstro ob easdem rationes sacram. De *Hyoſcyamo* loquor, quem Veteres, ad ejus vires respicientes, *Maniopeon*, *Emmanes*, *Adammenes*, *Dythyrambion*, & *Insanam* vocavere. Sunt adhuc in recenti memoria historiæ de rusticis, has plantas casu comedentibus,

s) De Ifide 657.

dentibus, & funestas earum virtutes experientibus *t*).

APVLEIVS *u*) & NOTHA DIOSCORIDIS *x*) asserunt istam Plantam Typhonion vocatam fuisse. Subjungunt iidem Aegyptios eam *Sapho* appellare,

t) Forsitan effectus immoderati usus vini, ab Hyosciamo non multum diversus, occasionem dedit sententiæ Aegyptiorum, de Viti-
bus ex Typhonis, seu eorum, qui Diis bellum intulerunt, sanguine natis; teste Plutarcho de Iside. Hinc illa Vini abstinencia explicanda, quam antiquiores Aegyptii, & præcipue illorum Sacerdotes observarunt, & quam imitati fuerunt Sinensium Indorumque Philosophi, Persæ, Pythagoras, Cecropis Græcæ Colonix, Cybeles Ministri, & omnes in universum Manichæi.

De Hyosciamo consuli potest Wedelius, qui in singulari dissertatione de hac Planta multis egit. Jenæ 1715.

u) Cap.IV.

x) Notha Dioscoridis ad Cap. 69. Lib.IV.

pellare, quod nomen idem est cum *Subtho*, quo juxta Codicem Regium eadem Gens Scillam vocavit; videtur ergo superius allata lectio priori sine dubio præferenda.

NOTANDUM tandem PLUTARCHUM y) duas longe alias afferre rationes, quibus accidit, ut Aegyptii Cepas abhorrent. Primam, quam ipse ridet, inde defumit, quod Dictys ab Ifide enutritus Cepas quærendo in aquam inciderit; latent forte in his vestigia antiquæ Traditionis de Cepas.
Ma-

y) Circa ea, quæ ex Veteribus de Scillæ viribus tradidi, multo melius nobis constaret, si ævum tulisset liber, quem Pythagoras, Aegyptiorum perpetuus imitator, de hac Planta conscripsit, & cujus mentionem injecit Plinius. Id quoque notatu dignum videtur Dioscorid. 3. 54. Theophrast. 9. 15. & Plinium 25. 4. tradere decantatum illud Homericum Moly, Scillæ folium, Cepæ radicem habuisse.

Marina Typhoni, Maris Domino, Deoque sacra. Alteram vero inde deducit quod Cepæ Luna tantum decrefcente incrementum fuum capiant; ubi notandum PLUTARCHUM, cum citato loco de Porco Typhoni facro agit & AULUM GELLIUM Lib. 20. 8. eandem penitus hujus confecrationis rationem attuliffe. Sic Aegyptii de Animalibus Exofis, Porco, Orygeque, Antipathias cum Sole & Luna, de Beftiis vero Sacris, Cynocephalo, Fele, Mure Araneo, Sympathias cum iftis Numinibus in vulgus proferre solebant.

ET cum certo fciam omnes fere Græcorum Fabulas ex Aegypto deducendas, eam quoque, quam illi diverfimode de Scylla, monftro marino, confcripfere, hinc derivandam cenfeo. Sunt enim, qui Scyllam Nyfi filiam Minois amore captam tradunt; duo
ifta

ista nomina Aegyptum penitus produnt. Favet quoque conjecturæ meæ illorum assertum, qui Circen venenatis herbis Scyllam in marinum monstrum mutasse statuunt z); quæ in Siculorum oris forte locata, quod Typho, seu Gigantes, in ignivomo Aetna delitescere censeantur. Nec desunt ex vetustis Scriptoribus, qui Græcorum Scyllam Typhonis filiam fuisse adstruunt a); in quibus luculenta superstitionis istius vestigia, firmaque opinionis meæ præsidia, superesse puto.

TYPHONI igitur Cera Marina sacra fuit, hinc eam Aegyptii abhorrue-
G
re;

z) Ovidius Metam. XIV. 55.

a) Natalis Comes Mythol. VIII. 12, qui in hanc rem Timæum, veterem Historiarum Scriptorem citat. Apud Eustathium Odyss. M. p. 1714. legi nonnullos Scyllam Tritonis dicere filiam.

re; Pelusiotæ vero, qui hoc Numen colere coacti fuerunt, huic Plantæ divinos honores exhibuere *b*); ceteris Cepis, hac sola specie excepta, Aegyptiis, uti licuit. Hæc, dum Recentiores nescirent, & quod de specie verum fuit, ad totum genus transferrent, contigit, ut de ista re tam varia prodiderint, quæ omnia, si mea teneatur opinio, ad lucidum deduci queunt *c*).

Hæc quoque obiter mihi tangendus videtur locus PERSII, Sat. V. 186.

Hinc

b) Sic Hippopotami, Afini, Crocodili, in Aegypto a nullis aliis, quam a cultoribus Typhonis, cui hæc animalia sacra, divinos honores accepisse videntur.

c) Recentiores quoque Sabii, quod de specie Ceparum verum fuerat, ad totum Ceparum Alliorumque genus transferentes, iis abstinere consueverunt. Vide Abulpharagii

*Hinc grandes Galli, & cum Sistro
lusca Sacerdos*

*Incussere Deos instantes corpora, si
non*

*Prædictum ter mane Caput gustaveris
Alli.*

DE illis Poëta agit, quibus a malignis Dæmonibus morbi incutiuntur, his remedium porrigit suadens, ut Alli caput gustent. Bibliothecæ Bernensis codex Sæculi X, optimæ notæ, in margine habet *gestaveris*, ab eadem manu profectum, quæ Lectio sese tueri potest ob frequentem veterum Amuletorum usum.

NIL vero magis obscurum hunc locum, cujus maxima difficultas est in

G 2 Vo-

Hist. Dynast. 281. Sale *the Koran* p. 15. the preliminary discourse.

Vocabulo *Prædictum*, illustrare potest, quam testimonium PLINII, ab interpretibus omissum, qui Lib. XXIV. cap. 17. hæc habet: *Jejunum debere esse qui colligat, (Gramen Amuleti loco adhibendum,) ita ire in domum absentis cui medeatur, supervenientemque ter dicere jejuno jejunum medicamentum dare, atque ita adalligare, triduoque id facere d)*. Ad Persii locum trahi porro possent PYTHAGORAS, DIOSCORIDIS, PLINII, aliorumque effata, qui Scillam, quam Antiqui cum Allio confundebant, optimum

d) Amuleta ex Plantis juxta Aegyptios legenda erant cum summa cura, a jejunis, alia crescente Luna, alia exortu Solis, nonnulla oriente Sirio. Herbæ istæ sanctissimæ non ferro evellendæ erant, sed manu, idque præcipue sinistra.

mum Ἀλεξιφάρμακον fuisse tradiderunt. Sed satius est cum TURNEBO & GESNERO de vulgaris Allii Capitibus hæc intelligere, quæ Veteres ad omnium noxarum depulsionem valere putaverunt, & cujus ridiculæ ac avitæ superstitionis vestigia quædam adhuc apud infimam plebem supersunt.

SED non soli Aegyptii aliquam Cultus speciem Plantis exhibuerunt, illos enim hac in re Aethiopes imitati sunt; eosdem secuti Persæ; Indi; Sinenfes; Sabii; Pythagoras; atque Druides, Quercum Viscumque sancte colentes. Ejusdem rei vestigia inveniuntur apud Tuscos, Græcos, & Romanos, qui omnes Arbores, majores frutices, omnesque elegantio-

96 Diff.II. DE CEPIS et ALL, etc.
res flores Diis suis singulari modo tri-
buere consueverunt e).

e) Vide Meursii Arboretum Sacrum.

F I N I S.



DISSERTATIO TERTIA

DE

ORPHEI ET AMPHIONIS
NOMINIBUS AEGYPTIIS

AD

PERILLUSTRES SOCIOS
ACADEMIAE ETRUSCAE
CORTONENSIS.



DISSERTATIO TERTIA
DE
ORPHEI ET AMPHIONIS
NOMINIBUS AEGYPTIIS.

ORPHEI AMPHIONISQUE nomina enodare animus est; si non certa, nova saltem profero, eaque a veri specie non admodum remota. Utrumque Vocabulum Aegyptium censeo; illud *Hori*, seu *Apollinis*; hoc *Ammonis*, seu *Jovis* indigitat filium.

Horum Aegyptiis **OR** dictum fuisse constat ex Manethonis apud **JOSEPHUM** effato *a)*; liquet id porro ex Nominibus Monachorum **OR**, & **P I O R**,

G 5 de

a) Lib.I. adv. Appionem Tom.II. pag. 46.
Edit. Havercampii.

de quibus frequens in Veteris Ecclesiæ Historia occurrit mentio *b*).

GRAECI postea suo more Monosyllaba, quibus Aegyptii delectabantur, visitantes "Ωρος efferre solebant; ab his discedentes, qui Latino utebantur sermone, hunc Deum adspiratione vitiose adjecta *Horum* vocare consueverunt.

Is *Horus* ad Solem ab Aegyptiis relatus cum Græcorum Apolline idem putandus. *Apollo quidem* ait HERODOTUS *Aegyptiace Horus dicitur c*). Cui gemina habent innumeri Vetustatis Auctores *d*), quos adferre supervacaneum foret, cum de his eleganter egerit in eo genere excellens JABLONSKI in libro, qui inscribitur *Pantheon Aegy-*

b) Palladii Lausiaca p. 24. 27. 110.

c) Lib. II. 156. Ibid. 144.

d) Diod. Sic. I. Macrobius Saturn. Lib. I. 21.

Aegyptiorum e). Inde utrique horum Numinum in Monumentis tenera ætas; radiis distinctum caput, & Aurigæ flagra tribuuntur, quæ Solis fuere insignia.

HINC etiam *Horapollinis* Nomen explicandum; ita enim Veteres Nomina a Diis Aegyptiorum sumpta struere solebant, ut peregrinæ vocis græcam, quæ eandem explanaret, frequenter adjungerent. *Horapollonis Vocabulum*, ait EUSTATHIUS *ex Hori & Apollinis Nominibus concinnatum, quæ utraque sunt Phæbi Epitheta f)*. Sic nomen *Hermanubis* ortum, quia *Anubis* in *Hermete* seu *Mercurio* Græcorum cultus; quod non attendit ER. PASSERI, qui suæ semper abblandiens hypothese, a vocibus Hebræis *AERAEZ*, *Terra*,

e) Lib.II. Cap.IV.

f) Iliad. 4. 332.

ra, & HARAR, Mons, *Hermanubim* nuper ducere aufit g).

ERGO hoc quidem apparet OR hic *Horum*, seu *Apollinem* indigitare.

Gphe h) & *Gpho i*), ut de illis quoque agam, Coptis generare significant. Hinc ER. LACROZE PLUTARCHI locum explicavit, qui tradit vocabulum Ἀεσαφῆς Aegyptiis Ἀνδρεῖον significare, quia *Er-gphe* Generationis notat causam. Hujus vestigia premens JABLONSKI nomen Περμφῶς, quod ERATOSTHENES Ἡρακλείδην interpreta-
tur, solide restituit legendo, Σεμφῶς k).

Sem

g) *Symbolæ Litterariæ* Vol.IV. J. P. Passerii de Hebraismo Aegyptiorum p.67.

h) Scriptum per Giangia. Math. I. 3. 4. 2. Tim. II. 23. 1. Cor. V. 15.

i) Genes. V. 3. 4. 6. Ibid. VI. 10. XXIII. 4. Hinc *Ginpho* Generatio Genes. VI. 8.

k) Annot. in Eratosth. Catalogum Regum

Sem Herculem Aegyptiis significat, *pho* aut *phos* adjectum, ut ejus natus indigitetur; Ubi animadversione dignum judico *Giangia* in hoc Vocabulo, uti in nostro, penitus omitti. Sicut autem *Semphos* filium Herculis, ita *ORPHE*, 'Ορφῆς' & 'Ορφεὺς *Hori* seu *Apollinis* declarat sobolem; quod nomen cum illo *Origenis*, Aegyptiis solenni, plane idem est.

SOLEBAT enim Gens hæc e Cælo Titulos suos defumere, divinisque Nominibus ad satietatem uti *l)*; Contineo
me

Theb. n. V. pag. 739. Tom. II. in *des Vignoles* Chronologia.

Jablonski de Terra Gosen. Confirmamus hæc omnia loculentissimo argumento ex Nothis Dioscoridis p. m. 473. ubi de Elleboro albo traditur Prophetas, illud *Genituram Herculis*, Aegyptios autem *Somphia* vocare.

l) Diod. Sic. Lib. I. Lucianus pro Imagin. Edit. Salmur. 44.

me ab exemplis; eundem quoque morem illi secuti fuerunt, qui ad Christi Sacra in his oris sese contulere; inde habemus *Anubion, Isidoros, Ammones, Serapiones, Horos, & Oriones* plurimos.

SED, quæ hætenus de ORPHEO *Hori* filio disputavi, firmiora evadent, si testes excitabo, qui ORPHEUM *Apollinis* ex *Calliope* filium fuisse adstruunt.

AGMEN ducet PINDARUS, qui, etsi alio loco ORPHEUM *Oeagri* vocet filium, nihilominus eum *Apollinis* natum nominat his versibus *m*).

Ἐξ Ἀπόλλωνος δὲ Φορμικτὰς αἰοιδᾶν
πατὴρ

Ἦμολεν εὐαίνετος Ὀρφεύς.

HUIC quoque sententiæ favebat MENAECHEMUS, qui ait ex Oraculo sic effatam Pythiam.

Πιέρες

m) Pyth. Ode IV. 313.

Πιερὲς αἰνοπαθεῖς συγὴν ἀποτίσατε
λῶβην

Ὅρφε' ἀποκτείναντες Ἀπόλλωνος φι-
λον υἱόν.

MENAECHMUM in hanc rem ci-
tavit SCHOLIASTES PINDARI *n*),
qui CHARIN & ASCLEPIODORUM
ejusdem opinionis adsertores profert;
ultimum istum testem in hanc causam
etiam^a adhibent præclara APOLLONII
RHODII *Scholia o*).

PLURIMI ORPHEUM Poëtam &
in Musicis peritum a Græcis Apollinis
filium vocari autumant, vel quia vetus
hæc fuit persuasio ex Diis mortales
egredi, virtutes ut in terris exerceant,
& dein eosdem ad perfectam divinam-
que redire originem; vel quod similis
veri

n) Pindarus Pauli Stephani loc. cit. p.253.

o) Edit. H. Stephani 1583. Lib.I. v.23. p.2.

veri est, quia qui præcipue in aliqua re excellere videbatur, filius illius Dei, qui huic Arti præses constitutus fuit, dicendus putaretur *p*). Hanc ego Subtilitatem Veterum Philosophia dignissimam judico, sed a veritate remotissimam; cum Græci vetustiores propterea tantum ORPHEUM *Apollinis* filium salutaverint, quia Aegyptium ejus nomen hunc significatum tulit. Ad quæ vero attenderint Aegyptii, cum hominibus divina imponerent nomina, infra ulterius docebo; & sic simul ostendi, quomodo difficultati obviam ire queam, quæ inde oritur quod *Oeager* ORPHEI dicatur genitor.

SUNT igitur absurda & perinfirma, quæ dicuntur de ORPHEO ab *Arif* quod Arabibus scire notat, cognominato

p) Ammonius in Schol. Pindari l. c. *Ba-
nier Mythologie* VII. 144.

nato q). Vel a *Rapha*, quod iisdem Sanare significat nuncupato r). Summæ quoque levitatis est CROESII Sententia, qui ORPHEUM & *Eurypam* idem nomen censet, & ab Hebræis vocibus *Or* & *Af*, tanquam a vultu splendēte, trahere voluit s). Sed cui non post HUETIUM sit venia, qui ORPHEUM & innumeros alios eosdem cum *Osarsiph*, seu *Mose* esse persuadere nobis tentavit t).

ORPHEO jungamus Socium AMPHIONEM, cujus nomen *Jovis* indigat filium. *Jovem* Aegyptiis *Amun*

H vo-

q) Vossius de Art Poët. Cap. XIII.

r) *An Attempt towards an Explanation of the Theology and Mythology of the ancient Pagans by J. Turner. I. 128.*

s) Croesii Historia Hebræorum ex Homero 146.

t) Demonst. Evang. IV. Cap. VII.

vocatum fuisse plurima Veterum declarant asserta. *Aegyptii*, ait HERODOTUS, *Jovem Amoun appellant u)*. Consentiant his DIODORUS SICULUS, JAMBlichus, ORIGENES, HESYCHIUS alii plures. Imo apud Divinos vates JEREMIAM x), & EZECHIELEM y) occurrit Urbs *No-Ammon Thebæ* Aegypti Ammoni sacræ, ubi LXX. Senes *Διόσπολιν* interpretantur, melius fane, quam HIERONYMUS, qui *Alexandriam* temere intellexit z).

UTI vero superius *phe* in ORPHEUS filium vertere licuit, sic *phion* in voce AMPHIONIS pari modo expli-

u) Lib. II. 41.

x) XLVI. 25.

y) XXX. 15.

z) Jablonski Reimphah. 24.
Memnone 37.

Idem de

plicamus. Quæ enim ad finem adjungitur Terminatio illa penitus græca est, isti ex *Serapis* fecere *Serapion*, ex *Api* *Apion*, ex *Orus* *Orion*, ex *Anubi* *Anubion*, ex *Harpocrates*, *Harpocraton*, & sic ex *Amphe* vel *Amphi* struxere vocem AMPHION.

HIS consentit totius Vetusæ Auctoritas, quæ AMPHIONEM *Jovis* ex *Antiope* filium fuisse adstruit. Non arbitror autem mihi in hoc immorandum cum res sit nota, solum igitur testem adhibebo HOMERUM a).

Τὴν δὲ μετ' Ἀντιόπην ἴδον Ἀσώποιο
θύγατρα

Ἡ δὲ καὶ Διὸς εὐχετ' ἐν ἀγκοίνῃσιν
ἰαῦσαι

H 2

Καὶ

a) Odyss. A. 259.

Eustathius ad h. l. 1682.

Καὶ ὃ ἔχεν δύο παῖδ' Ἀμφιονά τε
Ζῆθόν τε

Οἱ πρῶτοι Θήβησ' ἔδος ἔκτισαν ἑπτα-
πύλοιο.

AMPHION propterea Thebas Bœotixæ condidit cognomines illis, quæ in superiori Aegypto *Jovi Ammonî* sacræ fuere. Hinc, ut alia relinquam, *Amphiarai* Oracula cœpere, ad exemplum illius Oraculi *Ammonis* juxta fontem constituta, secundum Veterum persuasionem, qui his vaticinandi vim tribuere solebant. Taceo Arietem *Amphiarao* sacrum, modum responsa reddendi; aliaque, quæ ad Oracula *Jovis Ammonis* eodem modo celebrata fuisse constat *b*).

CUM vero AMPHION nomine suo *Ammonis* seu *Jovis* filius, simul hunc
Deum

c) Pausaniæ Attica p.33. Corinth. 80. Edit. Wechelii 1583.

Deum peculiari cultu profecutus fuerit, inde concludere licet Aegyptios præcipue ab iis Numinibus homines cognominasse, quos singulari modo venerari censerentur. Et cum varia essent Sacerdotum Collegia, quorum quædam *Thoto*, *Cnuphi* alia, nonnulla *Ammoni* sacra fuerunt, inde eorum Antistites nomina sua forte accepisse videntur c).

AMPHIONIS Etymologiam non ita certam ut ORPHEI censemus, in qua ne una quidem deest littera. Fatemur enim Aegyptios Amonem *Amoun* vocasse; hinc nobis ad decurtatum *Am* esse recurrendum, illud vero in com-

H 3 positis

b) Orpheus quoque præcipue Solem sub Hori & Apollinis nomine coluit. Eratosthenes Cyren. Cataster. 24. pag. 119. Edit. Galæi : *Porro Liberum Patrem Orpheus non honorabat sed Solem Deorum maximum appellabat & Appollinis nomine colebat.*

positis vocibus jure nifallimur, facere licet.

ILLI, qui pravis ingeniiis ad fœdissima usque Etymologiarum ludibria dilabuntur, AMPHIONEM a præpositione Ἀμφι, & participio ἰών dictum putant, ac juxta viam natum & circumerrantem interpretari solent. Ut omittam levitatem eorum; qui Amphionem ab Ἀμφι cognominatum autumant addito ἰών paragogico; aliaque similia, quæ & dicuntur & creduntur stultissime d).

HIS propositis quæstiunculæ multæ nascuntur; veluti num, si verum est ORPHEUM filium *Hori* significare, illud forte faveat ARISTOTELIS sententiæ, qui apud CICERONEM *Orpheum Poëtam nunquam fuisse docet e)*,
quæ

d) Etymolog. M. 91. Silburgii.

e) De natura Deorum Lib.I. Sect.38.

quæ verba Auctores nostri frustra ad alium sensum detorquere studuerunt. Nam si ORPHEUS est filius Hori, qui inter mortales nunquam exstitit, neque filium genuisse dici potest, tum & ipse ORPHEUS nunquam fuit, & ejus fabula inventa, ut quædam Doctrinæ, quam Moralem vocamus, Argumenta sub allegoriis proponi queant.

ABSIT, ut istis assentiar; nam, uti supra ostendi, ORPHEUS hoc nomen adeptus est more gentis suæ; Aristotelis præterea opinio toti, quam veneramur Antiquitati, penitus contradicit.

VERO jam propius accederet ille, qui statueret ORPHEUM, quod plurimi e vetustis scriptoribus memoriæ prodiderunt *f*), in Aegyptum iter instituisse,

H 4 tuisse,

f) Diod. Sic. Wesselingii Tom. I. 107. Eusebii Præp. Evang. Lib. I. Cap. I. 47.

tuisse, horumque litteris imbutum dein mutato nomine ad suos rediisse. Sed ne hoc quidem verum est.

PRAECLARE igitur ille Aegyptius, qui apud PAUSANIAM ORPHEUM & AMPHIONEM Aegyptios fuisse perhibet. Ἡζὺς δὲ ἔτος Ἀγυπτίῳ εἶναι μὲν Ἀμφίονα, εἶναι δὲ καὶ τὸν Θράκα Ὀρφέα μαγεῦσαι δεινόν. Quæ ita vertimus. *Putabat autem is Aegyptius, de quo heic sermo est, Aegyptios esse Amphionem & Orpheum Magum, qui Thrax apud nos censetur.* Frustra jam hunc locum HARTUNGUS, SILBURGIUS, GEDOIN, & qui eos magno numero secuti sunt, corrumpere annuntuntur. Illi enim sensum & omnia turbant, dum contra Textum legunt Ἀγύπτιος pro Ἀγυπτίῳ. Si enim illorum conjecturam sequaris nullum nexum, sensum nullum elicies, imo & illud

lud δεινόν erit contra numerum g). Patet quidem PAUSANIAM heic per Aegyptios præcipue intelligere homines horum Artibus, id est Magia excellentes ; sed nil vetat quominus etiam intelligas de Magis ex Aegypto oriundis.

FAVET huic opinioni istorum nominum origo penitus Aegyptia ; favet ei porro Orphicæ Doctrinæ cum Aegyptia stupenda, constans & omnibus nota affinitas.

Ac mihi videor fatis & esse ORPHEUM atque AMPHIONEM, & quales essent ostendisse h).

H 5

g) Edit. Wechel. p. 199. Eliac. poster.

Ibid. Notæ Silburgii 434.

Ed. Kühnii p. 505.

Gédoin *Trad. Française* T. III. 80.

h) Operæ pretium est heic observare apud Sponium in *Recherches Curieuses* p. 124. Mont-

fauconium *Antiq. Expl.* 2. 125. & apud Ill. Comitem *De Cailus, Recueil d'Antiq.* 3. 10. Monumenta occurrere Aegyptia, in quibus Horus, & qui cum eo idem est, Harpocrates, in medio plurimorum variorum Animalium collocatus est, ex quo apparet, Orphei Græci fabulam, ex affinitate ejus cum Horo Aegyptio, repetendam esse.


. F I N I S .



DISSERTATIO QVARTA
DE
COMMERCIIS
ET
NAVIGATIONIBVS
PTOLEMAEORVM
QVAM
ILLVSTRISSIMA
ACADEMIA REGIA
INSCRIPTIONVM
ET LIBERALIVM ARTIVM
LVTETIAE PARISIORVM
PRAEMIO DIGNAM IVDICAVIT
ANNO MDCCLXII.

Quæstio his instituta fuit verbis:

*Quelle fut l'Etendue de la Navigation
& du Commerce des Egyptiens sous
le Regne des Ptolémées?*



DISSERTATIO QVARTA
DE
COMMERCIIS
ET
NAVIGATIONIBVS
PTOLEMAEORVM.

*Vetustissimi Aegyptii Commercia Ex-
tera, & Navigationes non
curabant.*

VETUSTISSIMI Aegyptii, suis
contenti bonis, Mare abomina-
bantur, & Typhonis Naturæ Monstri
fedem putabant; externa, qui exer-
cuere Commercia, in ultimam homi-
num classẽ referebant; Sinus Arabi-
ci oras cuius illas occupanti permitte-
bant;

bant; exteros odio habebant *a*). Cum Oleum Olivarum deesset alia adhibere; cum vino carerent ex hordeo sibi potum confecere; cum pro Deorum cultu, fuorumque humatione Aromata requirerentur, Arabes illa sibi adportantes expectavere.

S E D fovebant maxime Interna Commercia persuasi Regionem suam, a natura munitam, bonis omnibus large donatam, sapientissimisque Legibus fulcitam, sic diu felicem beatamque permanfuram; cum ab altera parte non nescirent ex Commerciis nimias divitias, & cum illis, præcipue in Monarchiis, Luxum, indeque Regni destructionem

a) Strabo pag. 1142 1154. Edit. Amstelod. Aliique plures.

Odium Aegyptiorum erga commercium, odiumque erga peregrinos præcipue spectabat Græcos.

tionem subsequuturam ; imo facile quoque sentiebant per Commercia non modo mores sed & Religionem mutari posse, cui integræ servandæ eo magis incumbabant, quo certius noverant, illam civilis sui systematis summum fundamentum constituere.

*Causæ , quibus accidit , ut eadem
Aegyptus Commercia amplissima
exercuerit.*

HAEC cum ita sint, non abs re erit inquirere , quomodo factum sit , ut ipsum istud Regnum sub Ptolemæis omnium maximum exercuerit Commercium. Mittimus ea, quæ probabili ratione disputantur de Osiridis, seu Bacchi, item Sesostridis antiquissimis itineribus ; neque illa tangimus, quæ magna cum veri specie de Coloniis Aegyptiorum ad Sinenfes , Indos, Græ-

Græcos, aliosque populos ductis, heic laudari possent. Sed nolumus præmittere Psammetychum, & subsequentes Reges, qui Græcos amare, illis sedes concédere, commerciaque eorum tueri inceperunt *b*). Hanc qui negligunt epocham, nesciunt minimas quasdam causas, & successivas mutationes, in his probe attendendas; nesciunt parvum istud commercium magnum illud, quod Ptolemæi instituerunt, facilius reddidisse. Negare tamen nolo præcipuam hujus rei rationem in Alexandri Magni gestis reperi-ri. Ille destruxit Tyrum omnis fere Commercii istarum Regionum sedem; obti-

b) Hac de re ulterius agemus infra in disquisitione Commercii M. Mediterr. Psammetychi quoque filius Necho Commercii & Navigationibus operam dedit, sub illo primum Promontorium Bonæ Spei præternavigatum fuisse videtur.

obtinuit Aegyptum, & adduxit gentes Commerciis deditas; vicit Indos, extruxit apud illos Urbes, misit illuc Colonias cum Græcis commercia exercituras: & cum Indos vinceret, Mare, quod illorum regionem alluit, antea vix cognitum, itineribus suis Mercatoribus patefecit; Alexandriam ædificavit, post suas victorias, centrum Commerciî totius univèrsi.

HÆC Occasio magni illius Commerciî Navigationumque illarum, quas Aegyptii sub Ptolemæis exercuere, & de quarum amplitudine magnitudineque propòsita quæstio est.

*Breviter de Commercio Aegypti
Interno.*

DIU mecum perpendi, an ab initio agendum mihi sit de Interno Aegypti Commercio, quod cum externo ar-

ste conjunctum novi. Sed mihi videor hanc materiam satis in illis pertractasse, quæ de operibus scripsi Commercia in Aegypto commodiora reddentibus; & præcipue in Sectione ultima de Mercibus omnium fere Aegypti Provinciarum; ut & illis quibus opus habuit, & quas per totam istam scriptiorem enumeravi. Observandum tamen heic est, Ptolemæos, Aegyptum, occupantes, invenisse regionem, in qua Agricolatio, & omnia, quæ internum commercium juvare poterant, summo jam gradu perfecta fuerunt *c*), quod quantum illis ad Commercia externa utilitatis præbuerit, quivis facile sentiet. Imo ex Regum istorum historia patet illos, uti externum, ita interna etiam non neglexisse Commercia, quorum

c) Infra in singulari sectione de eo disputabimus, an Aegyptus post Alex. mortem multis incolis referta fuerit.

rum prius sine posteriore vix potest subsistere. Sic novimus Philadelphum, ut itinera Mercatoribus secura redderet, Aegyptum prædonibus penitus purgasse *d*). Sic constat illum & alios Aegypti Reges opera multa eximia in Commerciorum Navigationumque gratiam confecisse, quæ nunc sigillatim mihi recensenda sunt, Sectione omnibus ceteris lucem datura, & hinc etiam omnibus præmittenda.

Dissertationis Divisio.

NAM cum mihi liberum videretur in Quæstione ista difficili & lata, quem voluerim, ordinem sequi, constitui illum adhibere, qui plurimum claritatis, & minimum repetitionum habet, quæ in his rebus vix ferri, & minus adhuc vitari queunt *e*). His rationibus utens

I 2

primo

d) Theocritus Idyll. 15. & 17.

e) Sic v. gr. Indica Commercica Arabicis

primo inquirō in illa omnia, quæ Ptolemæi Commerciorum Navigationumque causa in Aegypto fecisse leguntur; subjungo statim Sectionem de Indico Commercio & fatis ejus sub Ptolemæis; ubi generatim iterum multa de fortuna Commercii Aegyptiorum sub istis Regibus occurrunt. Dein Aethiopica, Arabicaque Commercia perlustro. Incipio itaque ab illis Navigationibus, quæ per Mare Rubrum & Oceanum instituebantur; Maris dein Mediterranei Commercia explicare adgredior. Sequuntur Sectionum istarum appendices breves, & longior Enumeratio Mercium, quibus Aegyptus abundabat, quæ ultima necessaria quidem erant,

ita

& Aethiopicis, etsi propioribus, postposui; & quæ ejusmodi plura in hac scriptione occurrent, ubi Geographicum ordinem ob rationes nunc citatas seposui.

ita tamen, ut non sine ratione illa ad finem rejecisse mihi videar.

SECTIO I.

DE ILLIS QUAE PTOLEMAEI IN COMMERCIORVM NAVIGATIONVMQVE GRATIAM IN AEGYPTO PATRAVERE.

Alexandriae Aedificatio.

Initium itaque faciamus ab omnibus illis, quæ Ptolemæi in gratiam Navigationum & Commerciorum patrasse dicuntur; ut pateat, quibus Auctoribus, qua via modoque, quove tandem successu illa instituta, auctaque fuerint.

AEDIFICATIO Alexandriae una mihi est ex iis circumstantiis, quæ Aegyptiorum Commercio maxime fa-

vere f). Ea in regione olim erat Racotis & campi habitati bubulcis illuc ab Aegyptiis vetustioribus, Commercialibus, propterea collocatis, ut extraneos inde vi pellerent; quo igitur loco peregrinos Aegyptii prohibuerunt, eundem Alexander postea illis patefecit, Urbemque ædificavit, quæ situ optimo, viis latissimis, foris & portibus magnificis instructa, aëre serenissimo salubrique prædita, magna statim hominum copia repleta, magnisque Commercialibus apta fuit g). De qua Aegyptii Regni sede solum excerpemus STRABONEM, qui de Commercialibus, ut erat rerum civilium peritissimus, multa plura melioraque quam ceteri nobis reliquit,

f) Factum Ptolemæis antèius est, sed intime connexum cum nostra Quæstione.

g) Consulendus præcipue Clariss. Bonami: *Dissertation sur la Ville d'Alexandrie*, in *Mémoires de l'Acad. R. des Inscriptions*. IX. 426.

liquit; ille vero sic habet: *Certe Commoditates Urbs Alexandria h) habet non unius modo generis, duo Maria locum undique alluunt alterum a Septentrione, quod Aegyptium dicitur; alterum a Meridie, quod Mariæ Lacus & Mareotis appellatur. Eum Nilus multis fossis tum e superioribus partibus, tum e lateribus actis, implet; per quas multo plura importantur, quam e mari, adeo ut portus, qui ad Lacum est, ditior sit marino i).*

L 4

Ex-

h) Strabo 1142. Hæc loca Strabonis illius respiciunt tempora, hinc iis, quæ de Italica Navigatione scribit nolumus insistere; sed illa attulimus in testimonium de commoditate Portuum, Lacuum, fossarumque Nili, quæ omnia jam sub primis Ptolemæis in hunc usum fuisse adhibita nemo nobis negabit.

i) Strabo 1149. *Alexandria & externas merces, & quæ ab Aegypto veniunt, recipit.*

Videndus etiam Josephus de Bello Jud. L. 2. 16. p. 190. T. 2. Havercampii.

Exportari ex Alexandria hac plura, quam ex Italia importari, facile sentiet, qui Alexandriae & Puteolis fuerit, observaveritque onerarias naves & venientes & redeuntes, quanto graviores aut leviores ultro citroque navigent. Et idem alio loco k), Urbis Alexandriae ubertas hinc potissimum est, quod hic solas Aegypti locus ad utraque idoneus, & ad res maritimas propter portus commoditatem, & ad terrestres, quia omnia facile in hunc locum flumine deferuntur, ubi maximum totius Orbis est emporium.

De Pharo.

Alexandriae jungenda est Pharus, Turris maximae altitudinis, quæ nomen ab Insula accepit. Aedificium istud Nautis fidum perpetuumque exhibuit lumen ad difficilem istum Aegypti introitum maxime necessarium.

Hoc

k) Strabo 1149.

Hoc opus effecit Softratus Gnidius sub Ptolemæo Philadelpho testibus STRABONE ^{l)}, PLINIO, LUCIANO, SUIDA, aliisque; quos longe anteponimus TZETZI, CEDRENO, ceterisque, qui illud Cleopatæ; & Arabibus, qui Magno tribuunt Alexandro; propterea in errorem inducti, quia Pharos Insula a superioribus Aegypti Regibus, i. e. prioribus Ptolemæis, teste CAESARE B. Civ. 3. per Heptastadium Alexandriæ quidem fuit juncta, sed non mole perpetua ^{m)}; verum pontibus horum-

I 5. que

^{l)} Strabo 1140. seq. Consulendi heic Viri Clariss. qui de Phari auctore, structura, utilitateque optime scripsere, *De Montfaucon in Mémoires de l'Acad. R. des Inscriptions*. VI. 576. *Sur le Phare d'Alexandrie*. Bonami Ibid. IX. 426. *Description de la Ville d'Alexandrie*. Et D'Origny in ingenioso elegantique opere, quod inscribitur *Egypte Ancienne*.

^{m)} Hæc omnia optime expedivit, Ve-

que uno Pharo vicino, cum postea Cleopatra everfis pontibus integrum opus absolveret, atque continua mole, Heptastadium Urbi jungeret, quod Recentiores isti, omnia miscentes, perperam cum Phariæ Turris exstrukione confundunt.

De Fossa Regum, Nilum Mari Rubro jungente, & de aliis ejus Fluxii Canalibus.

Inter præcipua quoque opera, Commerciorum Navigationumque causa sub Ptolemæis in Aegypto exstructa, numeranda est Fossa, quæ Nilum cum Sinu Arabico junxit; sic, ut mediantibus hujus fluminis alveis & canalibus ex Mari Mediterraneo in Rubrum Mare, Oceanumque navigari posset. De
uti-

terumque locis illustravit, utique heic consulendus Vossius ad Melam Lib. 2. cap. 7.

utilissimo isto opere sic scribit STRABO. n): *Excisa autem est Fossa ab initio per Sesostrin, ante Trojana Bella, nonnulli eam a Psammiticho filio solum inchoatam putant, morte eum praeipiente. Postea Darium Primum in operis absolutionem successisse. Is opus pæne absolutum deseruit; Falso enim erat persuasum Rubrum Mare Aegypto esse sublimius; ideoque, si intermedius Isthmus intercideretur, Aegyptum a mari obrutum iri o). Ptolemaici quidem Reges, eum incidentes, Euripum clausum fecerunt, ut, cum velent, in exterius Mare navigarent, ac rursus sine impedimento reverterentur.*

DE eadem re multis loquuntur
 DIODORUS SICULUS, PLINIUS,
 alii-

n) Lib. 17. 1156. Et ibidem Commentatores.

o) Adeundus etiam Fournier in *Hydrographie*.

aliique ex vetustis scriptoribus *p*), qui non in omnibus consentiunt; nam de Regibus, ante Ptolemæos huic operi manus inferentibus, diverse admodum scribunt, quæ vero nos non tangunt. STRABO operis istius absolutionem Ptolemaicis tribuit Regibus, consentit ipsi AELIANUS *q*), qui ait hanc Fosfam vocari Πτολεμαίων Ποταμός. Sed DIODORUS SICULUS *r*) asserit illam vocari *Ptolemæus*, ab uno Ptolemæo Philadelpho, cui hoc opus præcipue tribuit, assentiente quoque PLINIO, idque, ut videtur, jure meritoque.

F o s-

p) Diod. Sic. Weffelingii I. 39. & ejus loci Comment. Plinius Harduini VI. 29. Herodotus L. 2. Aristot. Meteor. I. Tzetzes Chiliad. 7. 1477.

q) Hist. Anim. XII. 29.

r) Diod. Sic. loc. cit. *Ptolemæus Secundus ultimam operi manum imposuit, & loco op-*

Fossæ initium fuit in Phacusa ad Bubasticum Amnem s) ; exitus ad Arsinoën Urbem Maris Rubri. Tota autem hæc res nondum satis accurate descripta est, & requirit sedulum examen a Peregrinatore in ipsa Aegypto instituendum, ubi adhuc vestigia hujus operis supersunt. Omnia se heic expeditivisse putat POCOCKIUS t), qui nobis descripsit Fossam Regum, & modum, quo Fossæ Trajani, Babylone incipienti, juncta, cum illa eundem habet exitum.

PRAETER hanc Fossam, quæ erat tantæ utilitatis, fuere & multa alia egregia ejusmodi opera, agricolis &

portunissimo sepimentum quoddam transversarium machinatus est, quod transiturus aperuit.

s) Diod. Sic. ait initium esse Ἐπὶ Πελασιακῇ Στόματι; ubi Στόμα pro Alveo.

t) Pococke *Descr. of the East*. T. 1. 291;

& mercatoribus gratissima. Lacus plures Nilum fervantes, distribuentesque Canales totam regionem irriguam navigabilemque reddentes, de quibus dicere supersedeo, quia ista opera plurumque Ptolemæis antiquiora sunt, & vetustis illis sapientissimis Aegypti Regibus tribuenda, qui Agriculturam & internum Aegypti commercium curæ cordique habebant; neque vero horum Canaliū descriptio omni caret difficultate, ob minus exactas Nili Tabulas.

EQUIDEM illud adhuc animadverto Ptolemæorum temporibus præcipue deberi Canales illos undique ad Mareotin Lacum ducentes & necessarios, ob Lacus istius cum Alexandria conjunctionem *). Ista ætate per Fossas Nili Alexandria Canopum tendebant,

*) Strabo ubique præsertim p. 1154

bant, vitantes difficilem Maris Mediterranei navigationem, qua hodie utendum est.

De Via Copto Berenicen ducente.

ALIUD opus Ptolemæorum itineribus Arabicis, Aethiopicis, Indicisque utilissimum erat Via illa a Copto ad Mare Rubrum usque perducta x); de qua breviter ita scribit SOLINUS y):

Di-

x) Strabo. 1179. & Plinius L.V. Juxta istos Auctores Coptus erat Emporium commune Mercium, Aegyptiarum, Arabicarum, Aethiopicarum, & Indicarum.

y) Cap. 54. Ibid. Salmasius. Conf. Plinius VI. 23. Antoninus in Itin. & Peutinger. Tab. qui omnes hoc iter late describunt, notantque Hydrea, vel Hydreumata, seu Aquationes, in his itineribus maxime necessarias. Plinius loc. cit. ait Berenicen portu gaudere, contrarium scribit Strabo loco mox citando, sed Plinius vicinum Muris intelligit Portum.

Dicendum hoc loco, quatenus ab Alexandria Aegypti pergatur in usque Indiam. Nilo vehente Coptum usque Etesis flatibus cursus est, deinde terrestre iter Hydreum tenus, post transactis aliquot mansionibus Berenicen pervenitur, ubi Rubri Maris Portus est.

EXHIBEBIMUS nunc occasionem utilitatemque hujus operis a Ptolemæo Philadelpho confecti, quæ omnia optime prodidit STRABO 2) brevibus Commentariis a nobis illustrandus: *Deinceps, ait ille, sunt ea, quæ Typhonia vocantur & Fossa, quæ Coptum desert, communem Aegyptiorum & Arabum Urbem. Deinde est Isthmus in Rubrum Mare porrectus juxta Berenicen Urbem a),*
quæ

2) Lib. XVII. 1169.

a) Berenicen Urbem Ptolemæus Philadelphus Commerciis favens condidit, & matris suæ nomine insignivit; de Urbe a Pto-

quæ quanquam sine portu est, tamen ob opportunitatem Isthmi idonea diversoria habet. Dicunt Philadelphum primo hanc viam exercitu aperuisse, cum aquis ea careret, ac diversoria constituisse, tam pedibus iter agentibus, quam Camelis b). Idque effecisse, quoniam Rubrum Mare difficulter navigaretur, præcipue ex intimo recessu. Enimvero experientia utilitatem maximam demonstravit, atque nunc omnes Indicæ Arabicæque merces, & Aethiopicæ

K etiam,

lem. Philad. ædificata testis est Steph. Byzantinus in hac Voce.

b) Plinius VI. 23. *A Copto Camelis itur.* Ob horum velocitatem, in ferendo strenuitatem, & præcipue ob sitis patientiam, in desertis non aliis jumentis, quam Camelis Negotiatores uti queunt.

In Maris Rubri extremitatibus ob Syrtes & Scopulos non sine periculo navigatur.

etiam, quæ Arabicum Sinum advehuntur, Coptum deferuntur, istarum mercium emporium. A Copto quoque non multum abest Apollinis Civitas, quare duæ urbes Isthmum terminantes utrinque sunt, sed Coptus & Muris Statio nunc, excellunt, iisque omnes utuntur. Initio Camelis vecti per noctem iter agebant astra observantes quemadmodum nautæ, & aquam secum portabant, nunc terra in profundum effossa, aquarum copiam paraverunt, & pluviis, quanquam raræ sint, Cisternas fecerunt. Iter est sex, septemve dierum c).

De Navibus Ptolemæorum.

DE Navibus Aegyptiorum nobis etiam agendum videtur, tum de illis, quæ

c) Plinius VI. 23. Quia major pars itineris conficitur noctibus propter æstus, & stativis diebus absumuntur, totum a Copto Berenice iter duodecimo conficitur die.

quæ Commerciis Navigationibusque favebant, tum vero & de Bellicis, hæc enim duo indivulso nexu conjuncta esse videntur. Quo plures Naves Negotiatorum eo plures remiges, quo amplius Commercium eo major potestas maritima, & versa vice. Habebant autem Aegyptii Ptolemæorum temporibus pro variis usibus diversas naves, alias pro Nilo, alias pro Rubro Mediterraneoque Mari. In Nilo, qui usque ad Catarractas totus navigabilis, ut & in variis ejus alveis, habebant rates e coriis, Naves Papyraceas *d*); sæpe majora navigia cubiculata domibus quasi integris instructa, quæ Thalamægos vocabant, & quorum semper in Nilo maxima erat co-

K 2

pia

d) De Navibus Papyraceis ex Scriptoribus Sacris & Profanis, consuli possunt Illustr. Comes *De Cailus* in Diff. de Papyro; & *Olaus Celsius Hierobot. 2. 137.*

pia e). De quibus omnibus optime & solidissime, ex Antiquitatis Monumentis, ex Veterum Scriptis, & ex recentiorum Peregrinatorum Observationibus, egit Clar. BARTHELEMI f).

IN Mari autem, & præcipue in Mediterraneo, Ptolemæis Classēs fuerunt instructissimæ g). Philadelphus, magnus ille Commerciorum promotor, Navium habuit summum numerum, quo Commercia sua fovebat, gentes sibi subditas regebat, fœderatos tuebatur; alios, prout res postulabat, bellis diffidisque

e) Appianus in Præfat.

f) *Explication de la Mosaïque de Palestine* p. 32. 33. 34. ubi Vir Clariss. probat Niloticas Naves cum Sinensibus affinitatem haud levem habuisse.

g) *Histoire Generale de la Marine.* Paris 1744.

Essay sur la Marine des Anciens par M. Deslandes. Paris 1748.

diisque implicabat. De eo sic THEOCRITUS Idyll. XVII.

- - - *Naves illi optimæ
Per Mare navigant, mare enim totum, & terra,
Et Fluvii sonori., regno Ptolemæi
subjecti sunt.*

ET ATHENÆUS *h*): Philadelphus - - *navium profecto multitudine superavit omnes i*). *Amplissimæ apud eum fuerunt ordinum triginta, duæ; ordinum viginti, una; quatuordecim ordinum,*

h) Lib. V. 203.

i) Aegyptus lignorum penuria premebatur, sed dabant ligna ad Naves vicinæ Insulæ, nonnunquam Libanus, & Montes illius regionis, quorum arbores hanc in rem noti; sic de Pinu ex Libano pro navibus ædificandis sæpe in Sacris Litteris mentio occurrit, ubi errare videntur, etsi res nondum penitus confecta sit, illi, qui vertunt Cedros Libani.

Ad Vela autem Navium Aegyptii præter Papyracea, habebant telas optimas,

num, quatuor; Duæ ordinum, duodecim; undecim ordinum, quatuordecim; novem ordinum, triginta; septem ordinum septem & triginta; sex ordinum, quinque; septendecim quinquereemes; quadriremes, triremes, & hemioliaæ duplo plures. Navigia vero, quæ ad Insulas dimittebantur, suæque ditionis Urbes, plura quam quatuor millia fuere.

HUNC fecutus Ptolemæus Evergetes expeditiones suas vastas maxima classe peregit, quod de eo Monumentum Adulitanum testatur.

PTOLEMÆUS postea Philopator duas naves construxisse legitur, quæ, cum ostentationi potius quam usui infer-

quas etiam aliquando vicinis præbebant. Habebant & operarios optimos nauticæ artis valde peritos. In Navigationibus suis observabant Ventos annuos, quos optime dijudicabant, & Urfam Magnam, Græco enim more navigantes minorem, etsi commodiorem, videntur Phœnicibus reliquisse.

inervirent, omnium ad se oculos converterunt *k*). Primum erat Navigium ordinum quadraginta. Alterum Thalamegon pro Nilotica navigatione, cujus longitudo fuit dimidii stadii, latitudo major quam triginta; altitudo parum a quadraginta cubitis aberat.

ΕΠΙΦΑΝΕS dein Romanis obtulit, ut Classem, qualem vellent, a se peterent *l*).

ΕΤ sic per singula, si vacaret, eundo, probari posset Ptolemæos usque ad ultima Regni sui tempora semper vim maritimam non exiguam habuisse, nunquam tamen recentiorum temporibus talem, qualis fuit sub Philadelpho & Evergete, quibus imperantibus etiam multo maximum commercium *m*).

K 4 SE-

k) Athenæus Casauboni V. 203. 204.

l) Polybii Legationes 17.

m) Præcipue videndus Appianus in Præf.

S E C T I O II.

DE COMMERCIIIS ET
NAVIGATIONIBUS
PTOLEMAEORUM, ET
PRIMO QUIDEM DE IIS,
QUAE IN MARI RUBRO
ET OCEANO EXERCE-
BANTUR.

*Status & Fortuna varia Commercii
Indici sub Ptolemæis.*

HAEC de iis, quæ Ptolemæi in gratiam Navigationum Commercio-
rumque præstiterè, generatim dicta
sufficiant; nunc vero singularibus se-
ctionibus præcipua Quæstionis proposi-
tæ momenta perpendam, initium fa-
ciendo a Commerciis Regum istorum
per Mare Rubrum & Oceanum institu-
tis,

tis, & quidem primo loco de illo, quod cum India exercuere; ubi non, ut vulgo fit, ratiociniis, sed Veterum solis utar testimoniis. Sic itaque hac de re loquitur STRABO n): *Quin & in Arabiam Felicem Romani jam cum exercitu profecti sunt, ductore Aelio Gallo, amico ac sodali nostro; & Alexandrinorum mercatorum classis per Nilum jam navigans, & Arabicum Sinum usque ad Indiam, multo ista nobis, quam olim, notiora reddidit. Quo tempore Gallus Aegypto praefuit,*

K 5

fuit,

n) Lib. 2. pag. 179. Philostratus L. III. cap. XI. V. Apoll. T. ait fuisse aliquando Pactum inter Aegyptios & Regem, Maris Indici dominum, ne plus una navi oneraria in Mari Rubro Aegyptii uterentur, tunc illos navigium fecisse maximum, quod multorum vicem sustinuit. Sed de tempore, & de Rege, nil definit; quod si faceret forte fidem non inveniret; interim videndus Idem, Lib. VI. cap. 8.

fuit, ad ipsum veni, unaque usque ad Syenem & fines Aethiopiae ascendi, ibique comperi centum & viginti Naves a Muris Portu Indiam versus navigare, cum sub Ptolemæis Regibus perpauci auderent navigare, & merces Indicas advehere.

IDEM alio loco o) de Reditu Aegypti sub Ptolemæo Aulete loquens hæc addit: *Ubi vero is, (Auletes) qui pessime ac segnissime Regnum administrabat, tantum in redditibus habuit, quid censendum putas de præsentibus, quæ tanta diligentia a Romanis geruntur, Indicis & Troglodyticis negotiationibus in tantum auctis p). Superiore sane tempore*
ne

o) Lib. XVII. 1149.

p) In Græco est: καὶ τῶν Ἰνδικῶν ἐμπρεσίων, καὶ τῶν Τρωγλοδυτικῶν ἐπηυξημένων ἐπὶ τοσούτον; quod Interpres contra Grammatices artem, contra connexionem, & ipsam veritatem transfert: *Indicis etiam Troglodyticis negotia-*

ne viginti quidem navigia in Arabicum Sinum transire audebant, ut extra fauces proras prospicerent, nunc maximas Classes usque in Indiam & extrema Aethiopiae transmittunt, unde pretiosissimæ merces in Aegyptum advehuntur; ac rursum in alia exportantur loca ex Aegypto, ut duplicia hinc vectigalia exigantur; unum rerum, quæ importantur, alterum egrum, quæ exportantur. Ceterum pretiosarum mercium gravia sunt ibidem vectigalia, cum & monopolia ibi sint; nam sola fere Alexandria, & recipit istas merces & foras emittit.

IN his STRABO describit Statum Navigationis & Commercii Indici, quod sua ætate longe magis excultum fuisse

tionibus adjectis. Quam Versionem sequitur Huetius Histoire du Commerce des Anciens pag. 347.

De Troglodyticis Negotiationibus, Ptolemæis cognitis, alio loco dicetur.

fuisse asserit, quam superioribus temporibus. Certum vero est STRABONEM heic in genere omnia Ptolemæorum tempora respicere, nil tamen vetat, quominus statuamus Navigationes & Commercia Indica, quæ sub Ptolemæis non tanta fuere, quanta sub Romanis, variam fortunam habuisse Ptolemæis Aegypti regnum tenentibus, sic ut aliquando plus aliquando minus floruerint; de ista vero obscurissima re, in qua unum ex præcipuis istius Quæstionis momentis situm videtur, nunc dicendum arbitror.

TYRO itaque, quæ ex Sinu Elnitico Indiam versus tendere consueverat, destructa, & Alexandria in ejus locum subvecta, ut Orientem Occidenti per commercia jungeret, omnia Ptolemæos ad Indicas Navigationes invitare videbantur, quæ illorum temporibus

eo

eo faciliora, quo notiora tutioraque itinera ob victorias navigationesque Alexandri, & ob Urbes Coloniasque ab illo in India conditas.

QUAE, cum ita essent Ptolemæus Philadelphus *q*), civilium artium longe peritissimus, Indicas Navigationes maxima cura exercuit. Hunc in finem Dionysium, virum doctissimum, misit, ut postquam apud Indorum Reges moratus esset, itinera gentiumque vires proderet *r*). Vidimus illum hujus rei gratia plurima extruxisse opera Commerciis utilissima, Pharum; Fossam, quæ Mare Rubrum Mediterraneo per
Ni-

q) Cum Indiæ commercium ceteris præmiserim, accidit, ut hoc loco de Philadelphi Evergetisque cura circa Commercia, & de posteriorum Regum negligentia plura differuerim, quæ non de sola India, sed generatim intelligenda sunt.

r) Plinius Hist. Nat. VI. c. 17.

Nilum jungeret; & præcipue Isthmum a Copto Berenicen tendentem, quo mediante Indicæ Aethiopicæque merces, quas naufragii fere securus ibi quærebat, per Mediterraneum Mare Occidenti vendebantur. Vidimus eum Classẽ quoque habuisse maximam, ut & Negotiatores tueretur, & imperii sui mercaturæque invidis terrorem incuteret s). Videbimus infra his omnibus factum esse, ut Philadelphus divitias sibi summas acquisiverit.

Hoc Orientis Commẽcium sub ejus filio Ptolemæo Evergete adhuc eodem modo viguisse mihi facile persuadeo, qui Classẽ etiam habuit instructissimam, & quamvis is Rex bellis fuerit implicitus id Commerciis vix
damnum

s) Ista Classis erat pro Commercio Occidentis, sed sine illo Orientis Occidentale nullum fuisset.

damnum potuit inferre, quia Aegyptium, ut faciunt gentes mercaturæ deditæ, non cum suis, sed cum mercenariis copiis bellum gessere.

IN hoc Rege, quod Lagidarum virtutis supererat fere extinctum est *t*); sic, ut verosimile nobis sit subsequentes Reges aliis deditos paulatim Orientis Commercia negligentius tractasse, non quod credamus ea cessavisse, cum luxus & avaritia illa æque necessaria redderent, sed minori cum successu illa frequentata fuisse statuimus, & quod solum hac de re superest testimonium POSIDONII apud STRABONEM nunc penitus inspiciamus; ille autem sic habet *u*): Posidonius *Eudoxum quendam*

t) Strabo 1146: *Omnes post tertium Ptolemæum male regnum gesserunt, luxu perdit, omnium vero pessime quartus, & septimus, & ultimus Auletes.*

u) Strabo L. 2. 155. Longum quidem est

dam Cyzicenum - - in Aegyptum venisse narrat, quo tempore Evergetes secundus

intervallum a Ptolemæo Everg. I. ad Secundum, sed tacentibus Veteribus nos nil affirmare possumus.

Apud eundem Strabonem, ut & apud Plinium 2. 67. de hoc Eudoxo legitur illum, cum Lathyrum Regem fugeret, Arabico Sinu egressum Gades usque profectum; ex qua narratione Vossius ad Melam L. III. 9. p. 303. concludit iis, quæ de Eudoxo affirmantur, fidem esse denegandam. Vossii verba hæc sunt: *Certum est Veterum neminem fuisse, cujus quidem exstet memoria, qui Bonæ Spei Promontorium vel accesserit, nedum prætervectus sit. Aliiter sensit Summus De Montesquieu qui L. 21. ait: On trouve dans l'Histoire, qu'avant la découverte de la Bouffole on tenta quatre fois de faire le Tour d'Afrique; Des Pheniciens envoiés par Necho, Eudoxe fuïant la colère de Ptolemée Lathyre, réussirent. Sataspes sous Xerxes, & Hannon, qui fut envoié par les Carthaginois sortirent des Colonnes d'Hercule & ne réussirent pas. &c.*

cundus regnum tenuit - - forte tum a Custodibus Arabici Sinus Indum quendam ad Regem fuisse allatum, dicentibus eum semimortuum ab ipsis inventum fuisse, in navi solum deprehensum, neque se scire quis aut cujas esset, quod sermonem ejus non intelligerent. Eum a Rege mandatum iis, qui eum Græcam Linguam docerent, hac p̄cepta hominem narrasse ex India se navigantem recto cursu excidisse, atque huc evasisse sociis fame amissis, simulque pollicitum se navigationis ad Indos monstratorem fore iis, quibus eam rem Rex demandaret, quos inter & Eudoxus fuerit. Hunc ad Indos cum donis navigasse, & eorum loco reportasse Aromata, ac Lapides Pretiosos, quorum alios fluvii cum scrupis devehunt, alii effodiuntur generati ex humore, ut apud nos Crystalli. Ceterum Eudoxum sua fuisse spe falsum, Evergete quidquid navi advexerat adimentum. Mortuo Evergete uxorem ejus Cleo-

L

patram

patram regnum tenuisse, rursumque ab hac missum Eudoxum majore cum apparatu ventis supra Aethiopiam fuisse delatum, ubi cum ad quædam loca adpulisset, animos incolentium sibi conciliaſſe frumenti, vini, & carucarum largitione, quibus illi carebant; ab iisque contra aquam & navigationis duces accepisse, & vocabula quædam descripsisse - - salvumque in Aegyptum rediisse, filio jam Cleopatra ſuffecto in regnum, denuo omnibus ſpoliatum fuiſſe, comperto multa illum intervertiſſe.

SI vera eſſet iſta narratio tum utique ex his efficeretur **Commercium Indicum** temporibus, de quibus heic fermo eſt, penitus fuiſſe neglectum; ſed factum, cujus mentionem nunc fecimus, non omnem habet veri ſpeciem, ſic ut ipſe **STRABO** plurimas eaſque, ut videtur, graves rationes afferat iſti

Po-

POSIDONIO fidem denegandi x). Sufficiat illam allegasse, quæ nos proxime spectat, cum ait y): *Unde Evergetæ ista hujusmodi ductorum navis penuria, Mari isto multis jam noto.* Præferimus itaque auctoritatem STRABONIS POSIDONIO, quamvis nolimus negare esse etiam, quæ pro posteriore faciant; illum enim STRABO æque mendacem ac PYTHEAM esse scribit, jam vero constat temere doctissimo isti viro litem a STRABONE motam fuisse.

• Ex quibus omnibus colligimus POSIDONIUM, auctorem non incelebrem, hanc historiam vulgare nunquam ausum fuisse, nisi revera Everge-

L 2

tæ

x) Posidonius iste Apameensis a natiuitate, a loco, quo degit, Rhodius dictus, Philosophus & Historicus celebris, de quo præ ceteris legendus J. Meursius Rhodi l. 2.

y) Pag. 159.

tæ Secundi temporibus Commercia Indica valde fuissent neglecta, quamvis illa penitus non exculta fuisse negemus.

HAEC erant Indici Commercii Fata apud Aegyptios, magnus ejus splendor sub Philadelpho, deinde per vices minor; donec, Romanis Aegypti regnum tenentibus, hoc commercium multo quam antea auctius, ita ut quotannis Classes mercatorum maximæ in Indiam navigarent, quæ summo cum lucro adferebant merces illius regionis luxui Romanorum ejus ætatis maxime expetitas.

Quousque. sub Ptolemæis in Indiam navigatum, & cum quibus Gentibus Commercia instituta.

HEIC quoque disquirendum videtur, quibus itineribus & quousque ex
Aegy-

Aegypto in Indiam sub Ptolemæis commercii causa navigatum fuerit, ubi PLINIUM sequi lubet additis brevibus sed solidissimis observationibus, quas in hanc rem conscripsit Summus DE MONTESQUIEU, & nostris quoque commentariis ad ea, quæ Ptolemæorum ætati in his videntur propria 2).

POSTQUAM itaque PLINIUS a) de Itineribus Alexandri & Præfectorum illius, quibus India patefacta est, sermonem instituisset, ita pergit: *Sic Alexandri Classis navigavit; postea a Syagro Promontorio Patalen Favonio, quem Hippalum ibi vocant, peti certissimum videbatur XIII. XXXII. Mill. Pass. æstimatione.*

L 3

EX

2) *Esprit des Loix* L. 21. p. 296. seq. Edit. Amstelod. 1758.

a) Lib. VI. 23.

Ex quibus intelligitur primam navigationem successorum Alexandri fuisse a Syagro Patalen, Urbem Insulæ cognominis ad Indi ostia, in qua Favonio utebantur, erant enim in Navigationibus suis Ventorum optimi observatores *b*).

PERGIT PLINIUS: *Secuta ætas propiorem cursum tutioremque indicavit, si ab eodem Promontorio Zigerum Portum Indiæ peterent; diuque ita navigatum est, donec compendia invenit mercator, lucroque India admota est c*).

AD

b) Adhuc hodie his ventis utentes Indi pyxidem nauticam vix adhibent.

c) Clar. De Montesquieu loc. cit. p. 296. *Pline ne peut dire, que ce chemin fut plus court, que parce qu'on le faisoit en moins de tems, car Siger devoit être plus reculé.*

Addendum heic, quod infra probabitur, antiquum esse commercium Taprobanæ

Ad quosnam Ptolemæorum voces *secuta ætas* referendæ sint, aliquo modo incertum est, sed cum sciamus Philadelphum omni cura Commerciis Indicis incubuisse, illius temporibus hæc adscribemus. Illa autem verba, *Di- que ita navigatum, & donec lucro India admota*, referimus ad tempora Romanorum, ita ut ultimam istius itineris descriptionem, mox exhibendam, Romanis demum, aut saltem paulum ante Aegyptum in Provinciam redactam, in usu fuisse statuamus *d*).

L 4

SI-

cum Indiæ vicinis Portibus ab Aegyptiis frequentatis.

d) Romanorum temporibus Alexandrini ex Aegypto Puteolos tendentes, plerumque etiam recto cursu, minimeque littora legendo in Italiam navigarunt. De qua re, ut testimonio Peritiæ illorum Nauticæ, longo usu sub Ptolemæis acquisitæ, testis est Philo Jud. pag. 968. & 1028. Edit. Francof. & multis et-

SIGERIS vero Promontorium ubinam sit definire non audeo. In subsidium utique vocandus STRABO e), qui ait Reges Bactrianorum, a Syris secedentes, plures Regiones Indiæ subegisse Alexandro Magno ignotas, illosque non modo *Patalenam*, sed & reliquam oram maritimam & quod *Tessariofi* vocatur, ac *Sigeritidis Regnum* tenuisse; ulterius ergo ad Meridiem hic locus quærendus est, & propius ad Malabaricas oras.

PERGIT PLINIUS f): *Quippe omnibus annis navigatur, Sagittariorum Co-*

iam Hafæus in Differt. de Navibus Alexandrinis.

e) Lib. XI. 786. Et idem XV. 1006. Vbi Apollodori sententiam, de Bactrianis in India plura, quam Alexander & Seleucus, cognoscentibus, frustra videtur in dubium vocare.

f) Ex omnibus quidem patet hanc esse

Cohortibus impositis, etenim Piratae maxime infestant. Nec pigebit totum cursum ab Aegypto exponere, nunc primum certa notitia patefcente. Digna res nullo anno minus H.S. quingentis imperii nostri exhauriente India, & merces mittente, quae apud nos centuplicato veneant. Addit jam iter ab Alexandria Berenicen, dein haec subjungit: Navigare incipiunt aestate media ante Canis ortum, aut ab exortu protinus, veniuntque circiter trigesimo die Ocelin Arabiae, aut Canem Thuriferæ Regionis g). Est & tertius Por-

L 5

tus,

Romanorum Navigationem, nos vero illam exhibemus, ut Indici Commercii vices & augmenta cognoscantur, ut & ob plures ejus rei circumstantias notatu dignas, quas Plinius heic recenset.

g) Ulterius hac de re agemus in Sectione de Commercio Felicis Arabiae.

Neque omittendus locus Auctoris Peripli Maris Erythr. pag.32. qui Navigationi

tus, qui vocatur Muza, quem Indica Navigatio non petit, nec nisi Thuris Odorumque Arabicorum mercatores - - Indos autem petentibus utilissimum est ab Oceli egredi; inde Vento Hippalo navigant diebus quadraginta ad primum Emporium Indiæ, Muzirin, non expetendum propter vicinos Piratas, qui obtinent locum nomine Nitrias; neque est abundans mercibus; præterea longe a terra abest navium statio; lintribusque afferuntur onera & regeruntur - - Alius utilior Portus gentis Necanidon, qui vocatur Barace,

Indicæ aliquam affert lucem, ille vero ita loquitur: Universum commemoratum navigationis cursum atque orbem a Cana & Arabia Felice olim parvis navigiis ipsos sinus ambientes conficiebant. Primus Hippalus gubernator, animadverso situ emporiorum ac Maris figura, invenit navigationem per altum Mare, eo tempore, quo spirantibus ex Oceano apud nos Etesis, Libonotus in Indico Pelago existit.

race, longe ab Emporio Mediterranei distante oppido, quod vocatur Modusa. Regio autem, ex qua Piper monoxylis linterbas Baracen convehunt, vocatur Cottonora, quæ omnia gentium, portuumve, aut oppidorum nomina apud neminem priorum reperiuntur. Quo apparet mutari locorum status h). Ex India renavigant Mense Aegypto Tybi incipiente, nostro Decembri, aut utique Mechiris Aegyptii intra diem sextum, quod fit intra Id. Ian. nostras; ita evenit ut eodem anno remeant i). Navigant autem ex India Vento Vulturno, & cum intravere Rubrum Mare Africo vel Austro.

HA-

h) Testimonium clarissimum de mutatis Indiæ Emporiis sub Ptolemæis & Romanis.

i) Loca Veterum & Recentiorum de tempore hujus Navigationis & annuis illarum regionum ventis, contulit, sibi que congrua observavit Clar. De Montesquieu loc. cit.

HACTENUS PLINIUS, ex quo ultimum istud iter, Romanis usitatum, pro more exscripsit SOLINUS, quod etiam multis persequutus est doctus, sed incognitus Auctor Peripli Maris Erythrei *k*).

PA-

k) Loca Solini hac de re agentia optime explicavit Magnus Salmasius.

Periplum Maris Erythrei sæpe in subsidium voco, utorque editione Dodwelli T.I. Geogr. Min. Oxon. 1698. Arriano hoc opusculum a nonnullis tribuitur, abjudicatur ab aliis, res adhuc incerta est. Salmasius atque Vossius Arriano hunc librum faciunt antiquiorem, nunc Augusto, nunc Plinio majori coævum statuentes. Dodwellus magno cum eruditionis apparatu Arriano facit juniorem, & tribuit temporibus Marci ac Veri Imperatorum. Utraque sententia habet argumentorum pondera, neutra talia, quæ rem extra controversiam collocent. Ex Alexandrinis, five scriptis five hominibus, hunc Auctorem pleraque hausisse, nemini dubium esse potest.

P A T E T autem ex his omnibus primas Ptolemæorum navigationes in Indiam factas fuisse legendo littora ascendendo ad oras Arabiæ, iterumque inde ad meridiem descendendo, unde tum aut cum paucioribus tantum Indiæ gentibus commercia exercebant, aut longiori temporis spatio illis opus fuit, si ad emporia meridiei propiora pervenire voluerunt. Postea Ptolemæi, uti deinceps Romani, annuis illarum regionum ventis, veluti pixide quadam nautica utentes, sese alto magis commisere, ut recto cursu ab Arabiæ primis oris ad illa tenderent Emporia, quæ sese a *Guzarat* usque ad Malabari-cas oras extendunt.

Ex

qui libellum istum, Mercaturam Veterum egregie illustrantem, attente perleget. Conferendus etiam de hoc Auctore Clar. *D'Anville* in *Eclaircissmens Geographiques sur la Carte de l'Inde* p. 44.

Ex his porro apparet illos semper minori tempore navigationem absolvisse perfectioremque reddidisse. Et, cum tandem quotannis redirent, vulgo sub Ptolemæis non ultra Malabaricas oras videntur navigasse, neque circumiisse Promontorium *Comorin* & oras *Coromandel*. Illos non longe ad Orientem perrexisse testis mihi etiam est STRABO, qui ait l): *Porro mercatorum, qui hodie ex Aegypto per Nilum & Arabicum Sinum navigant pauci etiam usque ad Gangem perveniunt. Si STRABONIS tempore id raro factum est, multo adhuc id infrequentius sub Ptolemæis accidisse videtur, etsi non ignorem Seleuci Nicatoris itinera Gangeticum Sinum cognitum reddidisse m).*

SI

l) Lib. XV. 106.

m) Nullibi melius adjicere possum optimam notam Clar. *De Montesquieu* l. c. p. 262. *Seleucus Nicator penetra jusqu'au Gange, &*

SI itaque Ptolemæorum Indica Commercia cum nostris conferamus, videmus eos cum paucis admodum gentibus illa exercuisse, five quia revera paucas cognovere, five quia hæc Navigatio ad Malabaricas oras nequæ ulterius pergens, illis omnium videbatur utilissima. Huc eos ducebat status navigationis eo tempore, quo nautica Pixis ignorabatur; huc eos invitabant, Indi, qui merces ex regionibus longius diffitis ad propiores istas oras contulere, ubi Aegyptii eas, annuatim quæsitæ, Alexandriam secure deportabant. De Indis ex regionibus diffitis merces ad Emporia Aegyptiorum conferentibus testem habeo STRABO-

NEM

parlà on decouvrit la Mer où ce fleuve se jette; c. a. d. le Golfe de Bengale. Aujourdhui on decouvre les terres par les voyages de Mer, autrefois on decouvroit les Mers par la conquête des Terres.

NEM n), qui inquit: *Pro certo creditum est hanc magnam Insulam, Taprobanen, in alto versus meridiem ante Indiam jace-
re - - ex eaque in Indorum Emporia importari multum Eboris, Testudinum, aliasque merces.* Qua arrepta occasione de Commercio Ptolemæorum cum In-
sula ista eo libentius agam, quod hanc materiam, ad rem nostram maxime facientem, præterierit Summus DE MONTESQUIEU, cujus vestigia heic potissimum secutus fui. Placet itaque Taprobanem Veterum esse Insulam *Ceylan o)*; de qua excerpemus illa ex PLINIO, quæ Commerciis Ptolemæo-
rum

n) Lib. 2. 124.

o) Alii perperam collocant in *Sumatra*. Optime de hac Insula Vossius ad P. Melam 3. 7. & Clar. D'Anville pag. 108. *Eclaircissement Geographiques sur la Carte de l'Inde*. Ubi Veterum stationes Indiæ cum maxima soliditate declarantur.

rum illustrandis infervire poterunt. Is autem sic habet *p)*: *Ut liqueat Insulam esse Alexandri Magni ætas resque præstiterè. Onesicritus, Classis ejus Præfectus, Elephantos ibi majores bellicosioresque, quam in India gigni scripsit. Megasthenes q)* *flumine dividi Eratosthenes, & mensuram prodidit Longitud. VII. M. Stad. Latitud. V. M. nec Urbes esse, sed vicos septingentos. Incipit ab Eoo Mari, inter Ortum Occasumque Solis Indiæ pratenta, & quondam credita viginti dierum navigatione r)* *a Prasiana gente distare, mox, quia Papyraceis navibus armamentisque*

M Ni-

p) Lib. VI. 22.

q) De Megasthene, item Onesicrito, & Nearcho, Alexandri Magni Classis Præfectis, legi possunt Arrianus in Indicis, Plinius & Strabo.

r) Hæc de Ptolemæorum temporibus intelligenda sunt.

Nili peteretur, ad nostrarum navium cursus septem dierum intervallo taxato s).

Ex his conficitur Taprobanen Alexandri Magni itineribus cognitam postea Eratostheni, qui sub Tertio Ptolemæo floruit, & ad Quintum usque vixit, adhuc notiozem redditam fuisse, illis Commerciis, quæ tum Aegyptii, semper magis ad meridiem tendentes, in India exercuere. Quod vero de Navibus Papyraceis, tum temporis illuc euntibus, apud PLINIUM legimus, illud severe carpit SALMASIUS dicendo t): *Profecto quantum magisque cogito, tum illud mihi mirandum maxime de Plinio videtur eum credidisse Naves*
Pa-

s) Obscure loquentem Plinium clarius explicat Solinus 53. dicendo: *Dierum viginti primo in eam fuit cursus, sed hoc cum Papyraceis & Nili navibus eo pergeretur, mox navibus nostris septem dierum iter factum.*

t) Pag. 1116. Edit. Paris. 1629.

Papyraceas Nili ad Indos usque extremos proficisci solitas, priusquam Romani navibus suis illo contendissent. De Armamentis Nili, h. e. funibus id minus mirum; nam Aegyptii ac Syriae Reges diu non aliis funibus usi sunt in rebus navalibus, quam ex libro Papyri textis - - Armamenta sunt funes &c. u).

M I H I autem non videtur a vero alienum ex hoc loco concludere Aegyptios quosdam & Indos in Emporiis ejus regionis commerciis viventes Papyraceis navibus ex illis Emporiis Taprobanen petiisse, indeque merces, ut dixerat antea S T R A B O, retulisse, quia raro sub Ptolemæis ipsæ majores naves Indiam petentes illuc tendebant, sed

M 2 mi-

u) Plinio, quem semper omnes reprehendunt, nonnisi maximopere coactus, fidem abjudico. De Papyraceis Navibus res est ex sacris profanisque Scriptoribus notissima, de qua etiam alio loco breviter egi.

minores tantum inde missæ. Hæc dein Insula cum Romanis Commercio juncta illorum divitias appetere, luxumque sequi cœpit, quod memoriæ prodidit PLINIUS cum multis aliis de Taprobane, nobis non tangendis, cum ultra proposita descendant tempora.

Ex his itaque constat Insulam Taprobanen in Fora illa rerum venalium, quæ Aegyptii circa oras Malabaricas habebant, merces misisse. Ulterius propterea adhuc dicendum de Seribus x), quia illi magno Commercio directo cum Taprobanensibus, hinc & indirecto

x) Seres Chinæ parvam partem, & præcipue *Thibeti* regionem occupabant, de qua re, ut & de pluribus aliis huc pertinentibus, avidè exspectamus D'Anvilii Summi Geographi, scripta singularia Iliustr. Acad. Reg. Inscript. ante paucos annos tradita, ut & Opus illius de Orbe Veteribus cognito.

directo cum Aegyptiis, juncti fuere; id enim, quamvis Recentioribus vix observatum, notatu tamen perdignum est, Aegyptios tantum cum gentibus Indiæ sibi vicinis commercia exercuisse, has autem præter merces suas etiam alias e regionibus longe diffitis aquisivisse, Aegyptiisque vendidisse. Sic itaque de Seribus PLINIUS y): *Ultra montes Emodos Seras quoque ab ipsis, Taprobanensibus, aspici notos etiam commercio. Patrem Rachiae com-
measse eo, advenis sibi Seras occurfare. Fluminis ulteriore ripa merces positas juxta venalia tolli ab his, si placeat permutatio.*

HUNC locum plurimi Recentiorum perperam intellexere, sensus latet in iis a Taprobanensibus Seras *aspici & illis occurfare*, quod propterea notatur,

M 3 quia

y) VI. 22.

quia hæc Natio cum ceteris commercia sua sic instituebat, ut nunquam ab illis aspiceretur, occurreretque nunquam.

Ignoti facie, sed noti vellere Seres z).

ET ipse PLINIUS a): *Seres mites quidem, sed & ipsis feris persimiles, cætum reliquorum mortalium fugiunt, Commercia expectant b).*

ET MELA c): *Seres intersunt, Genus plenum justitiæ ex commercio, quod rebus in solitudine relictis absens peragit notissimum.* Et SOLINUS d): *Seres ipsi quidem mites & inter se quietissimi, &*
qui

z) Virgilius.

a) VI. 17.

b) Alii Commercia *expetunt*. Salmasius corrigit *Despetant*, quod minime probamus.

c) L. III. 7.

d) Cap. 77.

qui reliquorum mortalium cætus refugiunt, adeo ut ceterarum Gentium commercia (Linguae) abnuant. Primum eorum fluviorum Mercatores ipsi transeunt, in cujus ripis, nullo inter partes linguae commercio, sed depositarum rerum pretia oculis aestimantibus sua tradunt.

P A T E T itaque ex prioribus Seres Taprobanensibus in negotiis faciliores se quam ceteris præbuisse Mercatoribus; porro ex hoc ultimo SOLINI, ut & ex primo PLINII loco apparet, errare istos ex Recentioribus, qui putant per Sinum Gangeticum usque ad ejus oras, non ulterius, ivisse Indorum Mercatores, cum ex his constet illos ad litus appellentes ulterius terrestri itinere ad primum usque Serum fluvium processisse; quæ omnia notanda fuere ut declararetur qua ratione ulterior In-

dia cum propiore, hæc cum Ptolemæis commercio juncta fuerit *e*).

NEQUE per Taprobanenses solos Alexandrini diffitioris Indiæ merces in vicinioribus Oris Maritimis acceperere; in eadem enim re multum iis profuere Barygazæ, gens non procul ab Indi ostiis habitans, quæ terrestre commercium cum diffitis Indiæ gentibus exercuit, & Sefatæ, qui annuatim Thinarum merces petierunt, & Aegyptiis dein vendiderunt, quod cum sub Romanis teste Auctore Peripli Maris Erythr. factum fuerit, multo magis adhuc necesse erat sub Ptolemæis, quorum naves neque diu in India commorari voluerunt, neque longe excurrere potuerunt *f*).

Merces

e) Merces Serum præcipuæ Sericiæ, de quibus infra.

f) Videndus de Thinæ Regno Magnus

Merces Indiæ ex Regno Animalì.

NIL vero magis conferre poterit ad commercium Indicum, præcipue sub Ptolemæis, illustrandum, quam Enumeratio Mercium ex India exportatarum, illarumque, quæ illuc fuisse translatae. Ex Regno itaque Animalì in Emporiis Indiæ coëmebantur *Testudines* g), item *Ebur*, non enim in Africa modo, sed & India, Elephantos

M 5 eosque

Vossius in Melam. Dubia paululum & controversa hujus gentis sedes, hinc non dubium illam Græcis sub Ptolemæis parum cognitam, & indirecto tantum Commercio junctam.

g) Periplus M. E. 35. Testudines Indiæ præstabant ceteris. Eorum segmentis Veteres vestiebant Lectos & Repositoria. Plin. VIII. Lucanus in Descript. Cultus Cleopatrarum, Lib. X. ubi multa occurrunt, quæ Luxum Aegyptiorum illorum temporum egregie illustrant.

eosque maximos fuisse constat, quod multis probavit RELANDUS in Differt. De Ophir pag. 181. seq. *Margaritæ*, ut hodie, sic & olim erant ex præcipuis Indici Commericii objectis *h*), illæ enim, quæ circa Taprobanen inveniebantur, ceteris omnibus fuere prælatæ; principium vero & culmen omnium rerum pretii Margaritæ tenebant.

HEIC & *Sericum* per Commercialium locorum in vicina Indiæ Emporia delatum, commemorandum videtur *i*). Nemo est, qui hodie non optime hanc Mercem cognoscat, olim fere omnes ejus originem ignoravere. Missis illorum hac de re erroribus dicamus breviter *Sericum* tribui Indiæ, Assyriæ, & Insulæ Coë; esseque verosimil-

h) Periplus M. E. 35.

i) Per. M. Erythr. 36.

simillimam eorum opinionem, qui Erucam Sericum præbentem foli tribuunt Indiæ, addentes materiam istam dein ad Assyrios delatam ibique elaboratam fuisse; unde Sericum Indicum & Assyrium quoad originem idem. Sericum autem ex Coo^o alius Erucæ, multo vilioris, opus esse videtur; quæ omnia solide explicavit Clar. MAHUEL k). Sericum jam Ptolemæorum temporibus Veteribus fuisse usitatum ex multis Antiquorum locis constat, Romam vero demum Aegypto in Provinciam redacta cum multis aliis Orientis Luxus mercibus allatum fuit l).

Lana

k) *Mémoires de l'Acad. des Inscript.* Tom. 5. 218. sq. *De l'Origine de la Soye.* Et *Geschichte des Seidenbaues*, in Schreberi *Saml. Oeconom. Wissensch.* T. I.

l) Hæc de re præ ceteris videndus Braunius de Vestitu Sacerdotum.

Lana erant etiam ex illis mercibus, quas viciniore Indiæ gentes, a diffitioribus petitas, Aegyptiis vendebant; oves enim illarum regionum erant valde celebres *m*).

Merces Indiæ ex Regno Vegetabili.

Ex Regno Vegetabili inter præcipuas Merces Indiæ commemorandum Linum Indicum, indeque contextæ Telæ, quarum ampla apud Veteres mentio. Sic apud Auctorem Periplusi *n*) recensentur Othonia, Filum, Sindones, Carpasum, aliaque ejusmodi. Probabile autem mihi videtur hanc mercem potius Arabibus Persisque, quam Aegyptiis

m) Periplus M. E. 26. De Commercio Lanæ apud Veteres optime egit Clar. Smith in *Memoirs of Wool*, ab initio usque ad p. 13.

n) Pag. 5. 22.

ptiis fuisse venditam, qui illam sine dubio non nisi parva fumebant copia, cum ipsi Lino non destituerentur.

Ex ulteriore in propiorem Indiam, & hinc ad Aegyptios, etiam adferebantur Saccharum *o*); Nardus Indica spicata, quæ erat optima, obscure tantum nobis cognita; item Costum, inter Aromata Veterum celebre, neque, ut videtur, idem ac nostrum. Porro Malobathri Indici folia odoris suavissimi, & Gummi Bdellium Antiquorum incognitum, a nostro parum cognito diversissimum *p*). Caryophili Veterum

o) Consulendus Cl. Salmasii Libellus de Manna & Saccharo Paris 1663. Pifo de Arund. Saccharifera.

p) Has Merces Indiæ, ut & superius alatas, præ ceteris enarrat Auctor Periplus Maris Erythrei; illas vero explicavere Cl. Stuckius in Comment. ad hoc scriptum, Celsius in Hierobotan. ac præcipue Salmasius in Pli-

rum Aromatici q); Myrrhæ parum;
mul-

nium, & in Homonymis Hyles Jatricæ, qui duo ultimi Auctores, etsi non semper veritatem, tamen viam ad illam suppeditasse videntur, dum ineditos Arabes, qui in materia medica antiquorum nimis negliguntur, sæpius ad partes vocant. Inter Recentiores de his egere Garzias, Acofta, Fragofus, Bontius, Clufius alique plures, qui parvam præbent lucem & multas fabulas; majorem exhibent Breynii & Kæmpferi Exotica ac Japonenfia, Rumphii Amboinenfia, Rheedii Malabarica, Burmanni ac Linnæi Zeylanica. In tanta tamen Botanicorum Peregrinatorumque copia ob parum exactas descriptiones, plurimæ Indicæ merces in summa delitefcunt obfcuritate, de quibus quid proprie fint & unde adferantur nondum constat.

— Aegyptii etiam habebant Malobathra sua sed deteriora; in unguentis vilioribus patria, peregrina in pretiofioribus adhibere solebant; sed neque Aegyptia neque Indica antiquorum Malobathra probe cognita funt.

q) Fridelii Caryophili Aromatici.

multum Piperis 1); Ebena pretiosissima s).

- - - - *Sola India nigrum*

Fert Ebenum.

Cardamomum quoque inter Merces Indiæ non omittendum, observandumque patere ex Differtatione sub Cl. SPIELMANNI præsidio Argentorati 1762 vulgata, Græcorum, Latinorum, Arabumque Cardamomum, esse unam ex quinque nostrorum Cardamomorum speciebus, cujus character & synonyma late solideque ibi exhibentur; atque errare illos, qui Cardamomi Antiquorum notitiam intercidisse putant; vel qui illud non cum fructu, sed cum ligno,

1) Heisterus de Pipere, qui varias Piperis, Veteribus cogniti, species recenset.

s) Virgilius Georg. 2. Hodie præstantia Ebeni Ligna ex Insulis Africæ, Madagascar, & S. Mauritii ad nos adferuntur.

gno, aut cum *Nigella lutea Orientali* comparare volunt *t*).

Merces Indiæ ex Regno Minerali.

OMITTIMUS alias nonnullas
 Merces Indiæ Regni Vegetabilis, de
 quibus dictu difficillimum est cum qui-
 bus Recentiorum plantis conveniant;
 accedimusque ad Regnum Minerale,
 ubi statim recensebimus Pretiosos La-
 pides, quorum India semper fuit pa-
 tria. Inter istos eminet Adamas Indi-
 cus. Hodie adhuc is in *Visapour &*
Golconde invenitur, nosterque idem est,
 atque ille Veterum, quamvis non
 omnia

t) In eadem eruditissima scriptione Ma-
 teriæ Medicæ studiosi iterum invenient ge-
 nuina hujus scientiæ subsidia, ex nuperrimis
 & accuratissimis Botanices principiis, sine
 quibus ex his tenebris nullus unquam sperari
 potest exitus.

omnia, quæ Antiqui ipsi tribuunt, in nostro locum habeant *u*).

PRAETER Adamantem inter Lapides Pretiosos Indiæ præ ceteris commemorandi Carbunculi, Hyacinthi, Opali, Saphiri, Callais, Amethysti, Sardæ, Onyches, Achates, Crystalli. Huc quoque referenda est Murrha Veterum *x*), non enim arridet nobis illorum sententia, qui eam cum fictilibus nostris Porcellaneis conferunt. Concedimus quidem cum iis convenire Murrham Fictitiam in Aegypto ex Vitro

N

tro

u) Goguet *de l'Origine des Loix, des Arts &c.* T. 2. 232. Edit. Hagæ Com. 1758. Laudanda quoque heic docta dissertatio Joannis Fabri de Adamante, quæ prodiit Halæ Magdeb. 1737.

x) Murrha petebatur ex India, præcipue tamen ex Parthorum Provinciis, sed Parthicæ merces vulgo in India coëmebantur, rarius in Arabicis quoque Emporiis.

tro conflatam; sed vera Murrha Indica erat Lapis ejus regionis pretiosus, ut multis probavit Clar. CHRISTIUS in singulari & eruditissima de hac re vulgata scriptione y); in qua de ejus pretiis patriaque multum differuit. Silentio heic non prætereundus est locus PROPERTII IV. Eleg. 5. 25. ex quo præcipue natus est error de Murrhinis Fictilibus.

Seu quæ palmiferæ mittunt vena-
nalia Thebæ,
Murrheaque in Parthis Pocula
cocta focis.

HEIC Murrhea Pocula medi-
 bus Aegyptiis Romæ vendita in Partho-
 rum focis coqui dicuntur: sed quid
 PRO-

y) J. Frid. Christius de Murrinis Vete-
 rum. Lipsiæ 1743. Negare tamen nolo Por-
 cellanea vetustissimis temporibus Aegyptiis &
 Sinensibus cognita fuisse.

PROPERTIUS contra PLINIUM, qui diferte Murrham facit lapidem; imo forte foci Parthorum sunt ignes Solares locutione Poëtica, idque eo magis, quod alio loco 2) idem Elegiarum Scriptor Murrham cum Onyche conferat.

SINGULARIS quoque est locus PLINII a) de Asbesto Indico, ille vero sic habet: *Inventum jam est etiam, Linum, quod ignibus non absumeretur - - Nascitur in desertis adustisque Sole India.* Merx ista Indica non erat, ut putabant Veteres, ex Vegetabili Regno, sed mineralis substantiæ Amianthus fibris coruscantibus, Ptolemæorum temporibus pretiosissima; de qua optime & solidissime scripsit Vir Historiæ Naturalis

N 2

ralis

2) Eleg. l. 3. 8. 22.

a) Lib. XIX. 1.

ralis & totius Antiquitatis apprime peritus MAHUEL *b)*)

MERCIBUS quoque Indiæ Succinum, seu Electrum Veterum est accensendum, etsi enim illud ex Germania plerumque peteretur, tamen etiam in India inventum fuit, maximique habitum. Qua de re videndus Clar. GESNERUS in Scriptione de Electro Veterum, inserta Tomo III. Actorum Goettingensium *c)*).

SED antequam huic Sectioni finem imponamus præcipue inquirendum restat, an Ptolemæorum temporibus Aurum Argentumque, sive signatum,

b) Mémoires de l'Acad. R. des Belles Lettres. Du Lin Incombustible.

c) Pag. 96. De Electro Indico.

Aliam Electri speciem in Aegypto inveniri testis est Plinius L. 37. quam cum Bitumine Aegypto, seu Judaico Veterum, comparandam esse existimamus.

tum, five non signatum, Indiæ fuerit illatum, an vero contra; nam in hac gravissima certe Quæstione Recentiores, qui ingenium potius, quam Antiquitatis testimonia sequuntur, mihi rem non acu tetigisse videntur.

AURI itaque multum & non parum Argenti in India fuisse repertum probare conatus est Cl. RELANDUS in Dissertatione de Ophir *d*), allegatis omnibus quæ in hanc rem ex vetustis Scriptoribus haurire potuit. Sed ut verum fatear, pleraque ista testimonia Aurum diffitioribus tantum Indiæ locis tribue-

N 3 re

d) De Ophir breviter alio loco dicemus, ut de re obscurissima & ad nos non spectante; nisi Auctores multi se certissime illud invenisse putarent, & hinc in Commercio, de quo loquimur, omnia vellent explicare.

Hodie adhuc notum Aurum Indiæ in *Sumatra & Malacca*.

re videntur, & præcipue Aureæ Chersoneso, ad quam Ptolemæorum naves nunquam contendérunt; potuissent quidem Indi viciniore Aurum, a diffitioribus petatum, Alexandrinis vendere Mercatoribus, sed id sub Ptolemæis non videtur factitatum. Ubique legimus illos ex Aethiopia Arabiaque Aurum hausisse, nullibi eos ex India illud accepisse.

Hoc loco ab omnibus Recentioribus semper citari solet PAUSANIAS *e*), qui ait: *Quin & ab Indis referunt, qui ad ea loca navigarunt, pro Græcorum, Alexandrinorum, quæ illuc comportatæ fuerint rebus, reponi Indicas mer-*

e) L. III. 12. Sunt, qui putant, Commercium, quæ fiunt per Mercium Transmutationem, sine ullo pecuniæ usu, unius alteriusve gentis ignorantiam in rebus Commercium spectantibus declarare, quæ consecutio non semper est legitima.

merces, nummum vero illos plane ignorare, etsi abundet ea orbis terræ pars auro & Aere. Uti non de tota India verum est illam Auro abundasse, sic dici quoque nequit illos nullis nummis usos fuisse; incertus enim Maris Erythrei Descriptor f) testatur circa Gangem monetam auream in usu esse; idem quoque asserit Barygazenfes denarios suos aureos & argenteos cum Ozeris, Indiæ gente, erga alios nummos permutare, indeque non leve lucrum capere.

PLINIUS porro hac de re sic loquitur g): *Digna res nullo anno minus H.S. quingentis imperii nostri exhauriente*

N 4

In-

f) Pag. 28. 35. 36.

g) Plinius VI. 28. Idem XII. 13. *Minimaque computatione millies centena millia Scfertiū annis omnibus India & Seres Peninsulæque illa, Arab. Fel. imperio nostro adimunt. Tanto nobis deliciae & feminae constant.*

India, & merces remittente, quæ centuplicato veneant. In quem locum sic commentatur Summus DE MONTESQUIEU h) : Les Romains y, aux Indes, portoient toutes les années environs cinquante Millions de Sesterce. Cet argent, come le nôtre aujourd'hui, étoit converti en marchandises, qu'ils apportoit en Occident. Tous les Peuples, qui ont négocié aux Indes y ont toujours porté des Metaux, & en ont rapporté des marchandises.

HIS nihil verius dici potest, sub Romanis, & ante Romanos sub Ptolemæis, & nunc & semper Metalla pretiosiora in Indiam portanda, & præcipue Argentum, nulla vero inde reportanda; hoc enim est ex illis Commercii Principiis quæ, cum in Physicis fundata sint causis, nullis fere obnoxia esse

h) Lib. XXI. 1.

esse queunt mutationibus. Divitiæ ergo, quas Ptolemæi ex Commercio Indico sibi parabant, non metallis, sed aliis inde eductis mercibus quas Occidenti præbebant, tribuendæ sunt.

Merces Indiæ Gentibus allatæ.

PRAETER Pecuniam itaque Indiæ ab Aegyptiis sub Ptolemæis adferbantur Vitra, Chrysolithi, Vestes variæ, Melilotus, quæ erant Merces Aegypto indigenæ. Præter has advehebant etiam alienas, quarum præcipuæ erant Argentum, Stannum, Plumbum, Sandaracca Græcorum, Stibium Orientis feminis valde usitatum, Arsenicum, Purpura, Corallium, & parum Vini.

*De Commercio & Navigatione Pto-
lemæorum Troglodytico
Aethiopica.*

HACTENUS de Navigationibus
& Commerciis Indicis differui, nunc
Troglodytico Aethiopica explicanda
sunt, quæ cum præcedentibus arcte
conjuncta. Heic vero non inquiero,
quinam variis temporibus Troglodyta-
rum fines, neque an illi Arabes,
Aethiopes, Aegyptii, aut Natio fue-
rint ex his omnibus mixta. Sufficiat
assumere, quod solum certissime sci-
ri potest, hanc regionem sub Ptole-
mæis Aegypto fuisse adjectam; patet
id ex urbibus innumeris, ex castellis,
portubusque ab Aegyptiis ibi tum tem-
poris ædificatis; ex operariis, quos in
harum regionum fodinas; & ex Vena-
toribus,

toribus, quos in venationes horum locorum misere i).

STATUS autem hujus Commer-
cii, tam stricte Indico connexi, cum il-
lo etiam sub Ptolemæis idem fuisse vi-
detur, teste STRABONE k), qui de
Reditu Aegypti loquens hæc habet:
Ubi vero is, Ptolem. Auletes, qui pessime ac segvissime regnum administrabat, tantum in redditibus habuit, quid censendum putas de præsentibus, quæ tanta diligentia

i) Cum Aethiopes maritimas navigationes negligerent Aegyptii oras illas Sinus Arabici in suam redehere potestatem, unde Aegyptiorum Regum ibi cognomina oppida; difficulter tamen ubique agnoscimus quænam Urbes ab Aegyptiis, Aethiopibus, & Troglodytis habitatæ fuerint. In genere ad Berenicen usque semper ad Aegyptum pertinuisse, a Philadelpho, & Successore ejus, ulteriora etiam istius Sinus adjecta fuisse videntur.

k) Pag. 1149.

ligentia a Romanis administrantur, Indicis Troglodyticisque negotiationibus in tantum auctis, superiore enim tempore ne viginti quidem navigia in Arabicum Sinum transire audebant, ut extra fores proras prospicerent, nunc maximas Classes usque in Indiam & extrema Aethiopiae transmittunt.

COMMERCIIUM itaque Troglodyticum sub Romanis multo magis, quam sub Ptolemæis excultum fuit; illud tamen etiam sub Ptolemæo Philadelpho, magno illo Commericii Aegyptii auctore, floruisse videtur, quod nunc ex Veterum assertis probare conabimur. Sic itaque PLINIUS 1): *Eæ viæ omnes Arsinoën ducunt, conditam Sororis nomine, in Sinu Charanda, a Ptolemæo Philadelpho, qui primus Troglodyticen excussit, & amnem, qui Arsinoën præfluit*

1) Lib. VI. 29.

præfuit Ptolemæum appellavit m). In quo loco, ut id obiter observem, PLINIUS, uti plurimi Veterum, per Troglodyticen non modo superiorem partem Occidentalem Sinus Arabici, sed omne illud littus sensu latissimo intellexit. Conferendus cum isto loco de Ptolemæo Troglodyticen excutiente DIODORUS SICULUS n), qui ait: *A priscis temporibus ad Ptolemæum, cognomine Philadelphum, nulli Græcorum Aegypti fines attigerunt, nedum ad Aethiopiam usque penetrarunt. Tam ignara hospitum erant loca ista & periculis obnoxia, donec Rege illo cum Græcorum manu isthuc profecto, exactius inde regio*

m) *Excutere Regionem*, locutio infrequens, sed *Excutere rem*, penitus inspicere & exacte sub examen vocare, sæpius apud Ciceronem.

n) Lib. I. pag. 45.

regio explorari cœpit o). Et STRABO p), de origine Nili ex Aethiopia loquens, hæc habet: Quam rem ii potissimum deprehenderunt, qui in Arabicum Sinum navigarunt usque ad Cinnamomiferam Regionem, & ii, qui ad Elephantorum venationem missi fuerunt, aut si qui alii usus Ptolemæos Aegypti Reges impulerunt, ut homines aliquos eo amandarent; nam hi talia curabant; is præcipue, qui cognomento fuit Philadelphus, cognitionis rerum apprime studiosus, cum propter corporis imbecillitatem semper novæ alicujus oblectationis materiam expectaret q).

ISTE

o) Regionem lustravit & inspexit, ut illam commerciis & Elephantorum Venationi aptam redderet.

p) Lib. XVII. pag. 1138.

q) Imo vero patet ex Principis hujus historia illum non meram sibi in his oblectationem, sed summum regni splendorem sum-

ISTE Ptolemæus in Troglodytarum regione tres urbes portusque extruxit Berenices matris nomine insignes *r*); Arsinoën unam, aut forte duas, res enim adhuc in obscuro latet; condidit quoque Philoteram urbem portu adjecto. De suo nomine vocavit oppidum ad Elephantorum venationem ædificatum *s*); venatione bellicis præcipue usibus destinata. Iste Rex Satyrum miserat, ut & hanc lustraret venationem, & totam Troglodyticam Regionem penitus inspiceret *t*). Iste tandem

namque utilitatem proposuisse, fuisseque rerum civilium longe peritissimum.

r) Plinius VI. 29. Strabo 16. § 115.

s) Monum. Adulitanum, & Agatarchides *x*.

t) Strabo 1114. Videbimus suo ubique loco nullam fuisse regionem Commerciis Aegyptiorum per Mare Rubrum aptam, in

dem cum Successoribus suis in Topazion Infula serpentes, quibus scatebat, destruxit, hominesque ibi collocavit, qui gemmis illis quærendis incumbere, quæ res, cum fuerit ex objectis majoribus Commercii Troglodytici sub Ptolemæis heic breviter videtur pertractanda. Sic itaque STRABO ^{u)} de hac Troglodytarum Infula loquitur: *Ophiodes Infula ab eventu appellata, quam Rex a serpentibus liberavit, cum multi applicantes serpentibus interficerentur, idque propter Topazia - - Aegypti Reges*

quam non homines missi fuerint a Philadelpho, ut ipsam notiozem redderent.

^{u)} Lib. XVI. 1115. Minime probandus Clar. Salmasius, qui in Comment. ad Solinum, quæ de Serpentibus hujus Insulæ traduntur, commentitia putat, audetque ob conjecturalem etymologiam gravissimis Scriptoribus, de rebus sui temporis verosimilia differentiibus, fidem abjudicare.

Reges maximam hominum multitudinem, mercede conductam, ad horum Lapidum collectionem custodiamque ibi collocarunt. Et DIODORUS SICULUS de eadem Insula: - - Formidolosus anguibus scatebat, sed insectis dein temporibus Regum Alexandriae studio, ita ad cultum redacta est, ut ne vestigia quidem bestiarum ibi conspiciantur. Nec causa praetermittenda, ob quam Insula tantis impendiis repurgata fuit; Reperitur in ea Topazius &c. x).

O Nos

x) Diod. Siculus 3. cap. 39. Agatarchides pag. 55, qui sub Ptolemæis vixit: *Serpentibus referta erat, nostra ætate libera - - - Insulae habitatores regio edicto Lapides custodiunt, colligunt.*

In talibus hinc & illinc prolixius versamur, quia, ob Monumentorum de Commerciiis Ptolemæorum penuriam, ex similibus judicandum est. Videmus heic Regem Philadelphum summa cura in toto Regno suo, viciniæque, conquissivisse omnes Merces alicu-

Nō s Philadelpho primam hujus Insulæ inspectionem, a serpentibus purificationem, Topaziorumque illius inventionem tribuimus, præcipue ob locum PLINII y), qui ait: *Topazium juxta Archelaum tribui Cyti Insulæ, juxta Jubam primum in Topazia Insula repertum in Mari Rubro. Ex hac primum importatum Berenice Reginae, quæ fuit Ptolemæi sequentis, i. e. secundi, mater - - - ac mire placuisse, ac inde factam statuam Arsinoë Ptolem. Philadelphi uxori 4 cubitorum z).*

H E I C

jus pretii, unde liquet illum commerciis regnum suum ditissimum reddere voluisse, quod etiam præstitit.

y) Lib. XXVII. 8. Merces Troglodytico Aethiopicæ suo loco pertractabimus, sed consultius videbatur de Topazio heic loqui, neque stricte viam nostram ita sequimur, ut illam nolimus hinc & inde, postulante necessitate, relinquere.

z) Magnum opus ex gemma, qualis To-

HEIC quoque citandus Clar. DE MARIETTE *a*), qui de re nostra sic scribit: *Nos plus belles Topazes sont celles d'Orient, c. a. d. celles, qui viennent de l'Inde, & ce sont suivant les apparences ces mêmes Chrysolithes, que les Anciens recevoient par la voie de l'Ethiopie, qui étoit alors l'entrepot de tout le commerce des parties les plus Orientales de l'Asie.* His ego libenter consentirem, nisi viderem Scriptores mox laudatos Topazium Troglodytarum isti Insulæ tribuere, ut in terra delitescentem, & ab operariis, hujus rei causa ibi collocatis repertum, non vero ut illuc per commercia advectum.

O 2

JUN-

pazius; forte factitium quid ex Vitro Regi exhibitum. Eodem forsitan modo explicandi Smaragdi illi miræ magnitudinis.

a) Des Pierres Gravées, 169.

JUNGAMUS Commercio Troglodytico Aethiopicum, ad quod Ptolemæi viam sibi parabant illis urbibus, quas juxta Sinum Arabicum in Troglodytarum regione exstruxerunt. Speramus vero illa, quæ de Commercio Troglodytico diximus, etiam nobis viam paratura ad difficillimam & obscurissimam quæstionem de Commercio & Navigatione Aethiopica sub Ptolemæorum imperio.

ET heic de Aethiopia illa tantum nobis sermo erit, quæ sub Aegypto, vel ut alii malunt, supra Aegyptum jacet, quæ cum his cominerciis juncta, nobisque propterea notior est. Exponamus ergo tantum Commercia Aegyptiorum cum Regionibus, quæ hodie respondent Regno Nubiæ, Abyssiniæ, Adelis & Oris Zanguebar.

AETHIOPEs itaque illi, qui non procul a Sinu Arrabico habitabant, per
Troglody-

Troglodytas mediante isto Sinu cum Aegyptiis commercia exercebant, erant enim ibi locorum communia quædam harum gentium Emporia, quale præter illa, quæ in Sectione de Troglodytis memoravimus, fuit præcipue Oppidum Adule, de quo PLINIUS *b)* *Maximum hic, in Adule, Emporium Troglodytarum, etiam Aethiopum.*

ILLI vero Aethiopes, qui interiora regni propius ad Nilum, quam ad Sinum Arabicum incolebant, isto flumine ad commercia utebantur, paucis enim exceptis catarractis ubique fluvius iste navigari potest minoribus illis navigiis, quæ in his locis confecta fuisset scimus. Et commercia illa terrestria, Eboris præcipue, etiam sequentibus

O 3

bus

b) Lib. VI. 29. Inferius afferemus locum Philostrati de Terrestris Commercio Aegyptiorum & Aethiopum.

bus temporibus sub Romanis usitata fuisse constat ex Periplo Maris Erythrei c), ubi de Coloë & Auxuma dicitur, quod illuc portentur Eboræ & Rhinocerotum cornua ex alia Nili parte, & ulteriori Aethiopia, in qua præcipue inveniuntur. Ex quibus patet Aethiopiam Mari vicinam, cum Troglodytis & Aegyptiis commercio junctam, iis illa exhibuisse, quæ ex diffitioribus regni sui partibus hausit; etsi vero hic Auctor sit posterior id parum omnino facit, cum locorum illorum positio antea non aliam permiserit negotiationem-

COM-

c) *In quam, Axomiten Metropolin, omne Ebur, quod est ultra Nilum, per Cyeneium deferatur, indeque in Aduli. Omnis itaque Elephantorum, quicæduuntur, ut Rhinocerotum multitudo in supreioribus locis degit, aliquando tamen, licet rarius, in locis etiam maritimis juxta ipsum Aduli vicum conspiciuntur.*

C O M M E R C I U M Aethiopico Troglodyticum, quod sub Ptolem. Philadelpho incepit, sub filio ejus, Evergete Primo, non modo tale mansit, sed etiam auctum mihi fuisse videtur, quamvis non ita sentiant Recentiores, qui de Commerciis scribentes, huic Regi non magnam illius gloriam tribuunt. Sub isto Rege Aethiopia plus, quam sub Patre, ob ejus expeditiones cognita, & quod multum ad Commercia facit, magna ex parte subjugata, viisque magnificis undique ad Aegyptum munita; qua de re abunde testatur insigne illud ADULITANUM MONUMENTUM *d*), in tanta Veterum Scriptorum

O 4 de

d) Monumentum Adulitanum saepius cito; est autem illud Sella Marmorea, Marti in Adule Aethiopiae consecrata, memoriam fervans gestorum Evergetis Primi, & hac occasione etiam Patris Philadelphi. Exstat apud Cosmam Indicopleusten in N. Patrum Colle-

de Ptolemæis penuria longe pretiosissimum. Sub Successoribus vero hujus Regis hoc commercium, etsi non auctum, ob commoditatem tamen, facilitatem, viciniamque præ ceteris cultum.

SED hætenus tantum Aethiopiæ commercium circa Oras Sinus Arabici, & paulisper in interioribus terræ lustravimus, nunc per Fretum *Babelmandel* exeundo, littoraque Aethiopiæ legendum, videndum, vel divinandum potius, quodnam commercium, & quafnam

ctione T. 2. Sunt quidem multi, qui illud impugnant, sed Cosmas nimis inscius ut id potuerit fingere, & nimius veritatis cultor ut id facere voluerit; satis tamen imperitus ut parum accurate describeret. Stylus elegans est, & veterem sentiens Græcismum; hinc inde quædam corrupta sunt, a Cosma parum fideliter descripta, & a Clar. Montfauconio nondum restituta.

nam navigationes Aegyptii sub Ptolemæis ibi exercuerint.

Superiore itaque tempore, ait jam laudatus STRABO e), ne viginti quidem navigia in Arabicum Sinum transire audebant, ut extra fauces proras prospicerent, nunc maximas Classes usque in Indiam & extrema Aethiopiæ transmittunt. Quando STRABO ait naves non ultra fauces prospicere id satis probare videtur illum credidisse Ptolemæorum temporibus facillimam illam navigationem usque ad Fretum Babelmandel præ ceteris fuisse in usu f); potuissetque addere, quod vix dubium est, illarum navium, quæ excurrebant ex Si-

O 5 nu,

e) Pag. 1149.

f) Avalitæ, merces suas non modo venientibus ad se Aegyptiis vendebant, sed etiam portabant in oppositam Ocelim & Muzam: Periplus M. Erythr. 6.

nu, semper plures ad Indos, quam ad Aethiopiæ littora tetendisse, lucri enim ibi plus, & minus periculi. Quo magis cognita India eo magis Africæ oræ relictae sunt. Doctus, sed Ptolemæis recentior Auctor Peripli Maris Erythrei Emporia commemorat, Avalitem, Mundi, Mosylon, Oponæ, Aromaticum Emporium, Apocopa, & ultimum tandem Azariæ, quod Raptum vocat g); ubi addit post hæc loca Oceanus nondum investigatus. Hoc vero Promontorium Raptum in *Quiloë* collocatur a Magno Vossio, qui de limitibus navigationis Veterum circa
has

g) Omittimus hinc & inde Emporia minora præcipue, quia hic Auctor de tempore Romanorum scripsit.

De Promontorio Prasø non loquimur, quod ulterius adhuc collocatur a Ptolemæo, sed navibus non petebatur.

has Aethiopiæ oras maximo cum apparatu egit *h*).

HÆIC dicendum est de Ophir, de quo Docti quidam Viri ita scripsere, ut inde lucem non exiguam se Ptolemæorum Commerciis tribuere crediderint. Dicunt itaque Aegyptios idem Commercium accepisse sub Alexandri Magni Successoribus, quod antea habuerunt Tyrii; addunt Tyrios, & illorum ope utentes Judæos, præcipue in Ophir tetendisse, quod illi ponunt in *Sophala*; probabile ergo esse sub Ptolemæis etiam illuc naves contendisse, & tam periculofum commercium tum demum cessavisse, cum India adhuc sub Romanis magis cognita, & Navigatio Indica perfectior reddita. Sed ingenue fateor me de Ophir certi nihil statuere posse.

Qui

h) Videndus ejus Commentarius in Melam.

Qui in Africa ponunt nec Psittacos, nec Pavones invenient, & habent navigationem difficillimam; qui in India, illi cum prioribus laborant difficultate summa, quam tamen vix tangunt, ex JOBI XXII, ubi vetustissimus iste omnium forsitan V. T. Scriptorum de Ophir mentionem facit iis temporibus, quibus nec *Sophala*, nec auriferæ Regionēs Indiæ, quæ sane sunt ex dissitioribus, navigiis petitæ fuisse videntur i).

Mercēs Troglodytico Aethiopica.

NEQUE vero quidquam magis conferre poterit ad amplitudinem Navigationum Commerciorumque Troglodytico

i) Voluit hanc difficultatem tollere Borchartus, dicendo duo fuisse Ophir, unum in Arabia, quod pluribus eruditissimis viris placuit, alterum in *Ceylan*. Sic nodi non solvuntur sed secantur.

dytico Aethiopicarum dijudicandam, quam Enumeratio Mercium, quas Ptolemæi ex his regionibus accepere. Recentiores heic iterum adhibemus Scriptores; idque eo minus curamus, quod Merces illæ fere semper eædem; major tantum & minor earum usus & æstimatio pro vario luxu, cujus fata & fortunam continuo consulimus, caventes, ne quid Ptolemæis tribuamus, quod recentiorum sit temporum.

MERCES has præcipue descripsit PLINIUS *k*), qui ait: *Maximum, in Adule, Emporium Troglodytarum etiam Aethiopum - - deferunt plurimum Ebur, Rhinocerotum Cornua, Hippopotami coria, Chelyon Testudinum, Sphingia, & Mancipia.* Atque Philostratus *l*) dicendo: *Cum ad loca venisset Apollonius,*
ubi

k) Lib. VI. 29.

l) Vit. Apoll. Thyan. VI. 1.

ubi *Aegyptus Aethiopiaque terminantur*
 - - *Aurum non signatum invenit, Li-*
num præterea, atque Ebur, & Herbarum
radices varias, unguentum insuper, &
diversorum generum Aromata. Omnia
autem incustodita jacebant in via certas
in partes distributa; quid autem ea res
sibi velit ostendam; permanet enim nostra
etiam ætate consuetudo. Forum namque
Aethiopes instituunt earum rerum, quas
fert Aethiopia, & universam regionem
perquirentes venalia cuncta in unum con-
ferunt locum, ubi etiam Aegyptii pro illis
forum celebrant, & quæ apud Aethiopes
sunt, earum quas ipsi habent, rerum,
permutatione emunt m).

EX

m) Hæc Philostratus suis, & illum antecedentibus Apollonii Thyanei temporibus, tribuit; nos nulli dubitamus jam sub Ptolemæis, cum Aethiopibus ut vidimus commercio junctis, eodem modo, qui heic describitur, merces permutatas fuisse; nam parum

EX his itaque PLINII PHILOSTRATIQUE locis Merces Troglodytarum Aethiopumque recensēbimus, additis illis, quæ apud Auctorem Peripli Maris Erythrei occurrunt, qui in hac re ceteris multo amplior.

PRIMO itaque loco PLINIUS mentionem facit Eboris *n*). Consentit PHILOSTRATUS & auctor Peripli, qui illud plurimis Aethiopiæ tribuit Emporiis; omni enim tempore istam Africæ partem Elephantis abundasse notum est. Eboris autem usus longe fuit hac ætate frequentissimus, quod PAUSANIAS *o*) multis in locis pro-

aut nihil barbararum gentium mores sæculorum decursu mutantur; certeque, nunquam, aut rarissime, a modo perfectiore, ad rudiorē delabuntur.

n) Præter Ebur Africæ Aegyptii etiam habuerunt Indicum, quod maximi faciebant.

o) Lib. V.

probat, quorum unum citabimus, ubi sic habet: *Quam vero Græci splendidi ac magnifici, & omnium minime parci in colendis Diis fuerint, magno illud documento est, quod ex India & ab Aethiopibus Ebur ad signa Deorum facienda advehendum curarint p).* Hæc vero Ptolemæorum spectant tempora, quibus Græcorum luxus & artes in Aegypto maxime florebant, sic ut gens hæc non modo pro illis, cum quibus commercia exercebat, sed & præcipue in proprium usum Eboræ advexerit.

EBORI jungamus Rhinocerotum Cornua, de quibus PLINIUS l. c. uti etiam Auctor Peripli sæpissime q); istud

p) Græci hæc Eboræ plerumque Alexandriæ petebant.

De Summo Eboris apud Veteres honore consulendus Illustr. Comes *De Cailus Rec. d'Ant. 1. 155.*

q) Pag. 3. 5. 11. Sæpius. non semper

istud enim Animal Aethiopicum est, cujus cornua Veteres, ut Elephanti dentes, pro variis operibus artium, saepius pro poculis adhibuisse videntur, & maximi aestimasse r). Illud Animal ARISTOTELI quidem non videtur fuisse notum, sed sub Ptolemæis illud descripserunt AGATARCHIDES & DIODORUS SICULUS, sic ut dici nequeat cornu ejus esse ex mercibus recentiorum tantum temporum.

PLINIUS inter Merces Aethiopiæ porro recenset Hippopotamorum

P Co-

tamen, Veteres de Monocerote Aethiopiæ loquentes, Rhinocerotem intelligere videntur.

r) An illi olim ab Aegyptiis virtutes eæ miræ, quas Recentiores, ut rei rarissimæ, tribuunt, jam ad scriptæ fuerint, definire non audeo. Consulendum de hac re Bartholini Scriptum de Unicornu, & præcipue Bocharti Hierozoicon.

Coria. Tradunt autem Veteres ac Recentiores istud Animal Niloticum pelle gaudere asperrima, vix ferro cedente, & hinc multis usibus apta s). Sic itaque LUDOLFUS t) etiam de Aethiopibus nostri temporis: *Dantur, qui venatione illorum, Hippopotamorum, se sustentant & carne vescuntur. Corium autem crassissimum ad varios usus, inprimis ad scuta, adhibent.*

PLINIUS Mercibus Aethiopicis addit *Chelyon Testudinum u)*; ex hoc autem loco, & ex Auctore Peripli constat varias pretiosioris viliorisque Testudinis

s) Bocharti Hierozoicon pag. m. 768, ex Achille Tatio & aliis.

t) Ludolfus Hist. Aeth. I. c. II. Is hæc habet ex Nic. Godigno, qui de rebus Habesfinorum cum fructu conferri potest.

u) Sic legit Harduinus, & explicat integumenta pretiosioris testudinis.

studinis species ex Aethiopia allatas fuisse, quod facile nobis persuademus, considerantes istam regionem his animalibus abundasse, illorumque usum Ptolemæorum temporibus fuisse maximum, ut inde non minora modo opera, sed etiam Camerarum Stratorumque integra integumenta conficerentur.

PLINIUS addit ex Adule etiam *Sphingia* adferri, quod Animal in Musivo Prænestino Monumento occurrit adscripto ipso hoc nomine, ubi utique adeundus Clariss. BARTHELEMI x). PLINIO suffragatur AGATARCHIDES y) dicendo: *Sphyngeſ & Cynocephali & Cepi Alexandriam ex Troglodytarum ſolo & cetera Aethiopia transmittuntur.* Cum autem AGATARCHI-

P 2 DES

x) *Explication de la Moſaique de Paleſtine* pag. 41.

y) Pag. 50.

DES iste sub Ptolemæis vixerit, PLINIOQUE heic consentiat, patet me jure meritoque in tanta hujus materiæ obscuritate, PLINIUM, etsi Ptolemæis posteriorem, tamen in subsidium vocasse. Sphingia vero Cebi & Cynocephali sunt, Veteribus testibus, species Simiarum Troglodyticarum; solebant autem mercatores in magnatum divitumque gratiam Alexandriam singularia quædam commercii sui objecta afferre; sic Salomonis Classes advexere Psittacos, Pavones, imo etiam Simias 2).

APUD

2) Clar. *Barthelemi* loc. cit. qui de omnibus Simiarum Troglodyticarum speciebus, in illo Monumento occurrentibus, breviter & solidissime differuit.

Simiæ Salomoni advectæ dicuntur in Sacris Litteris *Kophim*, quod ipsum Ceborum nomen videtur, illud autem etiam in Coptorum Lingua superest.

APUD PLINIUM porro inter Aethiopicas Merces occurrunt *Mancipia*. Sic Auctor Peripli Maris Erythrei *a*), in duobus illarum regionum Emporiis ait rarius Mancipia comparari. (Σώματα σπανίως.) In Ptolemaeorum historia plus una vice Servorum mentio occurrit; illi a dominis profugi, PLINIO VI. 29. teste, Urbem

P 3 Adu-

a) Periplus M. E. 6. & 8. In Emporio Oponæ, ait ille, *Mancipia præstantia, quæ in Aegyptum plerumque devehuntur.*

Nescimus an prima origo Mancipiorum Aethiopicorum quærenda sit in spontanea illorum ad Servitutem aliquam benigniorem venditione; an in bellis in quibus victi captique fuere; an in crudeli tyrannide, quam Principes calidarum istarum regionum vetustissimis temporibus erga ignavos ac debiles subditos exercebant. In Aegypto tamen Servi eidem quo apud Græcos jugo, i. e. mitiori, expositi fuisse videntur.

Adulē condidere, illi forsitan ab istis Regibus in fodinis fuere adhibiti, quamvis ibi maledici potius, quam Servi operari solebant *b*).

Hoc denique loco operæ pretium est observare Romæ, primis Imperatorum temporibus, Aegyptios Pueros, Pantomimosque Alexandrinos fere in omnibus potentiorum domibus fuisse sustentatos, uti etiam Polyphagos, Nanosque, qui sine dubio ex Aethiopia in Aegyptum & inde Romam traducti fuerunt *c*).

HA-

b) Olim Servi plurimi ex Cappadocia veniebant & P. Euxini vicinia. In Cultu Cleopatrarum apud Lucanum X. 127. multorum fervorum, Eunuchorumque mentio occurrit ex variis regionibus adductorum.

c) Stanislaus Kobierzykius de Luxu Romanorum, in Thef. Grævii T. 8. 1341. sq.

His non inhæremus, quia testimonia recentiora sunt, & dubium videtur an sub

HACTENUS Aethiopiæ Merces ex PLINIO descripsimus, addemus nunc & alias ex PHILOSTRATO, is vero supradictis jungit *Aurum non Signatum*. Consentit PLINIUS VI. 29. qui in Troglodyticis Urbibus recenset Berenicen a Ptolemæo Philadelpho conditam, & ob auri copiam *Panchryson* nominatam *d*).

POSSEM heic Recentiores citare Abyssiniæ hujus metalli abundantiam tribuentes *e*); sed his utique præferenda loca AGATARCHIDIS, & DIO-

P 4

DORI

Ptolemæis magnum jam fuerit fervorum commercium, quod postea summopere crevisse videtur.

d) Urbis istius situm non determinamus, verosimile est illam esse inter Ptolemaidem & Adulas, errareque Harduinum, qui in *Zibit* vicinæ Arabiæ collocat.

e) Ludolfi Hist. Aethiop. I. 7.

DORI SICULI f); quorum prior sub Ptolemæo Alexandro, posterior sub Aulete vixit, & hac de re ita loquitur: *In confiniis Aegypti vicinæque Arabiæ & Aethiopiæ locus quidam magnis auri fodinis abundat, quod ingenti multorum hominum molestia & impensa congeritur - - Reges enim Aegypti damnatos ob maleficia, belloque captos - - in fodinas illas compingunt, tum ut pœnas de reis sumant, tum ut horum opera magnos sibi questus faciant g).*

HIS

f) Agatarchides 22.

Diod. Sic. 181. seq. L. 3.

g) Dissimulandum non est Agatarchidem innuere videri Fodinas illas jam suo tempore non amplius fuisse frequentatas; sed Diod. Sic. qui illum exscripsit, loquitur de iis, ut de re adhuc suo tempore obvia, unde verosimile est ultima Agatarchidis verba a Photio in Excerptis ipsi non fuisse addita.

HIS idem Auctor amplam, nobisque non tangendam, descriptionem addit fodinarum illarum & durissimi laboris, quem ibi operarii patiebantur.

PHILOSTRATUS quoque Mercibus Aethiopicis *Aromata* varia, diversasque *Herbarum Radices* annumerat *h*); consentit Periplus Maris Erythrei, ubi commemorantur Myrrha, Thus, plurimæ Casiæ species, Macir, Mocroti, Gizir, Asyphe, Mogla, Moto; ex quibus omnibus illa Unguenta conficiebantur, quorum idem PHILOSTRATUS heic mentionem facit *i*).

NEQUE silentio prætereundum est multos, eosque eruditissimos Recen-

P 5 tiorum

h) Celebre fuit Aethiopiæ Emporium, quod ab Aromatibus nomen habuit.

i) Harum Mercium plurimæ obscurissimæ sunt. Casiæ nomen forte antiquitus generatim adhibitum ad varia benefragrantia ligna indicanda.

tiorum Scriptorum, in ea versari opinione Aromata plura, quæ a Veteribus Aethiopiæ tribuuntur, ibi non natalia fuisse, sed ex India illuc traducta vel per Arabes, vel per ipsos Aethiopes, quod nos, cum res sit incerta, in medio relinquimus *k*).

HIS omnibus Aethiopiæ Mercibus Lapidēs variis pretiosi addendi *l*), qui ex illa regione peti solebant; veluti Topazii, Hyacinthi, Heliotropia, Carbunculi *m*), Magnetes, Marmora plurima pulcherrima, & præcipue Obsidianus

k) Idem sentiunt de multis pretiosis Lapidibus Aethiopiæ tributis. Conferenda sunt illa, quæ postea dicemus, de Mercibus Arabiæ tributis, quæ forsitan etiam Indicæ fuere.

l) Omittimus Linum Aethiopicum, de quo Philostratus, & quod Aegyptio vilius.

m) Solinus 379, qui ait: *Commercium cum Troglodytis habent Carbunculi Gemmae.*

dianus Lapis Aethiopiæ proprius, & a factitio illo distinguendus, qui in Aegypto ex vitro conflabatur, & de quo PLINIUS 36, 26. scribit: *In genere Vitri & Obsidiana numerantur, ad similitudinem Lapidis, quem in Aethiopia invenit Obsidius, nigerrimi coloris n).*

*Merces Aethiopiæ ab Aegyptiis
illatae*

RECENSITIS Aethiopiæ Mercibus unum illud superest, ut adhuc ostendamus, quasnam Merces Aegyptii cum Aethiopibus commutaverint; hocque eo difficilius videtur, quod hujus gentis historia luxurque sub Ptolemæis in obscuro lateat.

AETHIO-

n) Periplus Maris Erythr. 3. & Caryophilus in docta scriptione de Marmoribus Veterum.

AETHIOPIAE itaque illatas
 Merces enumerabimus ex Auctore Peri-
 pli Maris Erythrei o); illas præcipue
 citantes, quæ nostra spectant tempora.
 Is itaque dicit huic regioni inferri Ve-
 stes plurimas in Aegypto confectas vi-
 liores pretiosioresque, ubi nobis facile
 persuademus Ptolemæorum tempori-
 bus priores tantum fuisse venditas, ex-
 ceptis iis, quas Regibus Athiopie por-
 tabant, ut Commerciis suis faverent;
 nam, etsi Troglodytica ad Aegyptum
 pertinuerit, tamen in Aethiopia per
 hæc tempora semper Reges, iique
 nunc unus tantum, nunc plures mino-
 res in singulis provinciis fuere. Sic
 etiam Regibus Vasa ex argento auro-
 que eleganter elaborata, populo ænea
 aut vitrea afferebantur. Orichalchi
 Stannique parum & multum Ferri p);
 hoc

o) Peripl. M. Er. ab initio.

p) Merces ad communem vitæ usum, &

hoc enim metallo, illis ad venationem agricolationem, bellum, omnemque vitæ usum summe necessario Aethiopes destituebantur; inde etiam confectæ Lanceæ, bipennes, securesque adferebantur. Simul etiam Frumentum majori copia; Olei, vinique generosioris parum; nummi quidam aurei & argentei non pro ipsis Aethiopibus, sed potius in gratiam Mercatorum peregrinorum, qui ibi confederunt.

*Commercium Ptolemæorum cum
Arabia.*

EXPLICATIS Navigationibus & Commerciis Aegyptiorum Aethiopicis transeo ad illa, quæ exercuere cum Arabia Deserta, Petræa, & Felice q).
Par-

præcipue metalla, de quibus heic sermonem facimus, sunt omnium temporum.

q) Et si hæc Arabiæ divisio non videat-

Parva aut fere nulla cum prima, majora cum altera, longe maxima cum ultima instituere, quæ ceteras divitiis & amplitudine multum superat r).

J A M

tur ad Ptolemæorum tempora ascendere illam tamen, ut Recentioribus semper usitatam, adhibendam censuimus. Arabiæ partem, illam sine dubio quæ Aegypto vicina est, ad primorum Ptolemæorum regnum pertinuisse constat.

r) Mirandum est quosdam Veterum, multos Recentiorum, Commercia Arabiæ vix tangere, quæ tamen his temporibus, de quibus loquimur, & antea & post, maxima fuisse. Optime de hac re scripsit Judiciosissimus Garcinus in Additione ad auctiorem editionem Dictionarii Commercii a *Savari* vulgati, Tom. I. Edit. Genev. A. 1742. pag. 29. seq. De Arabum omnique Veterum Commercio consuli etiam potest, *A complete Collection of Voyages and Travels by John Harris.* London, 1748.

JAM ante Ptolemæorum tempora Arabes commerciis deditos fuisse ex indubiis probare possem Monumentis, nisi sic longius a proposita quæstione discederem; sub istis vero Regibus inter Arabiam Aegyptumque magnum intercessit commercium, ad quod illos invitabat commune vicinum utrisque Rubrum Mare, & Arabiæ Merces omnibus gentibus expetitæ. Huic commercio favens Ptolemæus Philadelphus Mare Rubrum Nilo junxit, viamque Copto Berenicen instauravit. *Nunc, inquit STRABO s), ex Albo Pago pars maxima mercium in Muris Portum, postea camelis Coptum Thebaidis transferuntur, indeque Alexandriam per Nili Fossam.* Hujus Commercii gratia Aristonem

s) Lib. XVI. 1. Ptolem. Philad. Arabiæ Urbem Rabbath restauravit, & de nomine suo Philadelphiam vocavit,

stonem misit, qui Arabiæ oras perlegeret describeretque *t*). Iste quoque Rex Arabes, Piratarum instar navigationes commerciaque sua infestantes, classe destruxisse videtur, qua de re sic habet DIODORUS SICULUS *u*): *Olim, Arabes, juste exigebant vitam, alimentis ex re pecuaria contenti, sed postquam Alexandrini Reges navigabilem mercatoribus Sinum reddidissent, non modo naufragis vim intulere, verum prædatoriis myoparonibus de aliis etiam nautis prædas egere - - Sed tandem trirenibus in alto pelago expugnati meritas dedere pœnas.* Et STRABO *x*): *Succedit*

t) Diod. Sic. Lib.III. pag.209. *Ariston ad explorandas Arabiæ Littoralis terras ad Oceanum usque a Ptolemæo missus.*

u) Lib. III. 210. Alii Arabum fuere Mercatores in Urbibus degentes, alii Nomades Piratæ.

x) Lib. XVI. 1123.

cedit Elaniticus Sinus & Nabathæa populosa sane regio, ac pascuis abundans. Insulæ ante hæc sitæ ab hominibus tenentur, qui olim quieti, postea ratibus deprædari cœperunt eos, qui ex Aegypto navigabant, sed pœnas dederunt classe adversus istos profecta, a qua fuerunt oppressi.

HÆC quidem non definitur quinam Ptolemæorum eos classe devicerit, nos vix dubitamus illud maximo-commercii hujus gentis fautori tribuendum esse, præcipue cum dicatur hoc accidisse Sinu Arabico sub Alexandrinis Regibus, id est Ptolemæo Philadelpho, frequenter navigari cœpto y).

SUB Ptolemæis Commercium Arabiæ magis adhuc, quam postea, ex-

Q cultum

y) Non modo in Mari, sed & in terra, commerciis omnem securitatem paravit Philadelphus, qui Aegyptum, teste Theocrito 15 & 17 prædonibus liberavit.

cultum fuisse videtur, nam cum ea tempestate minus, quam sub Romanis, in Indiam navigaretur, accidit ut in Felicis Arabiæ Emporiis, non modo Arabicæ, sed etiam Indicæ Merces cum Occidentalibus permutarentur. Huc facit sæpe jam nobis citatus STRABONIS locus z), qui ait: *Superiore sane tempore ne viginti quidem navigia in Arabicum Sinum transire audebant, ut extra fauces proras prospicerent, nunc maximas Classes usque in Indiam & extrema Aethiopiæ transmittunt.* Quæ verba egregie illustrat Auctor Periplus Maris Erythrei a), qui de Urbe Aden, Ἐυδαίμων, i. e. Felix vocata, sic habet: *Felix ideo - - est appellata, quod cum nondum ex India in Aegyptum navigaretur, neque ex Aegypto quisquam interiora Indiæ*

z) Lib. XVII. 1149.

a) Pag. 14.

*Indiæ loca petere auderet, sed consue-
tantum procederet, utrorumque tam
Aegyptiorum, quam Indorum merces ipsa
recipiebat b). Quemadmodum Alexan-
dria & externas merces, & quæ ab Aegy-
pto veniunt, suscipit.*

ANTEQUAM ulterius pergam
illustrandus est locus AGATARCHI-
DIS de Commercio Arabum sub Pto-
lemæis, ille vero sic habet c). *Nulla*

Q 2 *Sa-*

b) Nonnulli hunc locum accipiunt de
medio quodam tempore inter Ptolemæos pri-
mos, & Romanos.

c) Pag. 64. Alii vertunt: *Quidquid sub
calculum transportationis cadit*, in Græco est,
Πᾶν τὸ πίπτον εἰς διαφορᾶς λόγον.

Agatarchidem sæpe cito, hinc ob-
servandum est Dodwellum in doctissima scri-
ptione de controversa ætate istius opusculi,
præfixa Geographis Minoribus, probare, id-
que ex argumentis, ut videtur indubiis, Aga-
tarchidem libellum de Mari Rubro scripsisse

Sabæis & Gerrhæis opulentior hominum natio videtur, qui, quidquid pro sumptuoso habent Asia & Europa, dispensant. Hi auri ditissimam Ptolemæi Syriam fecerunt. Syria hæc, quam Arabum commercium locupletavit, & quæ Ptolemæo Philometori, de quo sermo est, subdita fuit, est Cœle Syria.

QUINAM præcise fuerint optimi & maxime frequentati Portus, quænam celebriora Arabiæ sub Ptolemæis Emporia, dictu difficile est; illi enim, qui de his scripsere recentiores sunt, & talia valde temporum lapsu immutari queunt.

INDE ab exitu freti Maris Rubri a PLINIO d), & Auctore Peripli Maris
ris

jam ætate provectum; idque ab initio Regni Ptolemæi Alexandri. Sed egregii istius Monumenti excerpta tantum exstant a Photio servata.

d) Plinius VI. 23. *Veniunt, Naves ex*

ris Erythrei recensentur *Muza*, *Ocelis*, *Arabia Felix*, *Cane*, *Sachalites Sinus*, *Syagros*, *Mofcha*, aliaque plura; ubi nobis observasse sufficiat ex iis, quæ supra de vario itinere Indico dicta sunt, constare sub Ptolemæis navigatores, littora propius legentes, ista Emporia Maritima, quæ longius extra Fretum *Babelmandel* sunt, sæpius adiisse, quam postea, cum altum petendo in Indiam tenderent; nunquam tamen illi hæc Emporia penitus neglexere, quia eorum mercatores ex vicina Persia, & ex Scythia merces illarum regionum repetebant, quod præcipue

Q 3 fiebat

Berenice, *Ocelin Arabiæ*, aut *Canen Thuriferæ Regionis*. Est & tertius Portus, qui vocatur *Muza*, quem *Indica Navigatio* non petit, nec nisi *thuris*, odorumque *Arabicorum* mercatores. Ergo tum temporis sæpe distincta & speciatim exulta *Navigatio Arabica* atque *Indica*.

ſiebat in *Cane e*); cujus incolæ cum Omanitis, & adhuc cum diſſitioribus Perſarum Scytharumque gentibus, imo & cum incolis ipſius Indiæ commercia exercuere. Sic recentiore tempore, cum penitus per altum navigaretur, Muzenſes freto vicini cum diſſitioribus, v. gr. cum Dioſcoridis Inſula negotiabantur, ut illius terræ merces Alexandrinis venderent, quæ omnia ex Auctore Peripli Maris Erythrei ulterius de-

e) Periopl. M. Erythr. pag. 15. 18. 19.

De Commercio Aegyptiorum Scythico & Perſico non dico ſpeciatiim, ſed illud in Mercibus Indicis & Arabicis comprehendendo, fuit enim penitus indiſſectum. Uti Arabes, ſic etiam multo magis Indi Barygazæ, non procul ab Indi fluvii oſtiis habitantes, cum Perſia, Scythia, Parthiaque commercia exercebant, quibus mediantibus harum regionum merces in Indiæ Emporiis Aegyptiis vendebantur.

deducere, nisi ejus testimonium, ut a Scriptore recentiore profectum, de nostra ætate nimis forte dubium videretur.

Merces Arabia.

UT vero pateat, quale fuerit Aegypti Commercium cum Arabia, merces perlustrabimus ex hac regione devectas, ut & illas, quæ eo ducebantur. Deserta Arabia, quod ipsum nomen testatur, commerciiis minime apta, & si loca quædam ad Sinum Persicum excipiamus, penitus destituta. Petræa quoque ex parte inculta; illa tamen, quæ Aegypto propior, fertilior quoque est. Felix Arabia agrorum fertilitate; metallorum pretiosiorum abundantia; camelorum, boum oviumque copia; odorum præstantia nulli cedebat regioni; merces suas, & Indicas, olim terrestri itinere per Mesopo-

Q 4 tamiam

tamiam Syriamque, maritimo prius cum Phœnicibus postea cum Aegyptiis commutabat.

De Arabico Metallorum Commercio
 sub Ptolemæis hæc habet AGATARCHIDES; qui sub istis Regibus scripsit *f*): *Aurum sane in crustosis terræ illius*

f) Pag. 59. & 60. Sermo est de Terra Alilæorum & Cassandrinorum, qui sunt populi Arabiæ ad M. Rubrum, Cassanitis vel vicini, vel permixti.

Jungendus Strabo 16. 1123. 1125. ac 1130. & ad Agatarchidem, quem præ oculis habuisse videtur, corrigendus.

De Auro olim ex Arabia advecto Ezech. 28. 23. quo toto capite, occasione commercii Tyrriorum, cujus destructio prædicitur, Merces Antiquorum recensentur; ubi videndi Commentatores, & præcipue horum princeps Grotius; conferenda etiam Quæstio 39. a Cl. Michaëlis Peregrinatoribus Danis proposita.

illius cuniculis ad magnam inveniunt copiam, non quale adhibita scientia & arte colliquescit e ramentis, sed sponte natum, quod Ἀπύρεν Græci ab eventu denominant; cujus portio minima non minor est olivæ officulo, media granum mespili adæquat, maxima cum nucibus regiis comparari meretur. Hoc perforatum inter lapillos pellucidos alternatim circa radices manuum gestant & colla; & ad finitimos translatum vili pretio vendunt. Aeri enim triplum, ferro duplum auri rependunt; & argentum auri decuplum valet. Modus enim æstimationis comparatur ad rationem abundantiae & raritatis g).

Q 5

HAEC

g) In tam vili auri pretio apud Arabes istud commercium Aegyptiis debuit esse utilissimum; an vero semper sic permanferit videndum infra, cum agetur de mercibus Arabiae illatis, ubi ulterius de isto Metallorum commercio.

HAEC pro more exscripsit DIODORUS SICULUS *h)*, qui AGATARCHIDEM tamen non sequitur in æstimationis pretio, dum ait: *Ut autem hoc metalli, auri, genere abundant, sic æris & ferri penuria laborant, propterea hæc æquali auri pondere cum mercatoribus permutant.* Sive quod AGATARCHIDIS narratio ipsi non omnem fidem mereri visa fuerit; sive potius, quia hæc Ptolemæi Alexandri tempore, sub quo AGATARCHIDES scripsit, alia fuere, quam sub Aulète, sub quo iste vixit *i)*; gente barbara longo cum Ptolemæis commercio tandem divitiarum

h) Lib. III. 213. De Copia summa Auri apud Arabes multa idem Diod. Sic. 3. 215.

i) Diod. Sic. de se ipso 1. 53. testatur se in Aegyptum venisse regnante Ptolemæo, qui novi Dionysi nomen usurpavit; is erat Auletes.

rum suarum pretia paulo magis cognoscente.,

NON minus divitiarum Arabes in *Aromatibus*, quam in auro suo habuere, de quibus Mercibus, huic regioni, juxta Veteres, fere propriis, nunc dicendum. AGATARCHIDES sub Ptolemæis hac de re sic scripsit *k*). *Ad ipsas littorum crepidines largum nascitur Balsamum & Casia, longe alia, quam alibi habetur - - In mediterraneis frequentes & magnæ se attollunt silvæ; nam arbores præcelsæ Myrrhæ & Thuris, nec non Cinnamomi & Palmæ, & Calami, (Aromatici) & id genus aliorum exsurgunt.* Et idem Auctor alio loco

k) Pag. 61. Sermo est de Sabæorum regione omnium fertilissima, ditissimaque.

Conferantur Cl. Michëlis Quæstiones Peregrinat. Danis propositæ N. 29. 91.

l) Pag. 64.

co l): Porro cum nulla Solum hoc alia ferat ligna ad usus quottidianos Cinnamonum & Casiam urere, & ad ceteros vitæ usus adhibere necesse habent.

SIC quoque STRABO m): Apud hos, Sabæos, Thus & Myrrha & Cinnamonum nascitur, in ora etiam Balsamum.

SUPRACITATIS Aromatibus Plantisque pretiosis Arabiæ alii addunt Aloës ligna odorifera n), quamvis hæc præcipue ex India peterentur. Subjungunt

m) Pag. 1124. idem pag. 1129. de Regione Aromatifera. Conf. Beckerus de Myrrha Jenæ 1676.

n) Periplus M. Erythr. 16. Clar. Michaëlis Quæst. 43.

Origo Patria, accurataque descriptio præstantissimi genuini Agallochi Veteribus defuit, nec nobis probe cognita, quod etiam de arboribus Santalina Ligna præbentibus, fatendum est. De illa quoque, quæ Myrrham fundit, nondum rite constat.

jungunt etiam Ladanum o); & præcipue fructum Larimna p); de quo hæc habet AGATHARCHIDES p.64. *Vehunt, Sabæi, cum alia, tum fructum odoratum maxime, in.ultiore terra natum, Arabice Larimna dicitur, maxima inter cetera thymiamata fragrantia præditus est.*

JAM vero notandum est Aromata ista fere soli tribui Arabiæ q); nam
quam-

o) Plinius XII. 7. Herodotus Thalia : *Arabia, - - in qua sola omnium nascitur Thus, Myrrha, Casia, Cinnamomum, Ladanum.*

p) Strabo 1124. *Nascitur in Sabæis Larimnum suffitu odoratissimum.* Alii addunt Gummi Arabicum, sed hoc ipsa quoque Aegyptus habuit. Hasselquist 514. Et Plinius 13, 9. Sic Mel & Ceram Aegyptii ab Arabibus non sumserunt, quia ipsi hanc Arabiæ mercem possidebant, idque in magna copia.

q) De singulorum istorum Aromatum natura & patria, ex mente antiquorum &

quamvis nonnulla etiam ex aliis regionibus & præcipue ex India peterentur, tamen Alexandrini longe maximam illorum copiam hauriebant ex Felice Arabia. Thuris Myrrhæque summus in Sacris usus; horum pariter ac ceterorum Aromatum multum in luxu Veterum impendebatur *r*). Sed nulla regio,

Arabum, consulendus Olaus Celsius in Hierobotan. Multi autem ex recentioribus, & ut videtur non sine ratione, Cortices Aromaticos Arabiæ denegant, putantque sordidissimos Arabes propterea de eorum natali solo tot fabulas excogitasse, ne constaret illos eos ex India petere, & cum maximo lucro vendere, quod præcipue de Cinnamomis, Cassiis, Calamis Aromaticis, obscurissimis Veterum mercibus, verum esse volunt; idem etiam sentiunt de Auro Arabiæ.

r) Multus Cinnamomorum, Cassiarum, Thurisque usus in Unguentis Antiquorum pretiosis. Conferri queunt Martinelli de Amo-

regio, magis quam Aegyptus, illis opus habuit ad Balsamationes suas. Videmus hinc in Sacris Litteris Ismaëlites jam talia Aegypto adferentes s). Hæc vero conditura sub Ptolemæis adhuc in usu fuit; illam, ut suo tempore adhibitam, describit DIODORUS SICULUS t), qui ad finem Regni istius vixit. Juxta istum itaque Auctorem, ut & secundum HERODOTUM u), in Condimentis, præcipue pretiosioribus, ad-

mo & Calamo Aromat. Schenckius de Cinnamonomo, Jenæ 1670.

s) Genes. 37. 25.

t) Lib. I. 110. Vix ac nevix mutantur hominum consuetudines circa sepeliendi modum, præcipue, si uti apud supersticiosissimos Aegyptios in Religione, imo forte etiam in civilibus fundantur principiis.

u) Lib. 2. pag. 135. Ed. H. Steph. Isti Scriptores tres modos Balsamationis describunt, sed videntur multo plures fuisse.

adhibebantur Odores , Aromataque contusa plurima, nominatim vero Myrrha pura, Casia, Cedria, & Glutinis loco parum illius Gummi, quod vocant Arabicum. Hæc materia obiter mihi fuit tangenda, quia ditiorum hominum, & splendida ac vefana Sacrorum Animalium sepultura, magnam Arabicarum Mercium consumebat copiam. Ceterum de tota hac re consulendi Illustr. Comes DE CAYLUS & Clariss. ROUELLE, qui illam egregia luce donarunt x).

PROGREDIMUR ad *Lapides Pretiosos & Marmora Arabiae*, quæ non
mi-

x) *Hist. de l'Académie R. des Inscript.* XXIII. 119. *Mémoires de l'Acad. R. des Sciences* 1750. pag. 123. sqq.

Aegyptii pro Thecis Mumiarum habebant optima Sycomori Ligna, nulli fere destructioni per immensos Sæculorum decursus obnoxia, sed præter hæc paucissima alia.

minima in commercio illius regionis fuere. Tradit itaque STRABO *y*) in Aurifodinis Arabiæ nasci Smaragdum & Beryllum. PLINIUS *z*) etiam inter Gemmas & Lapidés Arabiæ refert Opalos, Sardonyches, Topazios, Cal-lais, Amethyſtos, Hyacinthos viles, Achates, Molochites. Idem Auctor, ut & DIODORUS SICULUS, & Au-ctor Peripli *a*), Lygdum, ſeu Lygdi-num Arabiæ Marmor inter merces il-lius regionis recenſet. Ad pretioſiſſi-

R ma

y) Pag. 1125.

z) Lib. 37. De Lapidibus Pretioſis Ve-terum, quæ materia obſcuriſſima eſt, & præ-cipue de iis, qui Arabiæ tribuuntur, optime egere Clar. Michaëlis in Quæſtionibus erudi-tis Danis propoſitis num. 97. 98. 99. Braunius de Veſt. Sacerd. & nuperrimi Editores Theo-phraſti de Lapid.

a) Pag. 14. Conf. Caryophilus de Anti-quis Marm. 125. de Albo Marmore Arabiæ.

ma Arabiæ quoque pertinent Margaritæ, quas Arabes, Sinum Persicum incolentes, in alia Emporia detulere, & ibi vendidere *b*). Post Adamantem vero primum Margarita locum tenuit, de cuius vario pretio apud Veteres confundendus est SALMASIUS in SOLI-
NUM.

MERCIBUS Arabiæ etiam possunt annumerari Testudines, & Cinnabari Veterum, quod erat Sanguis Draconis, ex Dioscoridis insula præcipue petatum *c*).

Merces

b) Periplus XX. 20. *Os Maris Persici, ubi plurimæ sunt Ostrei Pinicii (Margaritarum) Piscationes.* Optimæ Margaritæ Veterum fuisse Indicæ. Hodie adhuc in Sinu Persico dives unionum piscatio est. Ex ipsis margaritiferis conchis Antiqui aliquando, rarius tamen, splendidiore elaborabant opera.

c) Minium Nativum Antiquorum idem videtur quod nostrum Cinnabari; aliquando

Merces Arabiae illatae.

N U N C dispiciendum quænam Arabiae illata fuerint pro comparandis illorum mercibus, in qua difficili Quæstione optimum factu videtur Veterum loca, quæ lucem aliquam præbere possunt, adscribere, & paucis quibusdam commentariis illustrare. Sic itaque hac de re scribit AGATHARCHIDES d): Arabes - - *magnos impendunt sumtus non solum in Toreumata & Sculpturas admirabiles & poculorum varietatem.* Hunc exscripsit DIODORUS SICULUS e), qui ait: *Arabes in commerciis, quando aliquid distrahunt, pro exi-*

R 2

gui

tamen Minii nomen apud Veteres latius adhibetur de colore miniaceo artificiali. Conf. *Receuil d'Antiq. de M. le Comte de Caylus* T.IV. 224.

d) Pag. 65.

e) Lib. III. 215.

qui ponderis merce plurimum auferunt pretii, præ omnibus, qui argentum rebus suis commutant. Ideoque cum per omnium memoriam, propter longinquitatem situs, in nullius unquam potestatem venerint, aurique & argenti copiae quasi circumfluant, maxime Sabis, ubi regia illis sedes, Toreumata omnis generis & ex argento auroque pocula, lectos etiam, & tripodes argenteis fulcris - - possident.

JUNGENDUS PLINIUS f): *In Univerſum gentes ditiffimæ, (de Arabibus)*

f) Lib. VI. 28. De ſuo quidem tempore loquitur, ſed valde probabile eodem modo eos etiam antea commercium exercuiſſe, vel forte adhuc minus mercium ab aliis accepiffe, ea enim, quibus gens putat ſe opus habere, ſemper creſcunt, potius quam decreſcunt. Quoad Auri tamen commercium res ſe aliter habuiſſe videtur, ut ſupra probabile reddere tentavimus, ex comparatione Agatarchidis cum Diodoro Siculo, quæ Sectio conferenda,

bus) ut apud quas maximæ opes Romanorum, Parthorumque subsistant, vendentibus quæ e mari aut Syria recipiant, nil invicem redimentibus.

CONSENTIT STRABO g): Aetium Gallum Augustus Cæsar in Arabiam misit, ut eas gentes & loca perlustraret. - - Audiverat eos jam inde a multo tempore ditissimos esse h), qui auro & argento & pretiosis lapidibus aromata permutarent, & nihil in res aliunde impenderent.

ALITER paululum *idem Auctor i), dum ait: *Quædam indigena sunt,*

R 3 Ara-

quia alias hæc fere aperto fronte cum illis pugnarent.

g) Pag. 1126.

h) Hoc ipsum probat antiquitatem Commercii illorum sub Ptolemæis. Conferendus Plinius Lib. XII. cap. 18.

i) Pag. 1130.

Arabibus, Aurum, Argentum, & plurima ex Aromatibus. Aes, Ferrum, & Vestes Purpureas, & Styracem, & Crocum, & Costum, & Cœlaturas, & Signa, & Tabulas aliunde habent.

PATET ex his omnibus Commercium Arabicum, præcipue Felicis Arabiæ fuisse tale, ut Aromata vel sua, vel aliunde acquisita, peregrinis majore venderent pretio, parumque exterarum rerum compararent, unde sibi aliorum divitias attraxere; exceptis nonnullis mercibus, quas nunc ex scriptoribus jam citatis, & ex Periplo Maris Erythrei *k)*, proferam, qui cum iis consentit Auctoribus, qui sub Ptolemæis scripsere.

SUMEBANT itaque Styracem, sed hunc non per Ptolemæorum Negotiatores, verum ex Syria habuere

k) Pag. 13. 14. 15.

buere *l*); ab iisdem sumserunt praestantes Equos pro Regibus suis. Ab Indis Crocum, Othonia, ab Aegyptiis praeter Pecuniam *m*), Abollas, Lodices; ex Lino illorum fabricatas Vestes; alias pretiosiores operis quoque Aegyptii; parum vini, ac parum frumenti. Ab iisdem habebant etiam alienas Merces per Alexandrinorum commercia adventas, quibus annumeramus Stannum,

R 4 Aes,

l) Plinius XII. 17. *Arabes ex Syria revehunt Styracem.* Nemini dubium esse potest heic non de Liquido Styrace (Storace) sed de Lacrymis benefragrantibus Styracis arboris sermonem esse; quod Harduinus non animadvertisse videtur; Plinius arborem cotoneo malo comparans nullum controversiae locum relinquit.

m) Sub ultimis scilicet Ptolemæis multum fumebant pecuniae; sub prioribus illud commercium Aegypto utilius, cum Auri magnam inde asportarent copiam.

Aes, & præcipue Ferrum ⁿ⁾), Purpuram, Vasa egregia, cœlata opera, elegantes statuas; quamvis de illustribus istis Artificum operibus, in quæ Arabes multas summas impendebant, dubitari queat, num Aegyptii omnia a Græcis hauserint, & an non potius, artibus sub Ptolemæis in Aegypto florentibus, multa ibi conflata fuerint.

SECTIO III.

DE COMMERCIIIS ET NAVIGATIONIBUS PTO- LEMAEORUM IN MARI MEDITERRANEO.

Nunc explicatis Navigationibus
& Commerciis Aegyptiorum per Mare
Rubrum Oceanumque institutis de illis
disqui-

ⁿ⁾ Vide Quæst. 39. a Clar. Michaëlis Peregrinat. Danis propositam.

disquirendum, quæ in Mediterraneo Mari faciebant. Si Recentiores heic evolvo video illos pauca hac de re memoriæ prodidisse. Eques D'ARC, qui ingeniosam Historiam Commericii conscripsit, de hac materia sic loquitur o) : *Malgré les Ports des Egyptiens dans la Méditerranée le Commerce d'Occident se bornoit pour eux à la Grèce, & à la Basse Asie, les Carthaginois étant en possession de tout le reste.* Eodem fere modo judicat Clar. MELOT p),

R 5

Com-

o) *Histoire du Commerce.* Tomo 2. 59.

Præter hunc Auctorem, ac sæpius laudatum Huetium, de Commercio Veterum legi merentur ea, quæ Rollinus in singulari sectione antiquæ historiæ, ac Scriptores Breslavienses Hist. Univ. Commerciorum Navigationumque, hac de re vulgaverunt.

p) *Mém. de l'Acad. R. des Inscriptions & B. L. XVI. Sur les Révolutions du Commerce des Isles Britanniques* pag. 160. Sic jam sen-

Commerciorum Veterum peritus enarrator, qui putat destructa Tyro Aegyptios occupasse illam Commercii eorum partem, quam faciebant in Oriente; Carthaginienses vero eam, quam Tyrii in Occidente exercebant.

QUAE vero laudati Auctores de Occidentis Commercio sub Ptolemæis heic memoriæ prodiderunt, illa Veterum

serat Huetius in *Hist. du Comm.* p. 305, qui ait : *Il est vrai, que Ptolémée Philadelphic ne negligea rien pour faire fleurir en Egypte le Commerce d'Orient, & celui d'Ethiopie & de la Troglodytique ; mais on ne voit point, qu'il ait pris un soin particulier du Commerce, qui se faisoit au nord & au couchant ; il semble, que son application se soit bornée aux commodités, que l'Egypte tiroit de ces Marchandises d'Orient, & au profit, qui lui en revenoit, quand il les avoit fait conduire à Alexandrie, pour être distribuées de là dans la Mer Méditerranée, sans qu'il paroisse qu'il se soit appliqué au détail de ce debit.*

rum nituntur monumentis, & magis adhuc silentio istorum de Occidentis Commercio; de illo enim, cui Aegyptii in Oriente operam dabant, ubique loquuntur, nullibi fere de altero; ex quibus non certo quidem, verosimiliter tamen, patet Aegyptios ex Oriente in suam regionem advexisse ejus divitias, illas vero, quæ superfluæ iis fuerunt, una cum telluris suæ mercibus Alexandriæ venundasse *q)*; expectavisseque donec naves Græciæ, aliæque, Orientis mercibus inhiantes, quæ illo tempore summam luxus Veterum partem absolvebant, illas apud se quærent, & Occidentalibus mercibus compararent, quibus & pro se, & pro suo Orientali commercio opus habuere. Navigationes Orientis tutiores, divitiarum

q) De Carthaginiensium Navibus, quæ venerunt Alexandriam, infra dicendum erit.

rum fecunda mater, fere solis relictæ fuere Aegyptiis. Illæ, quæ in Mari Mediterraneo fiebant, ob plures rationes minus securæ, qua propter illis se non dedere Aegyptii; quamvis enim præcipue priores ex Ptolemæis in Mari Mediterraneo naves haberent plurimas, tamen illis non sæpe utebantur ad exportandas merces, sed ad tuendas sibi subditas regiones, & naves, non suas, sed exteras commercii causa Alexandriam appellentes.

ANTEQUAM vero ulterius pergam heic citanda sunt loca THEOCRITI de Ptolemæo Philadelpho ad rem præsentem maxime facientia ^{r)}; dicit itaque de Rege isto:

Πολλᾶς δὲ κρατέει γαίης, πολλᾶς
δ' Θαλάσσης.

Et

^{r)} Idyll. XVII.

Et iterum:

- - - Θάλασσα δὲ πᾶσα καὶ αἶα

Καὶ ποταμοὶ κελεύδοντες ἀνάσσονται

Πτολεμαίῳ.

HAEC intelligenda sunt de Mari Lycio, Pamphylio, & quod interius est reliquo; ad illud enim spectat Imperium Maris Ptolemæo Philadelpho tributum. Qua occasione animadvertendum Veteres de imperio Maris, & præcipue istius, de quo nobis sermo est, sæpe loqui s); Recentiorum autem multi id capiunt, si ita loqui fas est, de dominii jure per occupationem acquisito, quæ est sententia SELDENI, VOSSII, aliorumque; sunt ab altera parte Eruditi, qui id intelligunt de dominio in

s) Consulendi sunt præ ceteris Cl. Seldenus de Mari Clauso, seu de Dominio Maris; & Cl. Melot, in *Mémoires de l'Acad. R. des Inscr. & B. L. T.* 23. p. 152.

in majori fortiorique tantum navium copia, indeque orta violentia, fundato, quorum opinioni nos quoque accedimus. CASTOR RHODIUS, cujus fragmenta EUSEBIUS servavit, Maris imperium sequentibus tribuit gentibus, Cretensis, Lydiis, Pelasgiis, Thracibus, Rhodiis, Phrygibus, Cypriis, Phœnicibus, Aegyptiis sub Psammide & Bocchoride, Milesiis, Caribus, Lesbiis, Phocœensibus, Corinthiis, Jonibus, Naxiis, Eretrienibus, & Aeginetis *t*).

Sed redeamus ad propositum, ut videamus de præcipuis harum regionum urbibus, quæ cum Ptolemæis
com-

t) His non immoramur, quia certo nobis constat Castorem gentes, quæ dominium Maris habuerunt, non eo, quo debuit, ordine enumerare, nec iis, quibus conveniebat temporibus, tribuere.

commercio fuere junctæ, sic ut in Portubus illorum Mediterraneis Merces & Aegyptias & Aethiopicas, & Arabicas, & Indicas, peterent. Dolemus ob materiæ summam difficultatem nos fere nihil præter conjecturas, easque ne quidem in ordinem digestas, exhibere posse. Dolemus nos multa asserere, quæ non disertis nituntur Scriptorum Veterum locis, sed quæ potius confideranda sunt, ut propositiones ex collatione plurium antiquorum Auctorum erutæ.

*De Commercio Aegyptiorum sub
Ptolemæis cum Græcia & Minore
Asia. Rhodus.*

ORDIAMUR ab Insulis Maris Mediterranei Aegypto vicinis, inter quas ex primis numeranda utique *Rhodus*, a natura ad Commercia Navigationes.

tionesque condita, cum fere æquali intervallo ab Aegypto Euxinoque Ponto distaret *u*).

ISTA itaque Urbs magna & magnifica post obitum Alexandri M. iterum libera nullis se voluit dissidiis, nullis bellis implicare, studuitque ut cum omnibus Principibus amicitiam coleret *x*). Pendebat tamen animo ad Ptolemæum hujus nominis primum, fœderatum suum, qui ipsis Aegypti Portus aperuit, teste DIOD. SICU-

LO

u) De Rhodiorum imperio Maris & navali peritia videndus præ ceteris Meursius in Rhodo 54. Jungendus Aristides in Orat. Rhodiaca, qui etiam navium ex Aegypto Rhodum redeuntium mentionem facit.

x) Sic facere debent gentes, quæ commerciis vivunt; sic semper egere Rhodii, donec se Romæ, ut commercia non exercenti Urbi jungentes, libertatem perdidere.

LO y), qui ait: *Rhodii juncti cum omnibus Dynastis amicitia, ne cui jure secum expostulandi ansam praeberent sedulo cavebant; animis tamen ad Ptolemæum magis inclinabant, nam maximam commodorum suorum partem z) ex Aegypto per mercatores eo commeantes accipiebant, totaque adeo civitas illius regni opibus alebatur.*

SED Antigonus Rhodi auctoritatem, peritiam in navalibus, propensionemque ad Ptolemæum sentiens, omni cura illius incolas ab eo avertere conatus est; verum ipsi semper resistere, unde damna multa & haud levem obsidionem perpeffi sunt, quæ, cum per

S annum

y) Lib. X. pag. 464. Addendus Plutarchus in Demetr. 28. T. 5. Ed. Aug. Briani.

z) Sequimur Versionem Vulgatam; in Græco est *προσόδων τὰς πλείους*, Proventus, redditus, emolumenta.

annum integrum durasset, tandem cum Demetrio Antigoni filio pacem fecere a), his conditionibus, *ut socii Antigoni forent & Demetrii præterquam contra Ptolemæum.*

V I D E M U S in toto hoc negotio gentem commercia & quidem illa, quæ cum Aegypto exercebat, semper præ oculis habentem. Loco autem D I O D O R I S I C U L I nunc citato & alter videtur jungendus, qui sic habet: *Antigonus quendam e legatis suis jusserat classem in eos, Rhodios, ducere, cum mandatis, ut ex Rhodo in Aegyptum navigantes direptis mercibus abstraheret b).*

Ex

a) Notissimum est hac occasione Ptolemæum illis auxilium ferentem Soterem fuisse cognominatum, & summos apud illos honores meruisse. Plutarchus & Diod. Sic. locis citatis; *Barbeirac Histoire des Anciens Traitez* T. I. Art. 3.

b) Ptolemæus Philopator erga Rhodios

Ex his intelligitur Rhodios non expectasse naves Aegypti merces ad se adferentes, sed, ut erant nauticae rei periti, ipsos Aegyptum adiisse, ibique suas cum peregrinis mercibus permixtasse. Quænam autem mercimonia Aegypto hac tempestate, de qua sermo est, per vicinos Rhodios illata, & quænam inde fuerint reportata, certissime definiri nequit. Verosimile est illos ex Aegypto omnes fere ejus regionis proprias merces exportasse, & præcipue frumentum, quo propterea opus habuere, quia Insula illorum parva fuit, & magna hominum copia referta. Huc nos ducere videtur nunc laudatus **D I O D O R U S S I C U L U S**, dum ait, καὶ τὸ σύνολον τρέφεσθαι τὴν πόλιν, (Rhodum), ἀπὸ ταύτης τῆς Βασι-

S 2 λέας.

se maxime liberalem ostendit destructo per terræmotum Colosso illorum.

λείας. (Aegypto) *c*). Cum vero Com-
merciis valde dediti fuerint non modo
merces Aegypti sibi necessarias in illius
emporiiis acquirebant, sed etiam illas,
quas Aegyptii ex Oriente ductas Ale-
xandriæ Occidenti vendebant. Red-
debant autem Aegyptiis, nisi fallor,
ex mercimoniis regionis suæ Ficus,
Glutinum, Picem & Cerussam; ex ope-
ribus artificum suorum celebriorum
Picturas, Vasa, Signaque multa *d*).
Reddebant iisdem præter merces re-
gionis suæ & alias, quas per commer-
cium suum Occidentis acquirebant, il-
lud enim fuit valde extensum; ejus
gratia in Hispaniam, Siciliam, Lyciam,
Cariam, Joniam, aliasque plures regio-
nes

c) Rhodii etiam ex Sicilia frumentum
petebant. Polybii Legat. 893. Edit. Casaubo-
ni Parif. 1609.

d) Meurfii Rhodus 75.

nes colonias misere *e*). Et sic accidisse videtur, ut sub Ptolemæis Aegyptii maximam peregrinarum Occidentalium Mercium copiam a vicinis amicisque Rhodiis acciperent, quibus contra & suæ regionis & totius Orientis merces Alexandriæ vendebant.

SED antequam ulterius pergam expendendus mihi est penitus singularis locus AMMIANI MARCELLINI *f*), qui ad Commercia & Navigationes Ptolemæorum pertinet; ille vero sic habet: *Insula Pharos - - a civitatis Alexandriae littore mille passibus*

S 3 *dispa-*

e) Meursii Rhodus 57. A vero alienum non videtur Ptolemæos etiam quasdam suarum navium in vicina amicaque Rhodo construi curavisse, cum hæc peritiam & ligna habuerit; his usibus aptissima, Aegyptus autem fere nulla. Hodie adhuc Rhodus lignum & naves Aegypto exhibet.

f) Lib. XXII.

disparata Rhodiorum erat obnoxia vectigali. Quod cum inde quidam nimium quantum petitori venissent, femina, Cleopatra, callida semper in fraudes, solennium specie feriarum, iisdem Publicanis secum ad suburbana perductis, opus jusserrat irrequietis laboribus consummari, & septem diebus totidem Stadia molibus jactis in mare, solo propinquanti terræ sunt vindicatæ. Quo cum vehiculo ingressa, errare ait Rhodios, Insularum non continens portorium flagitantes.

SI hæc vera essent sequeretur Rhodios Pharum ante Alexandriam, uti Insulam, sibi habuisse vectigalem, idque sub Ptolemæis, donec Cleopatra illud eluderet Pharum urbi sic jungendo, ut jam non amplius Insula, sed continens esset. Sunt in hac narratione non pauca, quæ fidem mereri videntur; alia, quæ nullam. Rhodios plurimas

rimas vicinas Infulas sibi subditas habuisse liquet ex PLINIO g); notum est porro illos Maris Imperium etiam tenuisse. Imo Cleopatra, etsi Pharum non extruxit, ut inepte volunt nonnulli, tamen illam per Heptastadium urbi junxit mole perpetua, cum antea per pontes esset interrupta communicatio h)).

SED an ab altera parte verosimile est Philadelphum & Evergetem Primum, magnos illos maris dominos, permisisse, ut Pharus ante Alexandriam in Commerciorum suorum gratiam egregiis monumentis exornata, Rhodo vectigal penderet; nisi forte dicere velimus Rhodios demum post istos Reges hoc jus, quod usque ad

S 4

Cleo-

g) Lib. V. 36. Veterum testimonia de hac re sedulo congeffit Meursius Rhodi I. 53.

h) Vossius ad Melam Lib. 2.

Cleopatram possederunt , accepisse i).

Cyprus.

Cypri quoque nomen in illis Insulis numerandum, quæ commercio cum Ptolemæis junctæ fuerunt. Cyprus Aegypto maxime vicina ad istud regnum sub Ptolemæis pertinuit , inde a primo nominis istius Rege usque ad Auletem k), sub quo Romani illam injuste

i) Constat ex vetustis Scriptoribus Rhodios Piratas ad commune Commercii bonum suis sumtibus delevisse , an forte inde Phari incolæ, vicinæque Insulæ, ipsis hac de causa vectigal solvebant, eodem fere modo quo Melitenfes a nobis tributa accipiunt. Sed nullius momenti sunt tales conjecturæ sine Antiquorum testimonio.

k) Monum. Adulit. & Strabo 13. 1003.
Ab eo tempore, quo Ptolemæi Reges Aegyptum obtinuerunt, Cyprus quoque in eorum venit potestatem.

juste arripuerunt; postea pro brevi tempore Aegyptiis reddita de novo in Romanorum ditionem redacta est. Sed non nostri nunc argumenti videtur Cypri variam hac ætate fortunam perlustrare, de solis enim quæritur commerciis. Non legimus quidem sub Ptolemæis hanc gentem illis valde deditam fuisse *l*), dubitari tamen nequit Reges hos ex ista regione sibi subdita, silvisque referta *m*), naves construere curavisse; indeque exportasse vini oleique parum, Styracem, Unguenta varia, Lapidem quosdam pretiosos, Cadmiam *n*);

S 5 præ-

l) Habuerunt aliquando Imperium Maris, ut suo loco vidimus, ex quo & divitias acquisivere; sed hæc non ista spectant tempora.

m) Strabo XIV. De Silvis Cypri ad naves conficiendas aptis.

n) De his Mercibus Cypriorum Meur-

præcipue vero multum Aeris Cyprii & pro se, & pro exteris, quod etiam nonnunquam cum argento miscere solebant o). Mediante itaque hac Insula, uti ope Rhodi; Aegyptii Orientis merces cum Occidentalibus permutasse videntur.

Creta, aliæque Insulæ Maris Cretici, Icarii, atque Aegci.

QUAMVIS *Creta* non multum ab Aegypto distaret, atque variarum mercium copia referta esset, non videmus tamen Ptolemæos cum illa commercia majoris momenti exercuisse p). Antiquissimis

fius in Cypro L. 2. c. 1. De optima Cadmia Cypria præcipue Plinius 34. 10.

o) Plinius 32. 9.

p) Ptolemæi Philopatoris cura, etsi inutilis, in ædificandis muris Gortynæ, urbis

quissimis temporibus Cretenses Maris Domini fuere, illis autem, de quibus loquimur, Piratae potius quam Commerciorum fautores; milites magis, quam negotiatores, navigatoresque.

TRANSIMUS ad alias *Insulas Maris Cretici, Icarii, atque Aegei*, quarum multae, praecipue primis Ptolemaeorum temporibus Aegypti Regibus fuere subditae, teste THEOCRITO q); qui de Ptolemæo Philadelpho ait:

*Et quidem Phœniciae partem obtinet
& Arabiæ,*

*Et Syriae, Lybiaeque, nigrorumque
Aethiopum,*

Pam-

Cretae, ostendit ejus cum hac Insula societatem. Strabo pag. 732.

Benjamin Tudel. scribit, & non persuadet, Aegyptios aliquando Cretam tenuisse; fuit tamen vetustissimo ævo communicatio inter has Gentes, quod Labyrinthus & multa probant alia.

q) Idyll. XVII.

Pamphyliis vero & bellicosiss Caribus;

Atque Insulis Cycladibus.

ET MONUMENTUM ADULTANUM de Ptolemæo Evergete I. ait: *Accepto a Patre, Philadelpho, Regno Aegypti, Lybiæ, Syriæ, Phœniciæ, Cypri, Lyciæ, Cariæ, Pamphiliæ, & Cycladum Insularum r).*

QUAENAM Insulæ proprie heic per Cyclades intelligantur dictu est difficile, aut potius impossibile; dissentit in illis enumerandis a STRABONE ARTEMIDORUS, ab utroque SCYLAX, & ab istis PLINIUS. Consentiunt tamen omnes Delum illarum fere esse centrum. *Delos*, ait CICERO s),
quo

r) Ex eodem monumento constat Evergetem huic imperio in istis oris adjecisse Joniam, Hellespontum, Thraciam.

s) Pro Lege Manil. 18.

quo omnes undique cum mercibus atque oneribus commeabant, referta divitiis.

STRABO *t)* quoque multis de Urbis istius commerciis loquitur, quæ præcipue auctæ fuerunt, destructis Carthagine & Corintho. Hæc vero Insula Commerciis valde dedita, & cum ex Cycladibus esset Aegypto sub primis Ptolemæis subjecta, sine dubio Servos & Aes suum cum mercibus Aegypti Orientisque commutabat, quod etiam fecisse videntur ceteræ Aegei Maris Insulæ celebriores, Melos, Cimolus, Siphnus, Seriphus, Naxus, Cythnus, Tenos, Chios, Lesbos *u)*, & Samos
fer-

t) Lib. XIV. 985. X. 744.

u) Hæ sunt præcipuæ Merces istarum Insularum: Melos præbebat Vinum & Ferrum, Cimolus Argentum, Siphnus Plumbum, Seriphus Ferrum, Naxus Vinum, Cythnus Cafeos, Tenos & Lesbos Vinum, Chios Vi-

fertilissima, cujus incolæ jam vetustis temporibus commercii causa in Aegypto navigaverunt x).

Hac arrepta occasione mentio facienda est Græcorum illorum, qui ex Insulis æque ac vicino continente jam ante Ptolemæorum tempora in Aegypto confidentes commercia exercuere, quia veri non caret specie Alexandria, veluti Orientalium mercium centro constituta, illos commercia sua cum gentibus, ex quibus exierunt, adhuc auxisse. Sub Psammetycho itaque Græcorum in Aegypto fautore Cariï Jonesque ibi sedes fixere y). Postea autem

num & Mastichen, quam ipsa Aegyptus habuit, sed viliorem.

x) Herodotus L. 2. p. 180. L. 4. p. 310.

y) Diod. Sicul. pag. 78. *Primus certe Aegypti Regum, Psammetychus, gentibus aliis regionis imperia patefecit, magnamque navigatoribus exterorum securitatem præbuit.*

autem sub Amasi, magno non modo Græcorum sed & Comerciorum amico, plures Græci Negotiationes in Aegypto exercentes ab hoc Rege beneficiis excepti sunt, de quibus hoc testatur HERODOTUS 2), *Amasis porro, quoniam Græcorum erat studiosus, cum alia in quosdam Græcos officia contulit, tum iis qui in Aegypto considerunt, facultatem Naucratin Urbem incolendi; qui vero illorum nollent illic habitare, sed navigando negotiari, iis fecit potestatem certis in locis aras & fana exstruendi; & maximum quidem eorum sanum atque celeberrimum vocatur Græcum. Civitates autem, quæ communiter illud extruxerunt, sunt Jonum quidem Chius, Teus, Phocæa, Clazomenæ; Dorum autem Rhodus, Cnidus, Halicarnassus, Phaselis; Aeolum vero una Mytilene. Harum Civitatum*

2) Lib. 2. 180. Steph.

*vitatum hoc fanum est, & ab his præfetti
emporii præbentur. - - Separatim ta-
men ædificarunt Aeginetæ quidem Jovis,
Samii autem Junonis, Milesii vero Apol-
linis fanum. Nam vetus Emporium erat
sola Naucratis a).*

VIDEMUS itaque Græcos Com-
merciorum causa ante Ptolemæos in
Aegyptum commeantes, & nonnullos
ex illis ibi sedes figentes; an autem
non penitus est vero simile istos Com-
mercia sua non modo continuasse, sed
& extendisse illis temporibus, quibus
Aegyptus plus quam antea Negotiato-
ribus utilis? An veri specie caret Pto-
lemæos, magnos illos, Commerciorum
Fautores, omni cura in id incubuisse,
ut

a) Naucratin hanc condidere Milesii
tum temporis Maris Imperium tenentes, te-
stibus Strabone 17, 1153. & Stephano Byzan-
tino in hac voce.

ut Græci isti, quemadmodum antea fecerunt, & magis adhuc, ad eos commearent, ut Occidentis merces pro Orientalibus in Portibus suis commutarent? Dubium est hoc argumentum, sed in re obscura, ne ea quidem negligenda videntur, quæ vel minimam lucis scintillam exhibere possunt.

IN *Minoris Asiae ora* Ptolemæus Philadelphus, & Reges insequentes, Classibus, quas in his oris tenebant, subditas sibi habuere Pamphyliam, Lyciam, Cariam, & nonnunquam etiam Ciliciam, quod patet ex THEOCRITI Id. 17. ex Adulitano Monumento, & ex divisione Regni Aegyptii, quam Antiochus Magnus cum Philippo Rege Macedoniæ post Philopatoris mortem meditabatur.

COMMERCIA vero cum his gentibus non videntur instituisse; conten-

T ti,

ti, si illæ ut milites in copiis suis arma ferre voluerunt; piratæ enim erant pleræque istarum gentium, commercii infesti, negotiatoribus invisi, sæpe illos vexantes, ab illis sæpe vexati *b*).

Commercia cum Corinthiis & Atheniensibus.

EA, quæ nunc attulimus de Commercio Insularum Græciæ, & recensio præcipuorum locorum Minoris Asiæ, quæ negotiationum causa cum Aegyptiis junctæ fuisse videntur, adhuc certiora sunt illis quæ proponemus *de Navigationibus Corinthiorum & Atheniensium* Alexandriam institutis. Illas sub Ptolemæis locum habuisse suadet credere commercii apud istas gentes celebritas, amicitia Atheniensium cum istis Regibus ubique memorata *c*); com-
mer-

b) Præcipue adeundus Strabo p. 985.

c) Sic e. g. notum foedus inter Ptolem.

mercium id jam ante Ptolemæos frequentatum, ut inter gentem affinem; ex hac enim Urbe Plato olim Aegypto oleum attulisse dicitur *d*). Quis itaque credet hos Negotiatores postea Portum Alexandriæ, omnium commerciorum metropoleos, neglexisse.

DE Corintho & hoc addendum ATHENAEUM *e*) solennem aliquam sumtuosissimamque nobis describere Pompam a Ptolemæo Philadelpho in-

T 2 stitu-

Philad. cum Atheniensibus & Lacædemoniis contra Antigonum Gonatum.

d) De Oleo, Viatico Platonis, in itinere Aegypti, agit Plutarchus in Vita Solonis p. 174. T. I. Edit. Aug. Briani.

e) Lib. V. 196. Descriptio hujus Pompæ Philadelphi tangenda fuit, tum, quia Corintho lucem præbet, tum, ut testimonium Luxus illorum temporum; jam vero historia Luxus est ex præcipuis partibus historiæ commerciorum,

stitutam, in qua Signa Marmorea, pictæ Tabulæ, Vestes, Tapeta picturis exornata, Vasa, Scuta, Lecti, Tripodes ex auro elaborati, omniaque pretiosa Aethiopiæ, Arabiæ, Indiæ, Græciæque occurrebant, sic ut pateat, Ptolemæum in hac Pompa voluisse declarare, quantos thesauros, & quam egregias res commerciis suis comparaverit; jam vero inter præcipua splendidi illius apparatus ornamenta occurrebant etiam Vasa Corinthia; imo Urbes multæ in ea repræsentatæ fuere, inter quas Corinthus civitas nobilissima opulentissimaque Ptolemæo proxime erat adjecta, ut significaretur amicitia commerciumque hujus Regis, cum ista Artificum Negotiatorumque sede institutum.

DE iis vero Græcorum Negotiatoribus, qui ultra Tænarum sunt Promontorium, aut dubium est, aut negandum,

gandum, quod magna copia sub prioribus Ptolemæis in Aegyptum commeerint; ultimis autem regni istius temporibus ipsi Aegyptii usque in Italiam navigaverunt, de quo *Commercio Puteolitano*, ut de re gravi eadem, ac difficili, nunc dicendum restat *f*).

Commercium Puteolitanum.

SI Romanorum cum Aegyptiis amicitiam, quæ jam sub Ptolemæo Philadelpho cœpit *g*), consideramus, & quæ his Regibus Aegyptum tenen-

T 3' tibus

f) Siciliam cum Ptolemæis commercio junctam fuisse afferere non audemus; legimus tamen apud Athenæum Lib. V. cap. 10. & II. Hieronem, sub quo illius status fuit maxime florens, Philadelpho dono misisse navem egregiam maximamque; item alia dona, præcipue res ad victum necessarias, fame Aegyptum opprimente.

g) Ptolem. Philad. Legatos misit Romanam, post gestum cum Pyrrho bellum.

tibus semper continuata , tum vero simile videri posset Aegyptios commercio cum Romanis fuisse junctos jam vetustioribus Regni istius temporibus, quod quidem nobis negandum videtur *h*). Verum tamen est ab altera parte jam ante Aegyptum in Provinciæ formam redactam Navigationes in illorum gratiam cum mercibus in Aegypto institutas fuisse; idque liquet ex C I C E R O N I S Oratione pro Rabirio Posthumo , quæ æternum monumentum erit ingratitude Ptolemæi Auletis, qui erga Romanum istum civem sese injustissime gesserat. Litem non describimus, sufficiat nobis allegasse illum locum C I C E R O N I S, qui ad rem

no-

h) Infra etiam, occasione Carthaginis afferemus aliquid, quod suadet, ut negemus commercium antiquum Italiæ cum Aegypto.

i) Pro Rab. Posth. 39.

nostram maxime facit i); is autem ita habet: *At permutata aliunde pecunia est,eductæ naves Posthumi Puteolis sunt; auditæ visæque merces, fallaces quidem & fucosæ, chartis, & linteis, & vitro delatæ, quibus cum multæ naves refertæ fuissent, una non patuit parva. Cataplus ille Puteolanus, sermo illius temporis, vectorumque cursus atque ostentatio, tum subinvisum apud malevolos Posthumi nomen propter opinionem pecuniæ nescio quam, æstatem unam, non plures, aures refudit illis sermonibus.*

PATET ex hoc loco jam temporibus Ptolemæi Auletis ex Aegypto Naves Puteolos venisse mercibus Aegyptiis onustas, sub quibus juxta Romanos latitabant aliæ pretiosiores Rab. Posthumo destinatæ. Dein vero Aegypto in Provinciam redacta quotannis inde Naves Puteolos cum mercibus Alexandrinis contendebant, quam

Classem nonnulli *Cataplum*, alii *Pharium Annum* dixere; qua de re ubique Veteres & ubique loquuntur Recentiores, quos in notis citasse fatis erit, cum de posterioribus heic sermo sit temporibus *k*).

FRUMENTUM Romani ex Sicilia, Sardiniaque habuere; dein ex Africa & Aegypto *l*); sed jam vetustiori ævo accidit, notante POLYBIO *m*), ut sub Ptolemæo, (cujus nomen tacet) Urbe fame pressa ab Aegyptiis frumentum peteretur. De ceteris autem Alexandrinis mercibus suo ubique loco pro-

k) Casaubonus ad Suetonii Aug. 98. Jac. Hafæus de Navibus Alexandrinis D. Paulum in Italiam deferentibus ad Act. Ap. 27, 6. 28, 11. Kunzius de Vexillo Navis Alexandrinæ, qua Paulus in Italiam vectus est. Barthius ad Statium.

l) Lipsius de Frumentatione I. Elect. 7.

m) Polybii Legationes 784.

probabimus illas , præcipue majori copia, Augusti demum temporibus Romæ visas fuisse n).

Littus Africæ , inde a Lybia , usque ad Mauritaniam.

Cum Mediterranei Maris Navigationes & Commercia explicemus , sermo quoque faciendus est Littoris Africæ inde a Lybia usque ad Mauritaniam , in qua regione Aegyptii vicinam sibi Lybiam , Cyrenemque habere subditam o). Totum vero illud

T 5 Com-

n) De Margaritis id asserit Plinius 9 , 35. De Vitro, Colocasía, aliisque idem dici potest, ut & de Serico. Lucanus 10, 109.

Explicuitque suos magno Cleopatra tumultu

Nondum translato Romana in sæcula luxus.

o) Theocritus Idyll. XVII. Monum. Adulit. Strabo XVII. 1140,

Commercium Carthaginiensibus reliquisse videntur *p*); qui illorum Emporia cum mercibus Occidentis adiere, eorumque amici fuere. Natio ista, navigationis peritissima, commerciorum avida, Sardiniam, Balearides, partem Hispaniæ, partemque possedit Siciliæ. Egregios de gente sua viros ad lustrandas exteras regiones miserat; commercia sua quam late potuit extenderat.

CARTHAGINIENSES Aegypto afferebant merces sibi proprias, quales sunt Oleum, pelles animalium, & multa ad navium structuram necessaria; afferebant etiam merces regionum sibi suoque commercio subditarum; ut Argentum ex Hispania; Plumbum, & Stan-

p) Constat ex Historia Ptolemæos socios Romanorum fuisse, ut & Carthaginiensium, hinc etiam eos noluisse istis subsidia, quæ petebant, exhibere.

Stannum ex Britanniae Insulis. Sumebant contra merces ipsius Aegypti; ceteras enim, quae Alexandriae per commercia externa allatae vendebantur, ipsi plerumque in natalibus illarum solis petere consueverant.

QUANTUM autem commerciiis, iisque dissitioribus, sibi vindicandis inhiant, patet ex Romanorum cum Carthaginienfibus conditis foederibus; quae eo lubentius haec adhibeo, quod simul inde evinci queat primis Ptolemaeorum temporibus Italos commercia nulla cum Aegypto habere potuisse. Primum itaque Pactum sancitum est A. V. Cond. CCXLIV. Ducentis annis circiter ante tempora, de quibus agimus. Sed illud renovatum fuit A. V. Cond. CCCC VII. Et tandem Ptolemaeo Lagi in Aegypto regnante, manentibus iisdem, quae in superiore foedere fuerunt, conditionibus; & adiectis aliis ad
rem

rem nostram non facientibus *q*). Primum itaque fœdus, idque in sequentibus iterum firmatum, inter alia hæc continebat: *Ne naviganto Romani, Romanorumve Socii, ultra Pulchrum Promontorium* *r*). Quod egregie illustrat POLYBIUS dicendo: *Pulchrum Promontorium, quod Carthagini præjacet, & se-*

q) Hæ Leges per aliquot tempus adhuc observatæ fuere, hinc penitus ea, de quibus disputamus, respiciunt tempora. Ista vero omnia hausta sunt ex Polybii Histor. L. 3. 176. seq. Conferri merentur notæ Casauboni in h. l. Gronovius de Centesimis Usur. & *Barbeirac Hist. des Anciens Traitez Part. I.*

r) In fœdere secundo hæc occurrunt verba: *Romani ultra Pulchrum Promontorium, Massiam, & Trasëjam prædas ne faciunto; ad mercaturam ne exeunto.*

Voluerunt Carthaginienfes, ut merces tantum apud se peterentur, commercio sine dubio, ut sibi utili, sic Romanis perniciosissimo.

septentrionem spectat, ultra quod meridiem versus nolunt Carthaginienses Romanos navibus longis navigare. Causa opinor est, quia cognosci ab illis nolebant neque loca circa Byzacium, neque parvam syrtim, quæ propter soli ubertatem nomen Emporia meruerunt. - - Carthaginem vero adire, & regionem omnem Africæ cis Pulchrum Promontorium, inter Sardiniam, & Siciliae partem Carthaginiensium imperio subiectam, mercaturæ gratia licet Romanis.

EVERSA autem Carthagine, & quod eodem tempore evenit, Corintho, Græciæ Insulæ commercium illud acceperunt, hinc etiam ea tempestate frequentius Aegyptum adierunt s).

Quo-

s) Strabo 985.

*Quomodo Ptolemæi in Commerciis
& Navigationibus se gesserint erga
Cœle Syriam, Palæstinam, Phœni-
ciam, & Syriam.*

H o c loco breviter adhuc dicen-
dum Arabiæ illam partem, quæ Aegy-
pto vicina est, Cœle Syriam, Palæsti-
nam, Phœniciamque, sub Ptolemæis,
præcipue prioribus, Regno Aegypti
fuisse adjectam; sic ut utrumque latus
Sinus Arabici superius, & Portus Me-
diterranei Maris Aegypto vicini illis
Regibus paruerint; quod & commer-
cia & reditus illorum augere debuit.
Hac de re sic loquitur THEOCRITUS
Idyll. XVII. de Ptolemæi Philadelphi
temporibus :

*Et quidem Phœniciæ partem obti-
net atque Arabiæ ,*

*Et Syriæ, Lybiæque, nigrorumque
Aethiopum.*

Ac

AC MONUMENTUM ADULTANUM: *Accepto a Patre, Philadelpho, Regno Aegypti, Lybiæ, Syriae, Phœniciae.*

ET constat apud omnes Alexandri Regnum in quatuor partes divisum fuisse, ex quibus Ptolemæus sibi Arabiæ partem, Lybiam, Cœle Syriam, & Palæstinam cum Aegypto sumsit t).

SEMPER quidem, & vario eventu, de his Provinciis inter Aegypti Syriaeque Reges disceptatum fuit, illæque nonnunquam in Syrorum fuere ditione; sed in omnibus pactis, quæ inter hos Reges erigebantur, semper Aegyptii provocabant ad primam illam
Re-

t) In hac Divisione Regni Alexandri per Cœle Syriam intelligunt Syriam, quæ est inter Libanum, & AntiLibanum. Per Palæstinam omnem Israëlitarum hæreditatem; per Phœniciam harum Provinciarum oras maritimas.

Regni Alexandri divisionem, juxta quam seipsis istas regiones vindicabant, quamvis Syriæ Reges illud jus in dubium vocarent. Sed heic non quæstio est de bellis Syriæ Aegyptique Regum, verum de illorum mutuis commerciis, de priori re pauca & obscura, de posteriori vero nulla apud Veteres mentio, hinc quoque illa non magni momenti fuisse intelligitur.

OBSERVASSE tamen heic juvabit ex sibi subditis istis regionibus Aegyptios sine dubio illas hausisse merces, quæ commerciis suis erant necessariæ. Ex omnibus Ligna; ex Judea Vina *u*), Ficus, Oleum Olivarum, & optimum Balsamum *x*). Ex Phœnicia

u) Commertium Judæorum eo minus neglectum fuisse videtur, quod constat hujus rei causa maximam Judæorum copiam sub Ptolemæis in Aegypto vixisse.

x) De Balsamo Veterum, seu Opobalsa-

nicia Purpuram y). Tyrus enim, quæ iterum post cladem ab Alexandro Magno perpeſſam paulum reſtaurata, etſi olim negotiatrix celeberrima, tamen poſtea Aegyptiis parvæ eſſe potuit utilitatis; nam ante illa tempora mercibus peregrinis commercia exercuit; & ex ſuis, ſi Lina, Vitra, Purpuramque excipiamus, fere nullas vendidit. Lino & Vitris ipſa Aegyptus hac, de qua loquimur ætate, abundabat; ſed Purpuram, & ſibi & commerciis ſuis Orientalibus maxime neceſſariam, ex
U hac

mo, de cujus arbore obſcuram tantum cognitionem habemus, conſulendi Lobelius, Proſper Alpinus, Walkamerus, Slevogtius, Vaterus, & præcipue Veſlingius ac Haſſelquiſt.

y) De hac merce adeundus Fabius Columna de Purpura. Bochartus in Hierozoico, & *Mémoires de l'Acad. R. des Sciences de Paris* A. 1711. & 1736.

hac regione petebat, nam Africana, æque ac Laconica Tyria multum erat vilior z). Tyrii enim non modo optima adhibebant conchylia, sed succum etiam melius ad tincturas, quam ceteri, parabant.

Quod vero ad ipsum Syriæ Regnum attinet cum illo Aegyptii sub Ptolemæis non videntur commercia exercuisse; potuissent quidem inde sibi & suis commerciis utiles merces petere, Vinum, Styracem, Corallia, Metalla quoque & Lapides, & plura Aromata a).

HAC

z) Plinius 9, 36. Purpuræ jungendum Coccum inventionis quoque Phœnicia; observandumque eos, qui negare audent Coccum Antiquorum constare ex Granis, quæ *Kermes* vocamus, ne levissimum quidem sententiæ suæ præsidium habere. *Mémoires de l'Acad. R. des Sciences de Paris A. 1714.*

a) Videndus præcipue Strabo L. 14.

HAC tandem occasione objectionem quorundam tangam, qui ita quæ-
runt: Regnum Syriæ sub Seleucida-
rum imperio, præter istam Provinciam,
continebat omnes vastas & inclytas il-
las regiones, quæ olim Persarum Re-
gnum constituere, extenditque se a
Mari Mediterraneo ad Indum usque,
qua itaque auctoritate Indica Naviga-
tio a Ptolemæis instituta est? Respon-
demus ex omni veteri historia constare
Syriæ Reges Mediterranea Indiæ com-
mercia Aegyptiis reliquisse; sibi se-
ptentrionalia per Oxum & Mare Ca-
spium exercenda servasse.

Massilia.

DE Commercio Ptolemæorum cum
Gallia, & præcipue cum florenti Mas-
silia libenter differerem, nisi hac de re
altum apud Veteres foret silentium, ex
quo, modo quamvis dubio, colligere

debemus illud aut parvum, aut nullum, fuisse; mercesque illarum regionum mediante Carthagine, Massiliæ æmula, Aegypto fuisse illatas, qua Urbe destructa Græciæ potius Insulæ, quam ulli alii Negotiatores, sibi hoc commercium vindicasse videntur.

Reditus & Divitiæ Ptolemæorum.

AD DAM quoque heic Observationes quasdam de Reditibus & Divitiis Ptolemæorum, ut & de Cópia Urbium, Hominumque in Aegypto sub istorum Regum imperio. Hæc enim, uti fundamenta & fructus commercii, merito pertractanda videntur.

QUOD itaque ad Regni istius divitias attinet illæ sub Ptolemæo Philadelpho, maximo Commerciorum Navigationumque fautore, etiam fuere maximæ, teste APPIANO, qui ait *b)*:

Se-

b) Præfat. B. Lybici. Ibid. de Thesau-

Secundus ab Alexandro Aegyptiorum Rex, qui & lucrari potentissimus, & magnifice eleganterque construere, cum ejus regnum divitiis & opulentia nulli cederet.

ET ATHENAEUS c): *Philadelphus sane multos opibus antecelluit, & quæ molitus est ac edidit omnia summo studio honoris & gloriæ cupidus magnifico sumtu absolvit. Et idem Auctor infra d): Universæ quidem Philadelphi opes diligenter ab aliis Regibus conservata ab ultimo Ptolemæo, qui Tibicen &*

U 3

Ma-

ro Regio Aegyptiorum. Conferendus quoque Theocritus Idyll. 17. de Ptolem. Philad. dicens: *Opulentia quidem omnes superat Reges. Graviter autem errant, qui illud encomium aliis tribuunt Regibus.*

c) Lib. 5. p. 302. Occasione Pompæ magnificentissimæ a Rege isto institutæ, in qua absumpta fuere Talenta bis mille ducenta triginta novem, Minæ quinquaginta.

d) Pag. 206.

Magus, animoque parum virili, Gabinianum bellum excitavit, dilapidatæ & profligatæ fuerunt.

CUI jungendus STRABO e), qui ait: *Aegypti reditus Cicero in quadam oratione indicans Auletæ Patri Cleopatracæ ait quotannis Duodenum millium & Quingenum Talentorum Tributi nomine pendendi consuevisse; ubi vero is, qui segnissime ac pessime regnum administrabat, tantum in redditibus habuit, quid censendum putas de præsentibus.*

HÆC sunt præcipua Veterum loca de Divitiis Ptolemæorum, quæ omnia probant summam utilitatem, quam hausere ex Commercio Orientis Occidentali juncto.

Quot

e) Pag. 1149. Locus Ciceronis non amplius exstat inter Auctoris istius scripta. Adeundus Commentarius Casauboni.

*Quot Urbes sub Ptolemæis in Aegypto, & quam refertæ Homi-
nibus.*

ANTE Ptolemæos, & ante Per-
fas, sub antiquioribus sapientissimisque
Aegypti Regibus hæc regio ab infinita
hominum habitata fuit copia; id &
Veterum effata diserte testantur, &
innummeræ Urbes, quibus Aegyptus re-
ferta fuit f); & si hæc omnia filerent

U 4 do-

f) Herodotus Lib. 2. c. 177. *Sub Ama-
si Rege dicitur Urbes habitabiles in ea, Aegy-
pto, fuisse viginti mille. Plinius 5, 9. Aegy-
ptus super ceteram antiquitatis gloriam viginti
Millia urbium sibi Amase regnante habitata præ-
fert; nunc quoque multis etiam si ignobilibus fre-
quens. P. Mela 1, 9. Id quoque animadver-
tendum Clar. D'Origny in Egypte Ancienne
T. 1. cap. 3. ostendisse errare illos, qui putant
viginti millia Urbium, quæ vox latissimo sen-
su sumenda, non potuisse in Aegypto locum
habere, vel saltem Agricolationi summum de-
trimentum attulisse.*

documento essent celsissimæ Pyramides, inextricabiles Labyrinthi, spatiosissimæ Thebarum ruinæ, Mœridis Lacus, aliaque stupenda opera, quæ veteres ac recentiores Peregrinatores in Aegypto demirari nunquam satis potuerunt, & quæ luculenter declarant, quam populosum opulentumque fuerit hoc regnum ea ætate, qua tanta exstruxit monnmenta. Ista vero hominum in felicissima regione multitudo usque ad Persarum dominationem semper aucta fuisse videtur. Verum ubi primum sub fatalibus istis Tyrannis servitus pro libertate, crudelitas & avaritia pro clementia, pro pace bella, pro continentia luxus invasere, frequentia hominum simul cum fortuna illorum immutata est, & in tantum decrevit, ut post mortem Alexandri M. multo minor fuerit, quam ante Persarum imperium; aderant quidem adhuc ea tempestas

pestate utilissima opera, Agriculturæ & Commercio maxime necessaria, Nihilum toti Aegypto distribuentia, sed imminuta valde erat hominum copia, cui iterum augendæ Ptolemæi, præcipue priores, omnibus viribus & egregio cum eventu incubuerunt, de qua re nunc THEOCRITI, DIODORI SICULI, CATONIS, & JOSEPHI testimonia proferam, cum diversis Recentiorum de ancipiti ista quæstione sententiis.

THEOCRITUS de Ptolemæi Philadelphi temporibus ita scribit, Idyll. XVII. g).

*Neque quisquam tam multas urbes
hominum opera facientium
tenet;*

U 5 *Tres*

g) Theocritus heic non de sola Aegypto, sed de omnibus Provinciis Ptolemæis subiectis, intelligendus est.

*Tres enim illi Urbium centuriæ
exstructæ sunt,*

*Tria insuper millia super triginta
millia,*

*Duo item terniones & præterea
ter undecim,*

*In quibus omnibus magnanimus
Ptolemæus regnum obtinet.*

HUNC locum Clar. CASAUBO-
BONUS ita illustrat Edit. Commelin.
A. 1604, pag. 276. *Large autem fidem
veri excedit Poëta, cum canit Ptolemæum
ipsi subiecta habuisse trecenta & 39 supra
33 millia urbium, quem nummerum ingenio-
se exprimit, sed hunc locum & nummerum
aliter sumfere Interpretes pro 33 M. &
33. Aliter Tzetzes. Conferendus Diod.
Sic. ubi varia Lectio, ut & heic in inter-
prete.*

DIODORUS autem SICULUS,
ad quem in nota nunc citata provocat
CA-

CÁSAUBONUS de temporibus Ptolemæi Primi Lib. I. P. 36, hæc habet: *Qlim longe omnium populosissima terrarum per orbem cognitarum, & ad hanc ætatem nulla ceterarum inferior; memorabiles quondam Vicos habuit XIIIX Mill. ut in commentariis sacris suo notatum loco vere est. Ptolemæo Lagi regnante plures 30. M. recensita sunt; quæ frequentia adhuc constat. In populi quondam universi censu septuagies centena millia fuisse nummerata dicunt; nunc adhuc infra tricies centena millia censeri h).*

AD

h) Ad ultima verba sequentia monuit Wesselingius: *Ὁὐκ ἐλάττωσεν εἶναί τῶν τριακοσίων.* Hoc si dederit Diod. oportet hominum numerum per bella Regum Aegypti civilia immanem in modum decreverit. At contra venit Josephus B. Jud. pag. 190. in Aegyptiorum catalogum Vespasiano principe septuagies quinques centena hominum millia, non additis ad summam Alexandrinis, referens; [qui nostri

AD quod effatum illustrandum
 adscribemus Commentarium Cl. WES-
 SELINGII. Ille vero ait: Πλείστο τῶν τρισ-
 μυρίων (alii legunt τρισχιλίων) *Marsha-*
mus secutus probabilem rationem sic scri-
pserat; Manuscripta faciunt ne in conje-
ctura positum censeatur. Sub Ptolemæis
ingens Aegyptus incrementum cæpit, Ur-
biumque & Pagorum, cum Philadelphus
regnaret, numerus, triginta millia exce-
ssit. Hoc Theocritus clarissime significat.
De Catone, in Stephani Διόσπολις, quem
 hæc

ætate plures trecentis millibus erant, sicuti ait
 L. 17. Sed hæc eo discordia evanescit, si
 τριακοσίων, vocem ab H. Stephano in omnibus
 exemplaribus haud repertam, quam longissime
 hinc elimines.

De eodem loco legendus Hume in
Political Discourses, of the populousness of an-
tient Nations, p. m. 256. Et *Essay sur la dif-*
férence du nombre des Homes dans les tems
anciens & modernes.

hæc Ptolemæorum tempora respexisse arbitratur Marshamus, est quod dubites. Ante enim inductam a Persis vastitatem tricies millia Vicorum & triginta, hominum vero septuagies centena millia, quæ mox Diodorus regioni ante Lagidarum imperium tribuit, Thebas, i. e. Aegyptum numerasse ac possedisse prodit.

CUM hoc conferri meretur Clar. D'ORIGNY, qui in Libro, qui inscribitur *Egypte Ancienne*, T. I. 123. sq. de hac re late egit, & MARSHAMI atque WESSELINGII sententiam, quæ plurimis doctissimis sese probavit viris, multis aggressus est. Nobil. iste Auctor veteres statim enumerat Codices, tum illos, juxta quos eo tempore, quo Ptolemæus Lagi Aegypto potitus est, tria millia, tum eos, secundum quorum auctoritatem triginta millia oppidorum in ista regione fuerunt *i*). Postea ex
tota.

i) Triginta millia Urbium hac ætate in

tota antiqua Historia ostendit sub Persarum imperio Aegyptum devastatam fuisse, sic ut illa regio, quæ, ante horum Tyrannorum dominationem, multis hominibus referta, post Alexandri mortem iisdem magna ex parte destituta fuerit, & demum per duos primos Ptolemæos, ad quorum tempora THEOCRITI & CATONIS loca refert, in meliorem statum restituta. Citat artifices & servos, quos Cambyfes, milites quos Xerxes ex Nili ripis deduxere, creditque, cum multa veri specie, DIODORUM SICULUM voluisse heic declarare quanta mala sævitia Persarum, & quam felicitatem, indulgentia
anti-

Aegypto fuisse legimus in quinque Codicibus; tria millia in Codicibus undecim; sed scio hoc argumentum, si solum foret, parum aut nihil probare. De eadem re exstat eruditiss. Dissertatio in Memor. Trivult.

antiquorum Aegypti Regum, industriaeque Ptolémæorum, huic regioni, præcipue quoad frequentiam hominum, inferre potuerint *k*).

SECTIO

k) Patet ex omnibus plerosque Ptolémæorum exteros homines undiquaque ad se allexisse, urbes restaurasse, alias de novo condidisse, incolis privilegia concessisse. De Judæorum v. gr. in Aegypto copia, privilegiis, fatisque, disertè loquitur Clariss. illorum Historicus Josephus T. I. 583. 695. & T. 2. 456. 471. Duplex autem fuit in Alexandria hominum genus, Aegyptii, ac Advenæ & inter hos Milites Mercenarii; omnium, sed præcipue ultimorum & plebis multum in seditionibus periit. Adeundus etiam Strabo 1148. sub Physcone indigenæ vexati occisique, ceteri ipsi secessere; tum peregrini a Rege sollicitati invitatique civitatis jure donati sunt. Justinus 38. 8.

S E C T I O IV.
 D E M E R C I B U S
 A E G Y P T I.

Pecunia Ptolemæorum.

NUNC tandem de Mercibus, quibus Aegyptus Ptolemæorum temporibus abundabat, dicendum restat; hæc enim materia interno externoque commercio, ejusque amplitudini illustrandæ, non parum inserviet.

INITIUM faciemus a Pecunia in horum Regno usitata. Ante Ptolemæos itaque juxta ingeniosissimam verosimillimamque Illustriss. Comitis DE CAYLUS conjectationem Aegyptiis hunc usum præbuere parvæ auri laminæ in foliorum formam incisæ ¹⁾. Sed nihil

¹⁾ *Recueil d'Antiq.* T. 2. 18. Conferenda etiam Quæstio, quam hac de re perillustis Acad. Reg. Inscript. Paris. Peregrinatoribus Danis proposuit.

nihil hujus pecuniæ sub Ptolemæis in commercio adhibitum fuisse videtur. Aliter se res habet cum vetustis Nummis Macedonicis Philipporum *m*), Alexandri, & aliorum, qui diu adhuc postea a mercatoribus adhibebantur. Ptolemæi vero in Aegypto nummos percuti curabant aureos, argenteosque varii moduli, sæpius capitibus suis insignes; æreos alios rarissime illorum, sed fere semper Jovis vultu ornatos. Neque vero hi nummi tantum in Alexandria, sed & in multis aliis Aegypti Urbibus conflabantur *n*). Illi in quibus nulla occurrit nota loci, in quo

X num-

m) Præcipue Philippi Patris Alex. M.

n) Comparanda doctissima scriptio Clar. Vaillantii de Historia Ptolem. ad fidem Numismatum. Et Clar. Pellerin in *Recueil de Medailles des Rois* pag. 39. seq. Gesneri Numismata Regum Syriæ, Aegypti, & Arfacidarum.

nummus signatus, Alexandriæ tribuuntur; ceteri illis Urbibus, quarum nomina per compendia scripta in area conspiciuntur. Sic habemus Nummifmata Ptolemæorum percussa apud Abydenos, Pelusiotas, Heracleopolitas, Thebanos, Hermopolitanos, Diospolitianos, Memphitas. Imo etiam in Cypro, Ptolemæis subiecta, horum Regum nomine moneta signata o). Habemus & nummos in Tripoli Phœniciæ, Ptolemæorum imperio subdita, percussos. Clar. VAILLANT in Opone quoque, Emporio Aethiopiæ, sub Ptolemæo Philometore in mercatorum gratiam nummos cufos fuisse verosimiliter ostendisse videtur p).

Mer-

o) Dubium, an Nummi cum K signati, sint Canobitarum, Coptitarum, an vero etiam Cypriorum; forte tamen istæ litteræ aliquando annos Regum, potius quam loca signati nummi indigitant.

p) Loc. cit. 104.

*Merces Aegypti**Ex Regno Animalium.**Equi, Muli, Asini, Cameli.*

ANTIQUISSIMIS temporibus Aegyptus Equos habuit & optimos, & maxima copia, minori autem numero illa ætate, de qua nobis sermo est, Canalicum Niloticorum multitudine illorum usum valde intervertente. Habuit & Mulos atque Asinos pulcherri-
mos, nec non Camelos ex sua regione & præcipue ex vicina Arabia. Priora Animalia olim nutriebant tum ad bel-
licum usum, tum ut objectum commer-
cii, posteriora & maxime ultima utili-
tatem habebant summam pro commer-
ciis internis per deferta instituendis, &
hinc etiam pro commercio externo,
quod proxime cum interno conjunctum
est. Ceterum de hac re legi queunt
PROSPER ALPINUS in Historia Nat-

tur. Aegypti, BOCHARTUS in Hierozoico, & omnium maxime Clar. MICHAELIS q).

Pisces.

PISCIMUM Piscatorumque in Aegypto magna erat copia, de qua re breviter agam, quia multum ad commercia hujus regionis interna, & non-nihil etiam ad externa confert. Jam in Sacris Litteris sæpe mentio Piscium Aegypti, sæpe Piscatorum illius Regionis, qui ob lucrum, quod inde redundabat se extollebant r). STRABO s) ait:

q) Commentarii Soc. Reg. Gœtting. T. 4. 102. In sectione, quæ inscribitur, *Ori-go contemptus Asinorum apud Aegyptios.* Ibid. pag. 100. In sectione, quæ hunc habet titulum: *Equos ab Israëlitis multiplicari Moses curvetuerit.*

r) Num. XI. 5. Exod. VII. 18. 21. Psalm. CIV. 29. Jes. XIX. 10.

s) Lib. XVII. 1178.

ait: *Pisces in Nilo permulti sunt.* Eofdem ATHENAEUS laudat & nominatim recenset *t*). Hos itaque Nili & Lacuum fuorum Pisces Aegyptii non modo recentes, sed etiam Sale conditos vendebant. Abundabat regio Sale; Canales Nili & vicina Maria exportationem mercis suaferunt, dum eam facilem reddebant. Sic DIONDORUS SICULUS *u*): *Incredibili Piscium*

X 3 copia

t) Pag. 311. Lib. VII.

u) Lib. I. pag. 42. Geographus Arabs Part. I. Clim. I. pag. 1. *In Nilo sunt varia Piscium tam parvæ quam magnæ molis genera, quibus vescuntur plerique Nigrorum; captos enim pisces, qui quidem pinguedine ac magnitudine admodum præstant, Sale condiunt ac reponunt.*

Pollux Onomast. 1. 592. Hemsterhusii.

Piscatorum copiam Navigationibus & Commerciis Aegyptiorum fuisse utilissimam quivis facile sentiet.

copia omnigenorum Nilus abundat; non enim, ut recens modo captis large fruuntur accolæ efficit, verum inexhaustam quoque Salsamentorum copiam largitur. Et apud LUCIANUM, Tom. 3. 259. Reitzii, amicus ad familiarem in Aegyptum commeantem ait: Per Isidem amice certe Nilotica illa Salsamenta, illa tenuia, ex Aegypto adferre memento, aut Unguentum de Canopo.

HODIE adhuc in Lacubus *Brullos, Beheire, & Manzale*, Piscium magnam capiunt copiam, quos & suæ regioni, & Sale conditos Constantinopoli, Syriæ, Cyproque vendunt, de quibus multis & optime egit Eruditus Pater SICARDUS x).

Mer-

x) *Nouveaux Mémoires des Missions du Levant* T. VI. 229. *Sur les différentes Péches, qui se font en Egypte.* De Piscibus Aegypti videndi Peregrinatores illius regionis, & inter hos præcipue Wanslebius, Pocockius, ac

*Merces Aegypti**Ex Regno Vegetabili**Vinum, ac Acetum.*

VITES in Aegypto vetustissimis
tèmporibus erant rarissimæ, & juxta
nonnullos ob ipsam istam rationem Vi-
ni potus in horum Religione damnatus
fuit. Usus itaque vini introduxit
Psammetychus y). Sub Ptolemæis
dein jam plures in Aegypto Vineæ, &
Celeberrimum Mareoticum seu Alexan-
drinum Vinum, quod ATHENÆUS
una cum ceteris Aegypti vinis descri-

X 4

psit

Hasselquist; Ichtyologi, & inter istos maxi-
me Artedius, qui Niloticorum Piscium anti-
qua recentioraque synonyma exhibet.

Apum & Mellis in Aegypto copiam,
alio loco memoratam, nolo de novo in hac
secciónē tangere.

y) Plutarchus de Iside 2. 355.

psit 2). De iisdem DIODORUS SICULUS a), alique multi testantur; nunquam tamen vinum in Aegypto magna copia crevisse videtur, sed præstans; unde putamus illam gentem Nili gratam aquam, & potum ex hordeo adhibuisse b); cum vero in commercio suo Orientali vinum exportandum foret parum vini sui, multum vero sumebant ex Græciæ Insulis, ex quibus illud & pro se & pro commerciis suis advehi curabant c).

LAUDATISSIMUM quoque
apud

2) Athenæus 1. 33.

a) Diod. Sic. 1. 43. Et præcipue notæ Weffelingii 1, 19. Plinius XIV, 7.

b) Herodotus 2. & 3. Strabo 1150, & 1136.

c) Periplus M. Erythr. p. 5. 11. De Vino ex Aegypto exportato. Conferendus etiam Haffelquist p. 544.

apud Veteres erat Acetum Aegyptiorum d).

*De variis Olei generibus , quibus
Aegyptii loco Olei Olivarum ute-
bantur , ut & de hujus
Commercio.*

CUM Oleum sit in communi vita tantæ necessitatîs de ejus apud Aegyptios commercio dicendum est. Illa itaque regio Oleis Olivarum olim & hodie fere destituta , si parva quædam loca paucosque hortos excipiamus, in quibus frugifera Olea occurrit, quam rem multis probavit Clar. JABLONSKIUS e). Sed habebant Aegyptii

X 5 Olea

d) Athenæus 67. Generosum Aegyptiorum Acetum sine dubio parva copia ex Vino illorum, vilius frequenter ex Zytho factum fuit.

e) Pantheon Aegypt. T. I. p. 60.

Olea plurima alia viliora, quorum præcipua Sefamina Indis adhuc hodie usitatissima, ac Ricina, ex Cici Aegyptiorum confecta *f*). De hac re itaque sic scribit DIODORUS SICULUS pag.40. *Ad Lucernas accendendas liquorem ex Planta quadam, quam Cici vocant, expressum, pro oleo infundunt.* Et STRABO 1179: *Ricini Oleum, quo omnes fere indigenæ ad Lucernam utuntur, peregrini vero & operarii ad unctiorem, tum viri, tum mulieres.*

CUM

f) De Oleis fictitiis legendus Herodotus L. 2. 94, & Plinius XV, 7. Dioscorides, Athenæus, Hesychius. Oleum Sefami in victu adhibebatur, Ricini cibis foedum fuit, quod & testimonia & ejus indoles declarant. De his duobus oleis, quæ perperam aliquando ab antiquis comparantur, legendi inter Recentiores Rumph. Amb. & Burmanni Zeylan.

CUM vero Olea ista viliora a ditioribus spernerentur nec ad omnes usus apta essent, accidit, ut Oleum Olivarum fuerit ex mercibus, quæ Aegyptiis gratissimæ erant, & maxime necessariæ. Illud advehebant Judæi ex terra sua, oleis semper abundante g); illud sine dubio etiam præbebat Græcia, & præcipue Athenæ, oleorum commercio cum Aegypto jam vetustissimis temporibus celebres h).

Linum, Gossipium, Vestes variæ.

INTER præcipuas quoque Merces Aegypti erat Linum, quod illa regio & majori copia, & melius produxit, quam ulla alia. In Sacris Litteris Lini Aegyptiaci mentio occurrit inter
pre-

g) Kimchius ad Hoseæ 40. 1. Relandus in Palæstina 1. cap. 57.

h) De Platone, Aegypto olea venalia afferente, supra diximus.

pretiosas merces, & in Vestibus Sacerdotalibus, ad quæ uti in Aegypto adhibebatur; nomina, quibus illud ibi indigitatur, sunt *Bad*, *Schesch*, *Pishta*, & *Athoun*; ubi graviter errant, qui sibi persuadent unum alterumve horum verborum Sericum notare, cum ubique fere intelligendum videatur Linum, forte etiam aliquando Gossipium.

LINI Aegyptii præstantiam commendat etiam HERODOTUS L. II. De eodem hæc habet PLINIUS 19, 1. *Aegyptio Lino minimum firmitatis, plurimum lucri; quatuor ibi genera. Taniticum, ac Pelusiacum, Buticum, Tentyriticum, cum regionum nominibus, in quibus nascuntur i).*

SUB Romanis Imperatoribus Linum erat ex mercibus, quas Aegyptus in Urbem mittebat k). Hodie adhuc

i) Inter hæc Pelusiacum maximi fiebat.

k) Cicero pro Rab. Posthumo. Vopiscus

adhuc variæ Aegypti Provinciæ , & præcipue Heracleotica , Linum venundare solent *l*). Et sic constat illud omni tempore in Aegypto abundasse , & cum pretiosum esset , commercium ejus huic regioni fuisse utilissimum.

SED fere omnes illæ voces Hebrææ , Græcæ , & Latinæ , quas de Lino Aegyptiaco explicamus , aliquando apud Veteres etiam de Xylino , seu Gossipio , adhibentur ; sic ut vix sciamus an semper loca Antiquorum de Lino sativo , an vero aliquando de Lino Arborum , intelligenda sint *m*). Heic
ita-

in Aureliano. Linum in Arriani Periplo , inter merces ex Aegypto exportatas , etiam sæpius occurrit.

l) P. Lucas *Voiage*. P. 2. p. 45.

m) Hac de re multa conscripsere Celsius in Hierobotan. Braunius de Vestitu Sacerd. Salmasius ad Solinum , & isti hac in materia præferendus Magnus Vossius ad Melam. Mul-

itaque non omittendus videtur locus
 PLINII Lib. XIX, 1. qui ait: *Superior
 pars Aegypti in Arabiam vergens gignit
 fruticem, quem aliqui Gossipium vocant;
 plures Xylon, & ideo Lina inde facta
 Xylina.* Jungenda quoque singularis
 observatio Clar. ROUELLE n), quam
 his exprimit verbis: *Toutes les Toiles
 de Mumies, qui sont sans matière refineu-
 se, que j'ai eu occasion d'examiner, sont
 toutes de Coton; les morceaux de Linges,
 dont les oiseaux embaumés sont garnis,
 afin de leur doner une figure plus elegante
 sont*

tum heic adhuc obscuritatis remanet, neque
 illa tolletur, donec Botanicæ Artis peritus,
 in Linguis Scriptoribusque Orientis versatus,
 varias Lini & Xylini Aegyptii species, di-
 versaque nomina, in ipsa Aegypto detegere
 tentabit, idque adhibito ubique Coptici Ser-
 monis præsidio.

n) *Mémoires de l'Acad. R. des Sciences.*

A. 1750.

sont également de Coton. - - Le Lin des Egyptiens étoit il le Coton , ou le Coton étoit il consacré par la Religion pour les Embaumemens o).

CER-

o) Addi meretur judicium Cl. Hasselquist de Lino Aegyptiorum ; is vero ita loquitur: *Colitur copiosissime in Aegypto, Linum Sativum, præcipue in Insula Delta, & juxta Damiatam. Ingenti quantitate præparatur, exportatur quotannis Venetias & Liburnum; molle est & bonum, non tamen bonitate Europæum superans. Telæ contextuntur adhuc hodie ex Lino in Aegypto, sed grossiores & nullius pretii respectu ad Europæas; a Turcis tamen copiose coemptæ, etiam ab Europæis pro usu viliori. Non melioris texturæ fuisse Lintea antiquorum Aegyptiorum adeo decantata, docent illa, quæ adhuc hodie Mumiis circumvoluta videntur; tempore autem, quo sola Aegyptus artem possidebat Linum colendi, & Lintea texendi, optima erant. Conferendus idem Auctor in Sectione de Commercio Aegyptiorum pag. 601. Pancirollus, in Libro de Memorabilibus deperditis, de Byssō Antiquorum, & de plurimis*

CERTE, si per Linum nil nisi verum intelligamus Byssum, Aegyptii vix pro usu suo, qui erat multiplex, minus adhuc pro ceteris, ejus satis habebant. Aliquando itaque hoc nomine venit Gossipium vulgare, quod Aegyptii in communi vitæ usu adhibuere, quia vel apud se, vel apud Cyprios Syrosque vili illud habere poterant pretio. Gossipium vero præstantissimum, & Linum elegantius, suæ regioni fere proprias merces, magno vendebant pretio *p*).

NEQUE

aliis illorum mercibus, multa quidem collegit, sed pauca explicavit.

p) Præstantissimum Gossipium Aegypti est excelsior & arborescens planta ex Arboribus, quas Theophrastus *Ἐγιοφύεργς* vocat; non in magna copia in Aegypto occurrit, ubi Gossipium frutice humili adhuc rarius; posterius & pro se & pro commerciis ex vicinia hausisse videntur.

NEQUE silentio prætereundum est, in Periplo Maris Erythrei *q*) mentionem fieri Vestium tum Lanearum, tum Linearum *r*), rudiorum, pretiosiorumque, quæ in Aegypto, & maxime in Arsinoë, confici, indeque exportari dicuntur. Sub Ptolemæis in Luxu Aegyptiorum præcipue adhibebantur pellucidæ illæ Vestes, quæ neque corpori neque pudori auxilio esse poterant

q) Pag. 4. 5. & aliis locis. Hic Auctor & alii nunc citandi recentiores sunt, sed artes, de quibus loquuntur, in Aegypto antiquæ, neque sub Romanis perfectiores redditæ.

r) Hanc sectionem potuissim ad illam rejicere, ubi de mercibus artificum Aegyptiorum ago, sed nolui eam a Lino separare.

Uti Linum, sic Lana, in Aegypto frequens, hæc regio, & magis adhuc vicina Aethiopia, illius abundantiam præbere poterant.

rant s). Aegyptii quoque mira arte
vestimenta & Tapeta acu pingebant;
De Polymita Cubicularia sic loquitur
MARTIALIS: XIV, 150:

*Hæc tibi Memphitis tellus dat mu-
nera, vincta est
Pelline Niliaco jam Babylonis
acus.*

TEXTURA etiam excellabant
versicolore t):

*Pars auro palmata nitet, pars
igneæ cocco,
Ut mos est Phariis miscendi licea
telis.*

TINCTURA etiam singulari Ve-
stes

s) Tali Veste Physcon Romanos Lega-
tos recepit. Conf. Athenæus 2. 17.

t) Lucanus X, 123. Conferendus etiam
V, 141. In descriptione ornatus, quem Cleo-
patra secum tulit.

stes pingebant teste PLINIO ^{u)}. *Pingunt*, ait ille, & *Vestes in Aegypto inter pauca mirabili genere, candida vela postquam attrivere illinentes, non coloribus, sed colorem sorbentibus medicamentis. Hoc cum fecere non apparet in velis, sed in cortinam pigmenti ferventis mersa post momentum extrahuntur picta x)*.

Frumenta & Legumina Aegypti.

FRUMENTA fere omnis generis in fertilissima Aegypto maxima crevisse
Y 2 fe

^{u)} Lib. 35. cap. 2. De Vestibus in Aegypto confectis legendus Idem Lib. 8. 48.

^{x)} Hanc obscuriorem descriptionem explicare tentavit Cl. Goguet in *Origine des Loix*, T. 2. Huc etiam nonnulli trahunt nondum satis enodatum locum Petronii, qui ait: *Pictura quoque alium exitum fecit; postquam Aegyptiorum audacia tam magnæ artis compendiarium invenit.* Pag. 2. Gonsalii de Salas, *cujus notæ adeundæ pag. 15.*

se copia nemini dubium esse potest; varias illorum species laudant PLINIUS Libro Octavo decimo, DIODORUS SICULUS, STRABO, aliique. Hordeo Triticoque Aegypto præ ceteris maximus honor habebatur. *In Aegypto Spicæ hordei & tritici ad eam altitudinem perveniebant, teste HELIODORO, ut quemvis etiam in Camelo sedentem interdum tegerent; eaque ubertate ut ad trecentessimum semina terra mandata præferrent y).* Sic MAXIMUS TY-

y) Nolumus, & non possumus, hunc locum, qui exstat Aethiopic. X. stricto sensu intelligere; sed tantum de præstantia & ubertate Tritici Hordeiue Aegyptii. Plinii tempore, 18. 10 campi hujus regionis centesimum fundebant granum; septuagesimum ad summum sub Juliano Apost. juxta Ammianum Marcell. 22. 15. Recentiori tempore quinquagesimum, secundum Grangerium, & tantum dimidium istius auctore Mailleto, De hac ve-

TYRIUS *z*), singularum regionum præstantissima quævis enarrans, ait, *Aegyptium Triticum, Atticum Aes.*

HAEC Frumenta Aegyptus per sua commercia exportabat, & sic a vetustissimis temporibus usque ad recentiora tempora perduravit, ut Aegyptus multum frumenti huc illucque mitteret *a*).

LEGUMINIBUS quoque variis & optimis Aegyptus abundabat, quæ fuere commercii interni externique objecta, & inter illa speciatim celebres erant Lentesc Pelusiacæ *b*). MARTIALIS XIII, 9.

Y 3 *Acci-*

ro re omnia Antiquorum æque ac juniorum loca optime congeffit Clar. *D'Origny in Egypte Ancienne. T. I. c. 4. Du degré de fécondité des terres de l'Egypte.*

z) Serm. XIII.

a) Periplus M. E. 4. II.

b) Raderus ad Martialem, Hieronymus

*Accipe Niliacam, Pelusia munera,
Lentem.*

Lotus & Colocasia.

*Palma, Coriandrum, Mastiche,
Marum, Silphium.*

Ad Plantas Aegypti commerciis aptas pertinet etiam Lotus Veterum, Nymphaeæ species *c*), cujus caules radicesque edules ad exterarum gentes deferbantur. Incertus Peripli Maris Erythrei Auctor *d*), inter mercimonja Indiæ ex Aegypto illata, commemorat Melilotum, certum autem est sic ob mellitos caules radicesque Lotum vocari; sed minus certum Colocasiam, Aegypto etiam fere soli inter merces tri-

in Ezechielem, Plinius, Virgilius, Georg. 1. 228, ibidem Servius.

c) Hasselquist 509. Prosp. Alp. H. Nat. Aeg. & De Plantis Exot. 213 - 229.

d) Pag. 28.

tributam e) , atque aliam Nymphaeæ speciem, Fabam scilicet Aegyptiam, Lotumve, eandem essem, quam multi potius cum hodierna conferre volunt Colocasia, quamvis illa veteri in paucis fane conveniat. In hanc rem scriptum dictumque est multum, illaque dubia manebit, donec itinerator aliquis, Herbariæ Artis probe peritus , non unam alteramve Aegypti Provinciam ac Plantam, sed omnes sedulo perlustraverit,

Y 4

&

e) Colocasiam inter triginta res in sola Aegypto occurrentes, recenset Arabs apud D'Herbelotum 580. De Colocasia Veterum eruditissime disputarunt Salmasius ad Solinum, Prosper Alpinus de Pl. Exot. & in Hist. Nat. Aegypti, de eadem Veslingius. De Colocasia, Loto, Faba Aegyptia, conferendus etiam Clar. Mahudel in *Hist. de l'Academie R. des Inscriptions. T. 3. Examen de divers Monumens, que les Antiquaires confondent presque toujours avec le Lotus d'Egypte.*

& cum Græcorum, Latinorum, Arabumque, præcipue autem THEOPHRASTI descriptionibus contulerit, de quibus dolendum, quod nil minus, quam absolutæ completæque sint. Afferendus interim mihi videtur locus SERVII ad VIRGILII Eclog. 4, 19. ubi Marcello offerendæ dicuntur variæ plantæ f):

*Errantes Hederas passim cum
Baccare Tellus,
Mistaque ridenti Colocasía fundet
Acantho.*

HEIC SERVIUS sic commentatur: *Colocasía - - Hanc Herbam videtur in honorem Augusti dixisse, quæ Romæ post devictum ab eo Aegyptum innotuit.*

Ex quibus patet hoc, ut plura alia Aegyptia mercimonia, Romæ demum

f) Conferendus etiam Martialis 13. 57.

mun regno isto in Provinciæ formam redactò innotuisse; sed quid vetat quominus credamus illud sub Ptolemæis non quidem ad Romanos, sed ad gentes, cum quibus commercia exercebantur, delatum fuisse?

PALMA quoque superioris Aegypti nobilis fuit, proventusque illius Regibus multum attulit lucri; de qua re pluribus egere STRABO, & ejus Commentatores g). Maximi quoque apud Veteres fiebat Coriandrum ejusdem regionis h).

MITTIMUS Plantas plures Aegyptiis in vita communi, hinc quoque in commercio interno usitatas, & alias Medicæ arti utilissimas, quibus Aegy-

Y 5 . ptus

g) Lib. XVII 1173. 1179. Præ ceteris autem diversos Palmarum in vita communi usus descripsit Cl. Steckius de Sagu Argentor. 1757.

h) Plinius XX, 20.

ptus semper abundavit, & quas pro se adhibuit, & exteris quoque vendidit i).

Huc, ut id obiter notem, pertinet Refina illa Aegyptia, cujus PLAUTUS, paucis recte intellectus, mentionem facit, quæ a Mastiche, quam Lentiscus arbor fundit, non diversa est k). Huc referendum Marum Aegyptiacum, in veteri Medicina celeberrimum, a WEDELIO docte descriptum l); atque Silphium illud auro contra carum, quod Ptolemæorum temporibus ex Cyrenaica petatum in Aegypto vendebatur, & postea demum, sed multo deterius, ex aliis adferebatur regionibus m).

Mer-

i) Diodorus Sic. 40. Conf. Plin. 21, 15. *Frugum quidem fertilissima, sed ut prope sola iis carere posset, tanta est ciborum ex herbis abundantia.*

k) Wedelius de Refina Aegypt. Plauti.

l) Idem de Maro, Jenæ 1703.

m) Spanheimius de Usu & Præst. Num-

*Merces Aegypti ex Regno Minerali.
Lapides Pretiosi.*

PLINIUS n), alique vetustatis Scriptores Aegypto plures Pretiosos tribuunt Lapides commerciis aptos, maxime vero Opalos, Calchedonios, Amethystos, Achates elegantissimos, Cytin, Cyanon & Smaragdum. Nos de duobus ultimis, ut praecipuis, breviter agemus.

DE Cyano hæc habet PLINIUS o):
Adulteratur maxime Tinctura, idque in gloria Regis Aegyptii adscribitur, qui pri-

mism. Kæmpferus in Amœnit. Exoticis; & praecipue Waltherus de Silphio in Nummis Veterum, ac diversis plantæ speciebus. Lipf. 1746.

n) Plinius L. 37. Ibid. Salmasius. In vulgus quoque notum est Aegyptum divitias suas non Auri Argenti aliorumque metallorum venis debuisse.

o) Lib. 37. 9.

primus eum tinxit. Quidam recentiorum Auctorum per Cyanon intelligunt Turcoidem *p*); alii magno numero Saphiri speciem, nos Lazuli Lapidem esse existimamus, inter quem & Saphirum Antiqui sæpius, aut ambiguum, aut nullum discrimen posuere. Obscurissimus semper manet locus PLINII de Rege Aegyptio illum adulterante. Si is Scriptor non erravit intelligendus est de Vitro gemmæ instar tincto; si vero PLINIUS Cyanon geminam cum Pigmento ejusdem nominis colorisque confudit, tum accipiendus est de Temperatione Alexandrina coloris cærulei, quam verosimiliorem sententiam ex

THEO-

p) Hæc conjectura nullius videtur momenti, non quidem, quod credam veram Turcoidis naturam Veteribus fuisse cognitam; sed præcipue, quia is Lapis non ex Aegypto verum ex Persia afferendus fuit,

THEOPHRASTO & VITRUVIO sibi firmasse visus est Magnus SALMASIUS in notis ad hunc locum. Utrum Rex, de quo heic sermo est, sit ex Ptolemæis, an ex prioribus, asseverare nequeo; omni enim tempore in honore & usu fuit Chemia in Aegypto, talibus compositionibus mercibusque parandis idonea.

PERGO ad Smaragdum, quem Aegyptus magna satis copia tulisse dicitur, & cum apud Veteres Gemmarum fuerit tertia, variis usibus adhibita, consequitur illum in eorum commerciis haud minimi fuisse momenti q). De varia Smaragdi patria & ejus generibus multa occurrunt apud

THEO-

q) De vario usu Smaragdi apud Veteres consulendus *Jannon di St. Laurent sopra le Pietre Preziose degli Antichi pag. 70. T. 5. Saggi di Dissert. di Cortona.*

THEOPHRASTUM, PLINIUM, atque SOLINUM *r*); nos vero de folis agemus Aegyptiis. *Tertium locum, inter Smaragdos, Aegyptii habent, secundum PLINIUM, qui eruuntur circa Copton oppidum Thebaidis in collibus excauitibus. Et STRABO s): In hoc Isthmo, (prope Coptum,) sunt Smaragdi, & aliorum quorundam pretiosorum Lapidum metalla, ubi Arabes profundos quosdam cuniculos effodiunt. Consentiunt magna copia Arabes fere omnes, qui Aegyptum describere. IBRAHIM BEN OUASAFF SCHACH, a D'HERBELOTO laudatus, Smaragdos Orientales inter triginta illas præstantissimas Aegy-*

r) Theophrastus de Lap. Plin. 36. 5. Solinus 15. Ibid. Salmasius.

s) Lib. 17. 1170. Patet ex isto loco Arabes prope Coptum, commune illorum & Aegyptiorum Emporium, in Smaragdi fodinis occupatos fuisse.

Aegypti procreationes ponit *t*). Apud eandem D'HERBELOTUM in Territorio Syenes sola illorum sedes superesse traditur. In DIARIO quoque ERUDITORUM PARIS *u*): citatur Arabs, qui ipse dicit se lustrasse has Smaragdi fodinas, octo dierum itinere a Kous diffitas. De iisdem multis agit PROSPER ALPINUS *x*), cujus locum in nota exhibemus. Quamvis hæc omnia

t) Bibliothèque Orientale, p. 580. & 141.

u) Journal des Sçavans, Juin 1758. Extrait de Maraschi.

x) Rer. Aegypt. 3. cap. 4. Quod Smaragdi pretiosissimi omnium in Aegypti Provincia, Gait vocata, effodiantur, omnibus qui Aegyptum habitant notissimum est. Itaque in Gait, sub Aegypto meridiem versus posita Provincia, vel regno, ubi olim Inarum regnasse ferunt, Smaragdorum puteus est, quem Bir el Smerad vocant &c. Hæc omnia late exponuntur a Cl. Gogueto Origine des Loix, des Arts & des Sciences. T. 2. p. 238.

omnia certa videantur & indubia, tamen multi Recentiorum iis, quæ nunc de Smaragdis Aegypti diximus, vix fidem habere volunt, existimantes hodie nullos amplius Orientales reperiri Smaragdos, & nos forte illum Antiquorum non cognoscere, de quo PLINIUS asserit eum difficillime vulnerari, quod de nostro falsissimum; statuunt etiam illa, quæ de Smaragdis summæ magnitudinis apud PLINIUM, THEOPHRASTUM, CEDRENUM, aliosque leguntur, minime de nostro accipi posse; & referenda esse, vel ad Smaragditem, (*Prême D'Emeraude*) vel potius ad Vitra Smaragdino colore tincta, quorum commercium Aegyptii, harum artium peritissimi, simul cum illo pretiosorum Lapidum exercuisse videntur.

Mar-

Marmora.

INTER Merces commercii Aegyptiorum, praesertim interni *y*), erant Marmora illius regionis, de quibus late PLINIUS Lib. 36. & ex eo CARYOPHILUS in scriptione de antiquis Marmoribus *z*), qui illorum species, pretia, caesuras, tincturas & uestiones optime explanavit. Genera autem praecipua Marmorum Aegypti, vicinorumque locorum, haec sunt: Alabastrites, Porphyrites, Niger Thebanus, Basaltes *a*), Obsidianus, Ophites, Mem-

Z phites,

y) Sub Ptolemæis forte in Artificum gratiam minora quaedam marmora exportata fuisse crederem, nisi ipsa Græcia illis abundasset; sub Romanorum imperio multa marmora Aegyptia Romam advecta.

z) Caryophilus loc. cit. 86 -- 125. Apud *D'Herbelot* p. 508. inter res Aegypto proprias variae recensentur Marmorum species.

a) De Basalte legendus Ill. Comes *De Caylus Rec. D'Antiq.* T. 5. XI.

phites, Elephantinus, Syenites, Numidicus seu Lybicus, Arabicus albus.

Salia.

SALIMUM olim hodieque in Aegypti flumine, lacubus, terrisque, diversæ species, magna copia, magnus usus, maximum commercium, quæ in re PLINIUM ad partes vocavimus *b)*; porro Clar. ROUELLE egregias commentationes de Differentia Nitri Veterum Recentiorumque *c)*; evolvimus etiam,

b) Plinii loca de Salibus agentia expendit Clar. Michaëlis loco mox citando; is de Nitriariis Nili artificialibus multis loquitur, de Naturalibus vero præter laudatum Auctorem adeundi Peregrinatores, & inter hos præcipue Huntingtonus, Sicardus, Prosp. Alpinus & Haffelquist. Illorum origo in Sale Nilotico, vel Alcalino, vel Mirabili Glauberi.

c) *Mémoires de l'Académie des Sciences.*
A. 1750.

etiam, idque cum summo fructu, Clar. SPIELMANNI opera *d*), in quibus obscurissima Salium doctrinā in nova certissimaque luce collocata est. Adhibuimus tandem Cl. MICHAELIS Libros singulares de Nitro Antiquorum *e*); isti vero sollertissimo scientissimoque viro in quibusdam, non in omnibus tamen, assentire queo; in eo enim, etsi invitus, ab eo discedere cogor, cum existimat nostrum Nitrum aliquando, a Veteribus hoc nomine indigitari *f*).

Z 2

AEGY-

d) Spielmanni Institutiones Chemiæ; vide præ ceteris p. 158. Idem in Dissertatione de Principio Salino.

e) Michaëlis Quæst. 84. Peregrinatoribus Danis proposita; ejusdem Dissertationes de Nitro Plinii, & Hebræorum. Clar. Choll in Misc. Berol. VII. Schreber *Abhandl. vom Nitro der Alten*. T. I. *Oeconom. Samml.*

f) Cur inventio Nitri a Chemicis tempora nostra præcedentibus, nam Antiquis in-

ÆGYPTIUM itaque Antiquorum Nitrum, mea sententia a hodierno diversum, nunquam Sal neutrum factitium, sed Alcalinum fossile fuit. Duo ejus genera ex Aegypto ad Clariss. ROUELLE missa sunt; alterum, quod ibi raro invenitur, a Soda non differebat; alterum copiosissime in ea regione exstat, eratque Sal Marinum cum basi parvæ partis Glauberiani Salis, quod ex aqua marina evaporata semper obtineri solet g).

U s u s horum Salium apud Antiquos

cognitum fuit, non magis deprædicatur? An si illud habuerunt, detonationem ejus ignorare potuerunt; cur si noverunt illam retinere? & cur ab Arabibus in iis compositionibus, in quibus Nitrum Recentiorum fuisset utilissimum, nunquam illud laudari solet?

g) Boulduc, *Mém. de l'Acad. R. des Sciences de Paris.* 1731. p. 350.

quos multiplex *h*); statim iis omnibus inserviebant, quæ inveteranda fuere, hinc mortuorum conditura magnam eorum partem absumebat, sæpe in Vitriariis, sæpe in Tincturis, aliquando in cibis, in Medicina, in Balneis adhibebantur; nonnunquam ex iis, in Lapidum formam concretis, Vasa quoque elaborata fuere.

JUGENDUS tandem ATHE-
NAEUS 2. 67. qui ait: *Deinon in Hi-*
storia Persica, qui ex Aegypto Nili
Aquam & Salem Ammoniacum ad Regem
mitti prodit i). Non factitium illud Sal
Ammoniacum, cujus compositionem
Z 3 Aegy-

h) Ad omnes istos usus Natrum adhiberi potest; ad priores præsertim ob Alcalinam naturam, quæ in eo plane eadem quæ in Soda, hinc & similem præstat effectum.

i) Ejusdem mentionem facit Plinius, Dioscorides alique plures; consulendus Salmasius Homonym. Hyles Jatricæ p. 190.

Aegyptiam Clariss. HASSELQVIST optime descripsit; non verum illud & fossile in Septentrione a Cl. MODELIO detectum; sed, siue idem illud Sal Alcalinum, Natrum Aegyptium, a loco natali Ammoniacum vocatum, cujus naturam nunc expendimus; siue Sal Gemmæ, isti, quod ex Polonia habemus, simile *k*).

SALIBUS Aegypti ad commercia aptis addendum est Alumen; quod in illa regione PLINIO teste XV, 15. laudatissimum, & cujus hodie adhuc magna copia in Aegypto reperitur *l*).

OMIT-

k) An forte Nitrum erat illud, quod post evaporationem Marini Salis obtinetur; Ammoniacum vero fossile, quod sub Crystallorum forma apparebat?

l) Cum Arabes Antiquiores sæpe de variis Aluminis Aegyptii speciebus loquantur, verosimile est eos Aluminis vagum vo-

OMITTIMUS Mineralia plurima & nativa & apparatus, quæ ex Aegypto exportabantur, uti Colores pro Pictura *m*), variasque ejusmodi procreationes, hujus enim regionis incolæ, ut solent illi apud quos vigent commercia, omnia, quæ alicujus utilitatis esse poterant, sedulo colligere vendereque consueverant.

*Merces variarum Aegypti
Artium.*

SI vero Natura Aegypto largita est Merces eximias, Artes quoque ipsi non defuere commercio utiles. Ptolemæorum enim regnum hac in re Aegypti faciem, tamdiu sibi similem, tan-

Z 4 dem

cabulum generaliter adhibuisse de omnibus Salibus a vulgari diversis.

m) Inter Colores celebris erat Rubrica Aegyptia; item Parætonion, seu Creta Veterum Littoralis.

dem meliorem fecit, Græciæ adinstar
 ipsi Artes coli cœpere, & honorari a
 Regibus illarum fautoribus, atque a
 populo divite luxuique debito, quem
 Artes vulgo comitari solent. Omnium
 vero maxime Philadelphus ⁿ), sum-
 mus ille Aegyptiorum Rex, Artes ama-
 re, artifices allicere, operaque illorum
 colligere studuit. Sed de iis Aegy-
 ptiorum Artibus, quas cum ceteris
 gentibus habebant communes, non di-
 camus; verum tantum de artificiis
 ipsorum regioni & commercio fere
 propriis o).

Vitra.

ⁿ) Revocanda animo Pompa Philadel-
 phi ab Athenæo descripta V. 196, & de qua
 in prioribus egimus. Aratum is Rex misit in
 Græciam, ut pictas coëmeret tabulas, teste
 Plutarcho in Arato.

^o) Possemus heic de Vestibus Lineis
 Laneisque, in Aegypto confectis, differere,
 sed hæc superius jam tetigimus; sic versa vi-

Vitra.

Ex præcipuis Mercibus, quas Aegyptus Orienti Occidentique vendidit, fuit etiam Vitrum quod in illa regione magna copia, magnaue arte elaborabatur. De Vitriariis Alexandriae hæc habet STRABO *p)*: *Ego a Vitriariis Alexandriae audiui ipse quandam terram Vitriariam esse in Aegypto sine qua sumtuosa quædam, & multorum colorum opera confici nequirent.* Vitrum ab Aegyptiis transiit ad Romanos, & prima ejus mentio est apud CICERONEM in descriptione Puteolitanæ na-

Z 5 viga-

ce plura, quæ inter Artes retulimus, potuissent etiam in Sectione rerum naturalium arte perfecturam proponi.

p) Lib. XVI, 1099. Artem juvabat Natura, elegantissimi vitri materias abunde supeditans; quæ hodie adhuc ex Aegypto ad Venetos deferuntur.

vigationis q). Ille vere sic habet: *At permutata aliunde pecunia est, ductæ naves Posthumi Puteolis sunt, (Naves ex Aegypto missæ,) auditæ visæque merces fallaces quidem & fucosæ, chartis, linteis, & vitro delatæ.*

ET MARTIALIS r):

Cum

q) Pro Rabir. Posth. 39. Uti vitrum sic & aliæ merces Aegypto peculiari modo propriæ Romæ demum ad finem Reipublicæ cognitæ fuerunt; upde apparet huic Urbi cum Aegypto nullum fere ante hæc tempora fuisse neque rectum, neque indirectum luxus commercium.

r) Crystallus & Vitrum a Veteribus sæpe, ut & hodie, in communi sermone confundebantur, præcipue si de Vitro Aegypti, quod pulcherrimum erat, sermo est. Adeundus inter alios Salmasius in Solinum. De vario autem pretio Romani & Aegyptii vitri videndi commentatores Martialis l. c. unum vilissimum fuit, alterum pretiosissimum.

*Cum tibi Niliacus portet Crystalla
cataplys.*

EX priori loco STRABONIS, atque ex alio MARTIALIS s), nunc citando, patet Aegyptios vitra sua variis coloribus tingere, diverso modo celare, figurare, tornoque terere potuisse. Sic itaque MARTIALIS in Epigrammate, quod inscribitur Calices Vitrei:

Aspicias ingenium Nili, quibus addere plura

*Dum cupit, ah quoties perdidit
auctor opus.*

ET sic constat Artem Vitriariam jam valde perfectam fuisse ad finem Romanæ Reipublicæ, ubi vitra Romam mittebantur t); quæ omnia nobis luculento

Hadrianus in Epistola de Alexandria:
*Alii, Aegyptiorum, Vitrum conflat, ab aliis
charta conficitur.* Vopiscus 445.

s) Lib. 14. Ep. 115.

t) Etsi Romæ floreret Ars Vitriaria sub

culento sunt testimonio hanc Artem jam sub Ptolemæis fuisse sedulo in Aegypto excultam; nil enim certius est, quam illud, Artes per vices lenteque ad perfectionem tendere, & magnum illarum splendorem magnam quoque istarum apud gentem aliquam antiquitatem declarare; hinc optimo jure Vitrum inter Merces Aegypti sub Ptolemæis ponimus, etsi ob monumentorum penuriam, non habeamus hac de re disertæ Veterum testimonia. Sic quo-

Imperatoribus, semper tamen Vitra Aegyptiorum ibi in honore manebant ob summam elegantiam. Aurelianus voluit, ut vitri vetigal ex Aegypto mitteretur, Vopisco teste 534. Sic, secundum eundem Auctorem, Hadrianus ab Alexandria Sacerdote pretiosos calices vitreos accepit, & Serviano misit, de quibus ita loquitur: *Calices tibi alassontes, colorem mutant, versicolores transmissi, quos mihi Sacerdos Templi obtulit.*

quoque minime dubitamus in Aegypto conflatum fuisse Vitreum illum Loculum, in quem Ptolemæus Cybiosactes Alexandrum Magnum, qui antea in aureo collocatus erat, transtulit *u*).

VITRI usus jam Ptolemæorum temporibus fuit maximus, inde fiebant amphoræ, Vasa, Calices, aliaque plura, de quibus consulendi Viri Clarissimi VALESIUS, *de l'origine du Verre & de ses différents usages chés les Anciens x*).

Et

u) Strabo 1144. De Sarcophagis Veterum Vitreis adeunda Commentaria Aeliani Var. Hist. 14, 3.

x) Hist. de l'Acad. R. des Inscript. T. 1. 109. Conf. Michaëlis in Hist. Vitri apud Hebræos, Comment. Goetting. 4. 301. & præcipue Ill. Comes de Caylus, qui multiplicem Vitri apud Antiquos usum edocuit, & multa insignia inventa Artis Vitriariæ vetustæ de novo invenit. Ex eodem Auctore apparet, quam excellenter & perfecte Aegyptii Figlina opera confecerint.

ET HAMBERGERUS in Vitri Historia ex Antiquitate eruta, in Comment. Goetting. 4. 484.

EX Vitro ab Aegyptiis Gemmæ conflabantur factitiæ, & factitia Murrhina Vasa. Testis enim est Auctor Peripli Maris Erythrei, p. 4. in Diospoli superioris Aegypti talem fabricam fuisse, quod, ut id repetam, summam artis absolutionem vetustatemque demonstrat.

Unguenta.

IN Luxu Veterum illius ætatis, de qua nobis quæstio est, maximus erat Unguentorum usus; jam vero teste PLINIO y); *Terrarum omnium Aegyptus accommodatissima Unguentis.* Apud eundem z) diversa Unguentorum Aegyptiorum genera late describuntur ac lau-

y) Lib. 13. 3. Conf. Hasselquist 560.

z) Ibid. cap. 1.

laudantur; mentionem facit Myrobalani Aegyptii, Balani Palmæ ejusdem regionis, Malobathri Aegyptii, & arboris, quam Elaten vocabant in Aegypto nascentis, ex quibus omnibus Unguenta parabantur, quæ in tanto honore fuere, ut sæpe exportarentur *a*). Sic in L U C I A N I navigatione aliquis familiari suo, Aegyptum adeunti, ait *b*): *Per Isidem amice ex Aegypto certe Nilotica illa Salsamenta - - afferre memento, aut Unguentum de Canopo.*

De Papyracea Charta.

Ex mercibus notabilibus Aegypti fuit etiam Charta Papyracea, de qua Excerpta adhibebo ex P L I N I O collecta,

a) Lib. 12. c. 21. 22. 26. 28. Athenæus Lib. XIV. 665. de Unguento Aegyptio.

b) Tom. Tertio Reitzii 259. Apud Philostratum Vit. Sophist. Lib. 2, in Vita Procli, Unguenta inter Merces Aegypti recensentur.

sta, qui omnium optime hac de re scripsisse videtur; utar præterea insignibus commentariis, quos in hunc Auctorem vulgavere Viri Clariss. GUILANDINUS & Comes DE CAYLUS c) subjungam hinc & illinc meas quoque conjecturas, & semper memor ero me heic non de Papyro generatim, sed tantum de commercio ejus sub Ptolemæis loqui.

Sic itaque PLINIUS Lib. 13. cap. XI: *Prius tamen, quam digrediamur ab Aegypto, & Papyri natura dicitur, cum Chartæ usu maxime humanitas vitæ constet & memoria.*

CER-

c) In C. Plinii Majoris Capita - - Auctore Melch. Guilandino, Lausannæ 1756. *Dissertation sur le Papyrus par Mr. Le Comte de Caylus* 1758. Ungerus de Papyro frutice, Lips. 1731.

CERTUM est Chartam Papyraceam præstantiorem fuisse ceteris materiis, quibus Veteres antea ejus loco uti solebant, idque ob levitatem, ob parationis facilitatem, & tandem propter abundantiam, qua hæc planta sine omni cultione iis in locis crescebat, quæ a Nilo irrigabantur.

SUBJUNGIT PLINIUS: *Et hanc Alexandri Magni victoria repertam auctor est M. Varro, condita in Aegypto Alexandria; antea non fuisse Chartarum usum; in Palmarum foliis primo scriptitatum, deinde quarundam arborum libris; postea publica monumenta plumbeis voluminibus, & privata Linteis, (& apud alias gentes, & vetustissimis temporibus apud ipsos Aegyptios, quod apparet ex Mumiarum fasciis,) confici cæpta, aut ceris,*

TRADIT itaque VARRO Aegyptios, gentem illam longe ante Alexandri Magni tempora tantam & tam doctam, demum sub isto Rege Chartarum usum cognovisse, qua in re ab ipso PLINIO, dein & ab aliis confutatus fuit; secundum quos ea materia jam ante istam ætatem scribentibus inveniebatur, quæ vero demum Alexandri ætate majori copia fabricari, & maximo numero ex Aegypto ad exteras gentes transire cœpit, postquam Alexandria commercii totius fere Universi centrum facta est *d*). Florebat itaque hoc commercium sub primis Ptolemæis, quorum successores illi per aliquod tempus obicem posuisse videntur, donec

d) Nonnulli dicunt Plantam Papyri jam antea fuisse cognitam, sed demum Alexandri M. tempore ad Chartas conficiendas adhibitam.

donec illud iterum surrexit ; sic enim habet PLINIUS: *Mox æmulatione circa Bibliothecas Regum Ptolemæi & Eumenis supprimente Chartas Ptolemæo, idem Varro Membranas Pergami tradidit repertas. Postea promiscue patuit usus rei, qua constat immortalitas hominum.*

ANTEQUAM hunc locum explicemus subjungendus est alter HIERONYMI, qui maxime ad rem nostram facit dicendo *e*): *Chartam defuisse non puto Aegypto ministrante commercia; & si alicui Ptolemæus maria clausisset, tamen Rex Attalus Membranas a Pergamo miserat, ut penuria chartæ penitus pensaretur.*

Id itaque sibi vult PLINIUS, vel VARRO ab eo laudatus, aliquem Ptolemæorum

e) Epist. ad Chromatium, Edit. Frobeni, pag. 98.

lemæorum Chartæ exportationem prohibuisse, qua re commotum Eumenem, (HIERONYMUS ponit Attalum,) Pergamenarum Membranarum usum aut invenisse, aut quod propius vero est, perfectiorem frequentioreque reddidisse; dein vero Chartarum & Membranarum usum promiscue patuisse. Valde autem inter eruditos disputatur, de quonam Ptolemæo heic sermo sit, quidam ad Philadelphum referunt, cum Bibliotheca Alexandrina fundata videatur Rege isto una cum Patre imperium tenente. Sed cum is longe ante Eumenis vixerit tempora id sic concipiunt, ac si Philadelphus librorum curiosus Chartæ exportationem suppresserit, quod edictum Eumenis tempore adhuc perdurans illi ex eorum mente originem dedit cogitandi de perficiendis Membranis; Verum sic intelligi

telligi nequit PLINIUS, idque eo minus necessarium, cum constat omnes fere Ptolemæos, etsi otio & desidiæ deditos, tamen a Patribus suis accepisse, ut haud minimam gloriam voluptatemque in ornanda Bibliotheca Alexandrina collocarent. Assentior itaque Clar. BONAMY *f*), qui putat Aristonymum, Ptolemæi Epiphanis Bibliothecas tractantem, cum ad Eumenem Attali Primi filium Librariæ Pergami suppellectilis conditorem transire voluit, huic æmulationi ansam dedisse; accessisse dein invidiam Bibliothecæ istius quotidie auctæ, ita ut tandem aut ab ipso hoc Rege, aut ab ejus filio præscriptum fuerit istud mandatum, quod uni ex præcipuis com-

Aa 3 mercii

f) Dissertation sur la Bibliothèque d'Alexandrie in Mém. de l'Acad. R. des Inscript. T.9. pag. 398, & præcipue 404.

mercii Aegyptiaci partibus plane fuit contrarium, cum Aegypti Reges semper debuissent in id intenti esse, ut Papyri abundanter apud se crescentis frequens ubique usus & maxima exportatio esset. Sed tantum in Rege valuit vel litterarum laudandus amor, vel forte vana æmulatio.

POST pauca quædam sic pergit
 PLINIUS: *Papyrus ergo nascitur in palustribus Aegypti, aut quiescentibus Nili aquis, ubi evagata stagnant, duo cubita non excedente altitudine gurgitum.*

PAPYRUM itaque PLINIUS Aegypto præcipue tribuit, idque recte, etsi enim in Sicilia, Apulia, Calabria, India, Nigro & Euphrate illius quædam species fuerint g), tamen illæ
 Chartæ

g) Papyrus est Planta ex maximo Cyperorum genere.

Chartæ Papyraceæ faciendæ, si ultimam excipiamus, utiles non fuere; imo & ipsa Assyria rarissime videtur ad hunc usum adhibita, cum contra Papyrus, & Charta quæ inde conficitur, Veteribus ubique dicatur Aegyptia, Pharia, Nilotica.

- - - - *Chartam, quam gens
Aegyptia mittit h).*

SUBJUNGIT tandem PLINIUS
Chartæ Papyraceæ parationem, ubi no-
Aa 4 tandum

h) Q. Seren. Samonicus 1. 10. pag. 226.
T. 2. Poët. Burm. & ibid. Keuchenius. Aegypto soli Papyrus tribuitur ab Ibrahim Ben Ouafass Schach, in Libro de Prærogativis Aegypti apud d'Herbelot. *Bibl. Orient.* 580. Crescebat in Nomo Sebenyt. teste Varrone; in Memphitide terra secundum Lucanum 4. 136. Apud Saitas monente Plinio. In Mareotide teste Martiale 14, 209. In omnibus inferioris Deltæ partibus auctore Strabone 17, 800.

tandum videtur Illustr. Comitem DE CAYLUS docuisse duplicem illam a PLINIO describi, primam, quæ in Aegypto locum habuit turbida Nili aqua glutinis vicem sustinente; alteram perfectioremque ex eadem materia de novo Romæ præparatam. Omnem itaque Papyraceam Chartam Aegyptus mittebat, sed illa nomina Augusti, Liviae, Fannii, aliaque accepit Romanæ originis, quia ex Aegypto illuc allata, denuo abluta, iterum pressa, glutino in majus volumen extensa, perfectior reddebatur; seu quod Aegyptii illam non tam elegantem facere possent, seu quod id præstare nollent, quia merces, quæ universo hominum generi venduntur, præsertim ita elaborandæ sunt, ut quilibet, etiam pauperrimus, illas levi pretio comparare queat *i*).

IS TUD

i) Non assentior itaque illis, qui Romæ

ISTUD Chartarum commercium
sub Ptolemæis florens diu postea adhuc

A a 5 sub-

ex Papyro Italiæ Chartas sæpe confectas volunt; qui de Corticea scribunt Charta non ea, de quibus sermo est respiciunt tempora, & tantum illa loca, ubi ob distantiam Mediteranei Maris in casu quodam necessitatis talis facta fuit. Aliter tamen Strabo 1151 de cultura Papyri Aegyptiaci hæc tradens: *Nonnulli, ut reditus augerent Judaicam versutiam adhibuerunt, quam illi in Palma Caryot. atque Balsamo excogitaverunt, non enim permittunt multis in locis nasci, Papyrum, qui fit, ut raritati pretium imponentes reditum quidem augeant, commercii vero usui damnum inferant.* De suo tempore Strabo heic loqui videtur, saltem de tali, quo Aegyptii, a sordidissimis Judæis, magna copia Alexandriæ viventibus, omnes etiam injustissimas commercii versutias didicere.

substitit, donec Bombycinæ Chartæ
 usus invaluit. HADRIANUS Impe-
 rator de Alexandria sic scribit *k*): *Ci-
 vitas opulenta, dives, fœcunda, in qua ne-
 mo vivat otiosus, alii vitrum conflant, ab
 aliis Charta conficitur.*

VOPISCUS quoque asserit *l*),
 Firmum Negotiatorem Aegypti, qui
 ejus dein imperium tenuit, *tantum ha-
 buisse de Chartis, ut publice sæpe diceret
 exercitum se alere posse Papyro & Gluti-
 no.* Quæ verba quidam ita accipiunt,
 ac

k) In vita Saturn. apud Vopiscum. Cy-
 rillus Alexandr. Comment. in Esaïam Ope-
 rum V. 204. de Aegyptiis, *Papyrum defecant,
 Chartæ confectores sunt.*

l) In Vita Firmi 2. 696. Philostr. Vit. So-
 phist. L. 2. in Proclo Naucratis inter Merces
 Aegypti numerat Thura, Eboras, Unguenta,
 Libros & Papyrus. Hic itaque Auctor Pa-
 pyro addit Libros; sic Strabo 13, 907, Libra-
 riorum Alexandrinorum mentionem fecit.

ac si de Papyro Glutinoque loquatur, ut de rebus edulibus, alii vero de pretiis istarum mercium.

MVLTVS certe verbosusque fui in ultima ista Sectione, imo in tota mea descriptione, de qua tamen minime existimo illam omnem Historiam Commercii & Navigationum Ptolemæorum exhibere; fragmenta tantum ejus rei protuli, sed plura ex Veteribus, quamvis curiosius illos investigaverim, haurire non potui.

F I N I S.

DIS-



DISSERTATIO QUINTA

DE

INSCRIPTIONIBVS
NARBONENSIBVS

AD VIRUM ILLUSTREM
SEBASTIANVM DONATVM
LVCCENSEM

RECTOREM CONCORDII DE S. MORIANO
ACADEM. LVCCENSIS, CORTONENSIS
ET TOLOSANAE SODALEM
INCLYTISSIMVM.



DISSERTATIO QVINTA
DE
INSCRIPTIONIBVS
NARBONENSIBVS
AD VIRVM ILLVSTREM
SEBASTIANVM DONATVM
LUCCENSEM.

GRUTERO ac MURATORIO
Complementa paras, jubefque,
quod mihi magno honori effe duco, ut
meos labores in ifto Studiorum genere
ad te mittam. In hunc finem Helve-
tiæ, quæ mihi Patria eft, Titulos anti-
quos commentariis explanatos exhibui.
Adjeci dein Aegypti, quam ut alteram
diligo Patriam, vetuftos Lapides. Nunc
Galliæ Infcriptiones quasdam mittam
in longo, quod per ejus Provincias in-
fitu

stitui itinere, pro eo qui mihi est te juvandi ardore, sedulo collectas.

VIENNAE Titulos descripfi plures comite Clar. CHARVET; alios Avenione accepi per Cl. CALVETUM, rerum antiquarum valde peritum; iterum alios Aquis Sextiis conspexi a Summo PEIRESCIO traductos, qui hodie in Musæo Illustr. Præsidis DE ST. VINCENT supersunt. Massiliæ ope Eruditissimi Abbatis ALLIAUD Græcos quosdam Lapidés inveni. Duce Cel. DU MOULIN Agrum Arelatensem vetustis Inscriptionibus refer-tum visi revisique. Nemausi innumera Monumenta perlustravi præsentibus Nobil. DE ROCHEMORE, & Clariss. SEGUIERIO, maximo harum litterarum fautore. Tolosæ plura vidi inedita Monumenta apud Illustr. Præsidem D'ORBESSAN *m*). Quos omnes opti-
m) In eadem Urbe penitus intravi in

optimarum disciplinarum studiis eruditos heic nominare placuit, quia Litterarum Litteratorumque magni interesse existimavi, ut qui in has regiones iter instituunt, scirent quinam ibi harum Artium callidi, & quod expertus dico, erga externos summa comitate insignes existerent.

P R A E S E N T I vero scriptione, omiſſis Lapidibus eorum locorum de quibus nunc locutus sum, illos tantum tangere in animo est, quos in nobilissima Galliarum Urbe *Narbone Martio*, Decumanorum Colonia, descripsi.

I N ista itaque Civitate apud L. B. Abbatem DE BRETEVIL, virum præclara eruditione & doctrina excultum,

Bb ho-

familiaritatem Amici tui Clar. MARTINI DE ST. AMAND, præstantissimi Antiquarii, cujus obitus litteris luctuosus, patriæ tristis, & nobis extraneis non sine cura fuit.

hodieque ad dignitatem Episcopi Montis Albani evectum, in duos incidi Manuscriptos Libros, quorum prior inscribitur : *Les Antiquités de Narbonne par Le Sieur Lafont Bourgois du dit Narbonne en 1700.* magno volumine formæ, ut vocant, Octavæ. Hoc opus omnes Inscriptiones Narbonis Martii continet, locaque ubi supersunt edocet. Alterum a fratre istius confectum hunc præfert titulum: *Narbonne Ancienne par Messire Jérôme Lafont Prêtre, Bachelier en Théologie, Docteur en l'un & l'autre Droit, Chanoine de l'Eglise Collégiale de St. Just, & de St. Sebastien de Narbonne;* tribus magnis Voluminibus in Quarto; ubi omnia, quæ Veteres Scriptores Lapidesque Antiqui de Narbone Martio docent, latissime declarantur His adjunctus Libris in omnes eos Titulos, quos LAFONTIUS indicabat, inquisivi; illosque de novo descripsi, & dun

dum Lapidēs cum LAFONTIO conferrem, dubitavi utrum magis laborem ejus assiduū, cui per triginta, & amplius, annos incubuit, mirari; vel potius exquisitum harū rerum judicium, quod ipsi deerat, desiderare deberem; qua de re factum est, ut non semper ejus descriptionibus, rarius adhuc ejus explicationibus calculum adposuerim. Et quod præcipue doleo vidi illum simulac Inscriptiōem delineare incepisset, statim conjectura aliqua sensum ejus assequi tentasse, quas divinationes, etsi plerumque a vero aberrantes, tamen ut fieri solet, ita vehementer amabat, ut sequentia eo modo legeret, qui opinionem ejus stabilire poterat; hinc accidit, ut in iis Lapidibus, quos mihi videre non contigit, & quos ex solo LAFONTIO profero, plura sublestæ fidei videantur; sed neque meas descriptiones ab omni errore immunes

esse gloriator, illi se hinc & illincingere potuerunt, cum multi Tituli valde detriti, & ab oculis nimis remoti fuerint.

SELEGI autem pro isto Fasciculo præcipuos Narbonensium Lapides, quos GRUTERUS & MURATORIUS nondum vulgavere *n*); in eosque Commentaria conscripsi, ubi ea tantum, quæ nova videbantur, explicare tentavi. Contuli BREVALII, MAFFEIQUE Itinera Galliæ; CATELII *Histoire du Languedoc*; & Reverend. PP. Ord. Bened. Fastos ejusdem Provinciæ circa illos

n) Difficillimum est scire, quinam Tituli vulgati sint, quinam inediti, hac in re adjutus fui manuscripto opere nunquam satis laudandi Seguerii, qui immenso labore conscripsit Indicem, ubi primo intuitu, ordine, optimo omnes Inscriptiones apud quosvis Auctores obvias, deprehendere licet; cujus promulgationem avide exspecto.

illos Titulos, quos apud laudatos Auctores editos fuisse novi. Addidi Emendationes Conjectationesque in nonnullas Narbonensium Inscriptiones a GRUTERO & MURATORIO jam antea per vulgatas.

N U M. I.

NVMINI AVG.

ET NVMINI

AVGVSTORVM

SACRVM

ADJECTO TETRASTI . . .

O ET AERAMENTIS

OMNIBVS

JVLIA NATALIS

D. S. P. F. C. IDEMQVE

EDIC. T. T. L. D. D. D.

EDITA est hæc Inscriptio in
*Preuves de l'Histoire du Languedoc par
 les Benediſtins Tom. I.*

Bb 3

Nv-

NVMINI AVG. De Numine
cœlesti.

NVMIN. AVGVSTORVM. LA-
FONTIVS conjicit intelligendos aut
Cajum & Lucium, aut Agrippam ac
Tiberium. Sed referendus Titulus vel
ad M. Aurelium & L. Verum, *tunc
enim primum*; testante CAPITOLINO
imperium duos Augustos habere cœpit;
aut ad Pupienum & Balbinum. Con-
ferendus Clar. Buxtorfius de In-
scriptione Helvetiorum, quæ est ad
Birsæ Fontem, & incipit NVMINI
AVGVSTORVM.

TETRASTILO. Tetrastylon qua-
tuor habebat Columnarum Ordines in
fronte & interiore ædis corpore. VI-
TRUVIVS III. 2. & VI. 3. BALDVS
& DE LAET in Lexico Vitruviano.

AERAMENTIS. Aeramenta
sunt opera, heic Ornamenta, ex Aere.
Vox Pliniana.

IDEM-

IDEMQVE. Vel positum pro
Itemque; vel adverbii loco, quod est
contra morem receptum.

EDIC. T. T. Mallem DEDICAVIT.

N V M. I I.

In fidem Lafontii.

Q. T. FECIT VRSA

MARCIANA SACER

DOTE

JVLIO EVEREPEDO

TAVROPOLIVM MATRI

DEVM .

INNVMERA in Narbonis Martii
Colonia exstant Tauropolia, hoc ita le-
gendum est: TAVROPOLIVM MA-
TRI DEVM QVOD FECIT &c.

N V M. I I I.

Descripsi in ArchiEpiscopi Aedibus.

L. AFRANIVS CERIALIS L.

EROS IIIII! AVG. DOMO TA

Bb 4

RA-

RACONE OSPITALIS A GAL-
LO

GALLINACIO AFRANIA CE-
RIA

LIS L. PROCVLA VXOR
AFRANIA

L. L. VRANIE F. ANNORVM XI.
HIC SITA EST.

HANC Inscriptionem vulgavere
FLEETWOOD, BREVAL, GVDIVS
pag. 100. & SPONIUS in Misc. 199.

IIIIII. AVG. Seviri Augustales
Narbonensium non semper fuere nobili
genere aut muneribus egregiis conspi-
cui. Heic habemus Coenacularium,
mox Aurificem istius Colonix Seviri-
um videbimus. De hoc officio, de quo mul-
tum disputatum fuit, conferri potest
Clar. DE BOCHAT *Mém. Crit.* T. 2.
pag. 446. XI. *Mémoire; Des Seviri Au-*
gustales.

OSPITALIS

OSPITALIS A GALLO GAL-
LINACIO. SPONIUS recte monet
ex hoc Monumento concludendum Ve-
teres, non fecus ac Recentiores, Diver-
foriis Insignia Animalium appendisse;
de quo mihi præter istum Lapidem
non aliud succurrit argumentum. Nul-
la hujus rei mentio in STUCKII An-
tiq. Conviv. nulla in TOMASINI
Theff. Hospital.

L. L. VRANIE. SPONIUS le-
git L. LV RANIE.

N V M. I V.

Secundum Lafontium.

L. LIB. OPTATVS

AVRIFEX IIIIIIVIR

AVGVST. C. I. P. C. N. M.

SIBI ET

L. CORNELIO EPHESO

L. CORNELIO CAMPANA

L. CORNELIO THIALIO

Bb 5 Ab

Ab initio aliquid deesse videtur.

C. I. P. C. N. M. Colonia Julia Paterna Claudia Narbo Martius; de quibus Titulis videndi CATEL, *Mémoires de l'Histoire du Languedoc* p. 85. *Histoire Generale du Languedoc par deux Bénédictins*. T. I. pag. 600. *Mémoires pour l'Histoire Naturelle du Languedoc* p. 30.

THIALIO, Mallem THALLO, quod frequens.

N V M. V.

Ex Lafontio.

FANNIA C. L. CELIA

SIBI ET

C. TREBONIO ABVNDIO

VIRO SVO

IIIIII AVG. N. M.

N. M. Narbonis Martii.

N V M.

N V M. V I.

Ex Lafontio.

. . . S D V O M V I R

. . . O V I R O A V G V R

. . . F E C T V S N A V . . .

. . . T I S A R B I T R A T V .

S V N T in hac Infcriptione quædam male descripta, & multa dubia. Legendum videtur *Duomviro Scviro Augustali Præfectus Navium.*

N V M. V I I.

Ex Lafontio.

C N. O C T A V.

P R O I I V I R.

N V M. V I I I.

Secundum Lafontium.

V. L. A L B I V S.

L E P I D V S A E D I L C O

C L A N O C O N L.

A E D I L C O. Aedilis Colonizæ.

C O N L. Conliberto.

N V M.

N V M. I X.

Secundum Lafontium.

C. JVLIVS. C. F.

GAL. ITALVS

EQVES ROMANVS

EX HISPANIA

CITERIORE

SEGOBRIGENSI.

N V M. X.

Secundum Lafontium.

Q. AKANIVS

Q. F. RVFVS

TER

DICTATOR IN

JVNILICIIS.

QVID sit DICTATOR IN JVNILICIIS nescio. LAFONTIVS, qui omnia explicare voluit, asserit Mense Junio Narbone Martio Nundinas celebratas, Dictatoremque iis præfectum fuisse, quod ut evincat asserit loca Antiquorum

tiqorum de mercimoniis & Commer-
ciis Narbonensium; sed probandum
fuiſſet Fora iſta Nundinaria Junio Men-
ſe frequentata Junilia vocata fuiſſe;
confirmandum quoque eſſet iſtius em-
porii Præſidem Dictatoris titulum ha-
buiſſe, quod veri ſpeciem non habet;
eſſi certum ſit Dictatores etiam extra
Romam fuiſſe, eoſque non ſolum rerum
gerendarum cauſa electos, ſed etiam ob
Comitia, ob Ferias ob Quæſtiones exer-
cendas; de qua re videndi HOTTO-
MANNVS & innumeri alii, qui de Ro-
manorum Magiſtratibus egere; præci-
pue vero JENSIVS in ſingulari libro
de Dictatura P. R.

N V M. X I.

In fidem Lafontii.

EN ROMA.

LAFONTIVS legit *En Romam*,
ſeu *Romanam Viam*; exiſtimans Titu-
lum

lum pertinere ad antiquam aliquam
Urbis majorem Portam, quod cum in-
solens sit dubium est.

N V M. XII.

Descripfi in Aedibus ArchiEpiscopi.

ACTORIVS L. L. SPAER.

SAGARIVS.

SPAER. *Spærus*, conf. MVRAT-
TORIVS 1279. 3.

SAGARIVS. Qui Saga vendit.
Horum mentio apud MVRATORIUM.
Apud GRUTERUM occurrunt *Nego-*
tiatores Sagarii 650. 2. & 4. *Collegium*
Sagariorum, in SPONII Misc. p. 67.

N V M. XIII.

Ex Lafontio.

VIVONT

L. OPIO QUIETO

CAPISTRARIO

MALIAE CARAE

CONTVBER. PER ANNO..

SINE IVRGIO VIVONT.

CA-

CAPISTRARIO. Capistro, Capistrum, Capistratus, vulgata sunt verba; Capistrarii vocem nondum legi. Addenda Vocabulariis, & præcipue Indici Critico CORRADINI DE ALLIO novarum vocum ex Scriptoribus & Lapidibus erutarum.

PER ANNO. Id est *per Annos multos.*

N V M. X I V.

Ex Lafontio.

VIV.

P. LICINIUS

P. L. LICINIUS

VESTIARIUS

SIBI ET SVIS

SERGIA JVNNI

SIBI ET SVIS.

Lin. 3. LICINIUS. Repetitur istud Licinii nomen locum habere nequit, legendum Licinianus, vel quid simile. De

De *Vestiariis* sæpe Auctores, sæpe
Lapides, quod vel ex folis GRVTERI
& MYRATORII indicibus patet. :

N V M. X V.

Ex Lafontio.

VIV.

M. ACCIVS

M. L. PRIMVS

VESTIARIVS

SIBI ET

OPTATO L.

N V M. X V I.

Descripfi Narb. Mart.

VIVONT

L. GAIENINA

MASCLVS

NAVCLARIVS

SIBI ET SVIS

IN F. P. XV.

N. V M.

N V M. X V I I.

Secundum Lafontium.

.

R V D I A R I O

A M I C O.

Rudiarius, vel qui Saga rudia pol-
lit, ruderarium cibum facit & rudiora
Linteamina, F E S T U S. Vel, quod
magis arridet, Rude donatus Gladia-
tor Veteranus emeritus, qui diu stre-
nue pugnavit, Artisq; missionem im-
petravit, L I P S I U S Sat. 2. c. 23.

N V M. X V I I I.

Ex Lafontio.

M. A C E R V E L I T

. . . C A E S A R I S

L A F O N T I U S legit *M. Acer ex*
Velitibus Cæsaris. Ego vel *Macer Vel-*
ternus, de Patria, vel *Veteranus*, de Mu-
nere, scribendum arbitror. Velitum
mentio in Lapidibus aut rara aut nulla,
valde enim incertum an ad eos refe-

Cc renda

renda Inscriptio MURATORII 847. 7.
quod isti Auctori placuit.

N V M. XIX.

Ex Lafontio.

ANELIA

SECUNDA

VXSOR NAT

FRVGI HIC SEPV

OBLIVIO

MONVM.

Ab initio ad finem multa sunt dubia.

N V M. XX.

Descripſi Narb. Mart.

MORTVA CVM FVERIS FATI QVOD

LEGE NECESS EST

VSTA CINIS PROPRIO

CONTEGAT OSSA SOLO

SACRATAM CVNCTIS SEDEM NE

LAEDE VIATOR

HANC TIBI NASCENTI FATA

DEDERE DOMVM.

Edita

Edita est hæc Inscriptio a BREVAL Tom. 2. 221. Libri, qui inscribitur; *Remarks on several parts of Europe relating to the History and Geography, London.* BREVAL lin. 1. legit *Neceffe est*, sed vidi *Neceffest* elisionis lege.

N V M. X X I.

Descripfi Narb. Mart.

V.

Q. ONVMISIVS

Q. F. PROCVLVS

JUVEN. RAR. SIBI ET

Q. ONVMISIO ERONT..

PATRI ET GALLIAE

SILVANAE MATRI.

JUVEN. RAR. Juvenis Rarus,
Rarissimus. STATIUS Silv. 4. 8. 32.

*Sed queror haud faciles juvenum
rarissime questus.*

Soëpissime in Lapidibus occurrunt
Uxores rarissimæ, Feminae exempli rarissi-
im Cc 2 NVM.

N V M. X X I I.

Descripſi Narb. Mart.

V I V.

C V P V I A

SCAMNI FIL.

VRBANA ETIMACO

HIC

OSSA IGNE COCTA

QUIESCIT ET

DIGNE QVIA

PATRONO PLACVIT

ETIMACO. Scriptum eſt hoc nomen per compendia litterarum, ſic ut legi queat *Etimaco* & *Teimaco*.

N V M.

N V M. XXIII.

Descripti Narb. Mart.

L. RINNIAE

P. L.

RVMAE

HIC EST SEPVL.

L. RINNIA PRIME

L. AVCTA SIBI ET

PATRONAE.

HIC SEPVL. CIPPO,

EX PAR. DIM.

EX PAR. DIM. LAFONTIUS
 legit EX PAR. DIA. & explicat *Ex
 Parte Diali*, seu Orientali. Legendum
Ex Parte Dimidia, Veteres enim sæpe
 Monumenta in duas pluresve partes
 dividebant, & cuilibet domino suam
 assignabant. Romæ: CURTIA C. L.
 PRIAPIS CUI PARS DIMIDIA
 HUIUS MONIMENTI CONCESSA
 EST. Et plurimi alii Veterum Lapi-

des, quos in hanc rem citavit mihi non exscribendus KIRCHMANNUS Lib. 3. de Funer. Rom.

LAPIDIBUS istis a GRVTERO & MVRATORIO nondum vulgatis, addendas existimo quasdam Emendationes Conjectationesque de iis Narbonensium Inscriptionibus, quas Auctores isti non exacte legisse videntur.

N V M. I.

GRVTERVS 373, 1. Exhibet Lapidem Narbonensem, ubi lin. ult. loco V. L. BAEBIVS, legendum est V. L. BAEBIVS AVCTVS.

N V M. II.

GRVTERVS 406, 3. Narb. Mart. M. FABIVS T. F. AEDILIS. In Lapide vidimus M. CAESIUS T. F. AEDIL. Consulendæ etiam *Preuves de l'Histoire du Languedoc* 12.

N V M.

N V M. I I I.

GRVTERVS 496, 3. EX SCALIGERO sic profert Narbonensium Lapidem:

DVOMVIR ITERVM

L: NARB. MATΨ. DON.

Lin. Secunda legendum MART. DOM. Vide *Preuves de l'Histoire du Languedoc par les Benedictins* 10.

N V M. I V.

GRVTERVS 566, 8. Narbonis Lapidem vulgavit, qui sic habet:

SE VIVO

T. VALERIVS

T. L. FABIA TITVLVS

CABALIENSIS

VETERANVS.

CABALIENSIS effert ex Cabelione Urbe, quam STRABO & PEV-
TINGERIANA TABVLA vocant Cabal-
lionem, hæc hodie est *Cavaillon*. Ipse

408 Diff. V. DE INSCRIPTIONIB.

autem in Lapide vidi GABALIENSIS, Gabali noti Galliæ Populi, quorum Pagus hodie *Gevaudan*, Vicus *Javoux* & *Javols* vocatur, retento, ut videtur, veteri Gabali nomine; horum mentio occurrit in Inscriptione vetusta apud SIMONDVM & REINESIVM Append. 15.

N V M. V.

GRVTERVS p. 645. n. 2. ex SCALIGERI Manuscriptis, Narbone Martio.

V I V.

VALERIUS EMELLVS FORTVLIENSIS
AVGVARIVS SIBI ET IVLIAE M.F.
VINTAE VXORI J. A. P. Q. XV.

Eundem Lapidem pro more suo pessime vulgavit CATEL in *Memoires de l'Histoire du Languedoc* p. 103.

LAFONTIVS vero ita legit:

V I V.

VIV.

Q. VALERIUS
GEMELLVS FORO
JVLIIENSIS
SVGVARIVS SIBI
ET JVLIAE M. F.
QVINTIAE VXORI
IN A. P. Q. XV.

SVGVARIUS, Corrupte pro SAGARIUS positum videtur.

N V M. V I.

Apud GRVTERVM p.647. n.4. in Narbonis Martii Lapide loco L. NEFFINIUS legendum est NERFINIUS, aut potius NERPINIUS.

N V M. V I I.

GRVTERVS p.676. n.6. ex SCALIGERI Schedis Narb. Mart.

A. CORNELIVS A. F. V.
METELLVS Δ FORO JVLII
SIBI ET VOCONIA Q. F. OPTATIO
Q. A. CORNELIO OQVA
CORNELIAE SENTRO.

410 Diff. V. DE INSCRIPTIONIB.

Hoc Monumentum non sine pluribus erroribus vulgavit CATEL pag. 92. LAFONTIVS ita legit:

VIVOS

A. CORNELIVS A. F. V.

METELLVS FORO JVLII

SIBI ET VOCONIA Q. F. OPTATA

Θ. A CORNELIO OQVA

Θ. CORNELIAE SENTRO.

N V M. V I I I.

GRVTERVS pag. 986. n. 2. in Inscriptione Narbonis, nunc in Angliam traducta, legit POSTHVS, legendum POETHVS, quod, ut videtur, positum pro BOETHVS. *Posthus*, nisi contra Lapidem foret, conveniret. Lin. 5. ex conjectura pro VICARIA mallem VICARII. Hoc Monumentum etiam existat in *Preuves de l'Histoire du Languedoc par les Benedictins*, pag. 14. & apud CATEL. 99.

N V M.

N V M. I X.

MVRATORIVS IIII. n.7. Ex
SIRMONDO & MAFFEIO edidit
Lapidem Narbonensem, qui sic habet:

C. MANLIVS C. F.

PAP. RVFVS. VMBER EX
DECVRIA LICTORVM VIATO
RVM QVAE EST C. I. P. N. M.
FECIT SIBI ET SVIS.

Hanc Inscriptionem ipse vidi, sed
in eodem Lapide inferius addita alia
non separanda, quam ita descripsi.

C. CASSIO CLEMENTI ET
PRESIDIAE RESTITVTAE
CONTVBERNALI ET
C. CASSIO EXORATO FILIO
C. CASSIO VIATORI LIBER

sic

CVMB ARIS.

Lin. 2. Superioris Tituli CATEL
legit EXSS DECVRIA. REINE-
SIVS

SIVS 616. EX S. DECVRIA, quod
 pessime explicat *Ex Secunda Decuria*.
 In Lapide exstat EXS veteri scribendi
 modo; sic Nemausi vidi EXS VOTO,
 sic VXSOR scœpissime, quod a REINE-
 SIO non animadversum fuisse miror.
 Hoc Monumentum etiam vulgavit
 BREVAL.

Mihi vero Vir Illustris pergratum
 esset, si præsens Scriptio tua attentio-
 ne, tuoque, quod maximi semper fa-
 ciam, suffragio digna foret; periucun-
 dum, si illa Supplementis tuis GRV-
 TERIANI ac MVRATORIANI
 Thesauri utilis videri
 queat.

F I N I S.



Riley Dunn & Wilson Ltd

